





Ex Bibliotheca  
majori Coll. Rom.  
Societ. Jesu

III ~~15. K~~

III

18

B

14. 2. 77. 18







HELFRICI-ULRICI  
HUNNII JC.

*De*

RERUM ÆSTI-  
MATIONE

TRACTATUS.

*Allegro*



*M. Hunnii*



G I E S S Æ,

*Typis & Impensis Casparis Chemlini.*

---

M. DC. XVI.





ANTIQUA GENERIS NOBILITATE,  
MORVM ELEGANTIA ET SVAVITATE,  
OMNIS GENERIS VIRTUTE  
*admodum conspicuo luveni,*

Domino

WERNERO Hahn / EQVITI  
MEGAPOLITANO,

VIRI

GENEROSI, STRENI AC SPLENDIDISSIMI, DOMINI

JOHANNIS Hahn IN Bafedoro ET  
Bristow HEREDITARII,  
PARENTIS OPTIMI

OPTIMO FILIO,

PATERNÆ VIRTUTIS ÆMULO,

BONARVM ARTIVM ET IVRIS-  
PRVDENTIÆ STUDIO SO-  
LERTISSIMO,

HOC

AMORIS ET AMICITIÆ  
MONUMENTUM

*Posuit*

Helfricus Ulricus Hunnius  
J.U. Doctor & Professor.

A 2

*Index*



## Index *Quæstionum.*

### SECTIO I. DE ÆSTIMA-

TIONE QUÆ FIT OFFI-  
cio Judicis.

*QUÆSTIO I.* Ad utrum spe-  
ctet casus fortuitus rei debita  
ad debitorem, an vero ad cre-  
ditorem?

II. Interitus rei vendita ad utrum  
spectet ante traditionem, ad  
emptorem, an vero ad vendi-  
torem?

III. Si res post moram debitoris per-  
ierit, sine culpa & facto debito-  
ris uter damnum sustineat?

IV. Si res eodem fato apud credi-  
torem fuisset peritura?

V. Si res, salvo corpore, fuerit a-  
missa?

VI. Quando res aque dicatur cre-  
ditori peritura?

VII. Si res non debita, sed nostra ab  
alio possessa post moram posses-  
soris perierit?

VIII. Ad quodnam tempus sit red-  
cenda æstimatio?

IX. Si res in diem fuerit debita?

X. Si diestacite insit contractui ad  
quodnam tempus æstimatio  
referatur.

### SECTIO II. DE ÆSTI-

MATIONE QUÆ FIT Ju-  
re iurando Actoris in litem.

*QUÆSTIO I.* Quid sit iusi-  
randum in litem?

II. Quotuplex sit?

III. Quis deferat iusiurandum in  
litem?

IV. An index possit iuriurando ca-  
xationem adjicere?

V. Cui deferatur iusiurandum in  
litem?

VI. An de lata culpa in litem ex  
affectione iuretur?

VII. In quibus actionibus locum ha-  
beat iusiurandum in litem af-  
fectionis, & an etiam in actio-  
nibus in Rem?

VIII. An in actione ad exhiben-  
dum?

IX. An in interdiciis?

X. An in bona fidei actionibus?

XI. An in actione empti?

XII. An in contrariis bona fidei ju-  
diciis?

XIII. An in arbitrariis judiciis & in  
specie de actione doli & actio-  
ne quod metus causa?

XIV. An in stricti iuris judiciis?

XV. An in conditione furtiva?

XVI. De quibus rebus in litē iuretur?

XVII. Quinam sit effectus iuris-  
randi in litem affectionis?

XVIII. Quinam deferat iusiurandū  
in litem veritatis?

XIX. Cuinam deferatur iusiuran-  
dum veritatis?

XX. In quibus judiciis deferatur?

XXI. De quibus rebus sit iusiuran-  
dum veritatis?

XXII. Quinam sit effectus iusi-  
randi, necessarii seu veritatis?

DE ÆSTI-



De  
ÆSTIMATIONE  
RERUM  
*Tractatus.*

SECTIO PRIMA,

In qua de æstimatione rei peremptæ, deterioratæ &  
amissæ officio iudicis facienda.

QVÆSTIO I.

*Ad quem pertineat interitus aut deterioratio rei debite, sine culpa  
& mora debitoris, casu fortuito contingens?*

**Q**UOTIENS res ex ignora, qua huiusmodi casu interie-  
causa legati, vel ex rare, præstare non compellitur. Et  
quocumq; contra- Ulpianus in l. 23. de R. iur. Anima-  
ctu debita, sine de- limum casus, mores quæq; sine culpa  
bitoris culpa, aut accidunt; fuga servorum, qui custo-  
mora, casu fortuito interit, sic ut diri non solent, rapina, tumultus in-  
ipsa amplius præstari non possit, cendia, aquarum magnitudines, im-  
placet iuris nostri Authoribus, petus prædonum à nullo præstantur.  
debitorem hoc ipso liberari, sicut nec Itemque Paulus: Si certos nummos,  
æstimationem rei peremptæ aut puta qua in area sunt, stipulatus sim,  
deterioratæ præstare cogatur: Sic & hi sine culpa promissoris perierint,  
enim Alexander Imperator in l. 6. nihil debetur. l. 37. ff. de verb. oblig.  
C. de pign. act. *Qua fortuitis, in-* Et in l. 83. §. pen. ff. eod. *Ei si debere-*  
quit, casibus accidunt, qua prævideri- tur, ait, morte promissori liberatur:  
non potuerint, nullo bona fidei indi- Idq; optimam æquissimamque ra-  
cio præstantur: Et ideo creditor pi- tionem habere videtur, quod nem-

B

pe im-

pe impossibile sit, id, quod interit, præstari: Nemo autem ad impossibile teneatur, quamvis ex post facto id, quod ab initio possibile fuit, factum sit impossibile. *l. impossibile de Reg. iur. l. 140. §. Et si. de V. obligat.* Æstimationem autem idcirco non debetur, quia non illa, sed res ipsa fuit in contractum deducta *l. 21. in verb.* rem debebam non æstimationem *ff. de hered. vel act. vendit.* Giphani & Donellus in *l. 23. de Verb. obligat.* Idemque Donellus *16. Comm. 1. §. Interitum.* Schifordecker in tractat. *18. ad Anton. Fab. lib. 2. q. 3.* Cæterum hoc fallit primò, si conveniret ut debitor casum fortuitum præstaret, tunc enim rei interitum non liberatur *l. 23. de R. iur. & l. 6. C. de pign. act.* in verbis, nisi inter contrahentes placuerit, ut amissio pignorum liberet debitorem. Et ratio huius est quod id, quod inter contrahentes specialiter convenit, imprimis custodiendum sit, quoniam pactum legem solet dare contractui *d. l. 23. de R. iur.* Idem dicendum, si res æstimata in contractum fuerit deducta; Cum enim æstimationem sit venditio *l. 10. §. 5. & l. quoties ff. de iure dot.* idcirco is, qui rem æstimatam accipit, intelligitur eam à creditore emisse & non amplius rem ipsam, sed rei nomine precium debere *d. l. 10. & d. l. quotiens.* Cui consequens est, ut licet res interierit, tamen quia non id, quod debebat, sed aliud perierit, ad

æstimationem nihilominus teneatur Donell. in *d. l. 6. n. 18. C. de pign. act.* Petrus Faber in *d. l. 23. de R. iur.* ibidemque Philippus Matth. Jacobus Cuiacius, Jacob. Rævarius & Christoph. Sturtzcius. Præterea ad debitorem spectat rei interitus quando non species aliqua, sive res certa, sed genus, veluti homo, equus, &c. debetur; tamen si is homo aut equus, quem debitor solutioni destinarat, vel omnes etiam debitoris equi & homines perierint; idque est, quod dicitur genus perire non posse *l. 11. C. si cert. petat.* ubi Imp. incendium, inquit ære alieno non exiit debitorem, *l. Mavius. §. duorum de legat. 2. Donell. in l. 23. de verb. obligat. & in l. 6. C. de pign. act.* Saporita de mora *n. 84. & sequent.* Marcus Lyclama in tractat. de inveniendis rei deb. æstimat. *n. 10.* Cuius hæc ratio esse videtur quod debitor generis non hos, aut illos homines adeoque nec istos, qui perierunt, præcisè debuerit, sed hominem aut equum in genere. Idemque statuendum est quoties quantitas, vel res in pondere, numero & mensura consistens, velut vinum, oleum, frumentum, &c. ex contractu debetur *d. lege undecima, Codic. si cert. pet. leg. In ratione paragraph. tertio & quinto ff. ad L. Falcid.*

Quod tamen rursus sic accipiendum, si creditor in rebus istis acci-

accipiendis à debitore, moram non commiserit: Alioquin si is in mora fuerit & res oblata & solutioni destinata perierit, nulla debitoris interveniente mora vel culpa, debitorem liberari certum est: Sic enim hac de re Marcellus in leg. 72. ff. de solut. *Qui decem debet, si ea obtulerit creditori & ille sine iusta causa ea accipere recusavit. deinde debitor ea sine culpa sua perdidit, dolimale exceptione potest se tueri, quamquam aliquando interpellatus non solverit, etenim non est aequum teneri pecuniâ amissa: quia non teneretur si creditor accipere voluisset.* Et sane iniquum foret moram creditoris debitori esse nocivam, cum mora sua cuique & non alteri nocere debeat, leg. trigesima septima in fine ff. mandati. Denique fallit superior regula, & quantitatis vel generis interitus liberat debitorem, quando sub limitatione ac certâ quantitatis demonstratione fuit in obligationem deducta: Ut namenti qui sunt in arca mea: frumentum, quod est in illo horreo: Vinum quod est in illa cella, d. leg. in ratione paragrapho tertio ff. ad L. Falcidiam leg. quadragesima septima, paragraph. sed etsi petatur de legat. prim. lege quinta de Rebus credit. leg. si certos. de verbor. obligat. Giphanius ad leg. 23. de verbor. obligat. Bart. numero 4. Zasius numero undecimo. Alciat.

numero nono. & Philippus Matth. ad leg. 5. de Rebus credit. Fachin. 2. controvers. 71. Saporta in tractat. de Mora numero 89. Borcholt. de verbor. obligat. capite septimo & octavo, numero octavo, & sequentibus. Hoc enim casu promissæ quantitates induunt naturam specierum, ut sicut harum interitus debitor liberatur, ita etiam liberatur interitu quantitarum sub limitatione promissarum. Nec refragatur huic quod hoc casu genus sit potius in obligationem deductum, & species debeat respectu quantitatis, vel generis. Resp. Nam id concedendum non est cum contrarium videatur dicendum, quod nempe in proposito species potius sit in obligatione, eiusque intuitu atque respectu genus aut quantitas debeat. Similiter non refragatur l. 37 ff. mandati. in qua, etsi homo sub certa limitatione ac demonstratione debitus in obligationem sit deductus, tamen si mortuus est, non liberatur debitor, sed utilis adhuc creditori adversus eum actio competit. Resp. Nam illuc Africanus non simpliciter de homine, sed de homine certo loquitur, cuius, quantumvis mortui, æstimationem debitor fideiussori præstare tenetur: Tum quia nemini officium suum damnosum esse debet: Tum etiam quia debitor etiam in mora fuit: Si enim servum designatum opportuno



tempore ac loco solvisset, fideius-  
sori eius solutio non incubuisset.  
Pari modo non relucatur l. 8 ff. de  
de dote prælegata, in qua pecunia  
respectu certæ speciei, nempe re-  
spectu Mancipiorum in dotem du-  
torum, erat legata, & tamen pecu-  
nia ista, etsi Mancipia vivo viro  
mortua sint, nihilominus ab uxo-  
ris heredibus petuntur. Resp. Et-  
enim hoc omne ex testatoris vo-  
luntate dependet qui hoc ipso  
quod Mancipiorum interitum sci-  
vit, nec tamen legatum revocavit,  
etiam mortuis Mancipiis, pecuni-  
am legatam uxori eiusve heredibus  
solvi voluisse intelligitur: Siqui-  
dem legatum tantisper relictum  
debetur, dum vel expresse, vel taci-  
te ademptum fuisse probetur §. si  
rem suam de legat. l. 15. ff. de adim.  
legat.

His igitur casibus exceptis stat  
firma superior regula, quod Debi-  
tor rei debite interitu, nulla eius  
interveniente culpa, aut mora, li-  
beretur. Neq; regulam hanc sub-  
vertit quod is, qui nesciens se debe-  
re, occiderit servum, non liberetur,  
sed adhuc teneatur ad æstimationem,  
l. 91. §. 2. ff. de V. oblig. Er quod  
heres servum suum alteri legatum  
manumittens, aut alteri donans,  
vel etiam occidens, quamvis igno-  
raverit illum à testatore alteri lega-  
tum esse, tamen teneatur de æsti-  
matione §. 16. l. de legat. l. 112. §. 1. de  
legat. 1. Cum tamen hinc debitori,  
aut heredi nulla possit imputari

culpa, & ignorantia facti alieni ex-  
cusationem mereatur.

Resp. Etenim in casu d. l. 91. §. 2.  
et d. §. 16. ut & d. l. 112. §. 1. heres cul-  
pa non caret, qui prius, quam co-  
gnosceret de voluntate defuncti,  
vel oneribus hereditariis de quæ æ-  
re alieno servum vel animal occi-  
derit, remve aliam corruperit vel  
manumiserit aut alienarit. Cum ac-  
cedens ad alienam successionem  
cogitare debuerit, fieri posse ut sint  
legata & fideicommissa à testatore  
relicta, quibus ipse sit obligatus.  
Quod si putarit fieri non posse ut  
ulla alia esset voluntas defuncti,  
quàm ea, quæ nunc in testamento  
sele ostendit, hoc ipsum est culpa,  
cùm quod à diligente provideri  
potuit, non est provisum l. si puta-  
tor. ff. ad L. Aquil. Quibus non  
contrariatur l. 65. §. pen. ff. de con-  
dict. indeb. Ubi dicitur, si servum,  
indebite solum, manumiserit is,  
cui solutus est, siquidem sciens id  
fecerit, teneri illum; sin ignorans  
non teneri: Et ignorantia excusat  
quidem, sed ita ne noceat alteri,  
præterquam in delictis: Nam in  
contractibus non debet nostra in-  
gnorantia alteri nocere, quia factum  
suum non alii nocere debet l. 155.  
de R. iur. l. 16. §. Tutor ff. de pign. act.  
Resp. Nam qui servum indebite  
solum ignorans accepit & tan-  
quam suum manumisit, non est in-  
culpa quod ignorarit esse suum, ut  
qui huius sui facti causam habue-  
rit iustissimam adversarii facto &

con-



confessione constitutam. Quin is potius in culpa est qui servum iam manumissum solvit: Et licet dedit per ignorantiam adeoque dantis & accipientis ignorantia concurrat: In pari tamen ignorantia magis favendum reo, id est accipienti & possidenti l. 91. in fin. de V. oblig.

### QVÆSTIO II.

*Sires vendita post perfectam emptionem, sed ante traditionem perierit casu fortuito, absq; ullius dolo vel culpa, ad utrum spectet casus interitus, ad emptorem an vero ad venditorem, & utrum venditor liberetur?*

**C**Um interitu rei, qui sine dolo & culpa debitoris contigit debitor liberetur, prout præcedenti quæstione dictum fuit: Consequens est, ut si perfecta emptione venditione res vendita, sine dolo & culpa venditoris perierit, ipse venditor penitus liberetur, nec ad æstimationem rei obligatus sit, sed omne damnum solus sustineat emptor, sic, ut solum venditori precium repetere non possit, vetum etiam non solum quamprimum solvere cogatur. Et hoc claris atque perspicuis verbis testatur Justinianus in §. 3. l. de empt. & vendit. in hæc verba scribens: *Cum autem emptio venditio perfecta est quod effici diximus, simul atq; de precio convenit, cum sine scriptura res agitur, periculum rei vendita statim ad emptorem pertinet, tamen si adhuc ea res*

*emptori nondum tradita sit: Itaq; si homo mortuus sit vel aliqua ex parte corporis latus, vel ades tota, vel aliqua ex parte incendio consumpta fuerint: aut fūdus vis fluminis totus vel aliqua ex parte ablatus sit, sive etiam inundatione aqua aut arboribus turbine deiectis longe minor aut deterior esse cœperit, emptoris damnum est, cui necessum est, licet rem non fuerit natum, precium solvere: Quicquid enim sine dolo è culpa venditoris accidit, in eius curam est.*

Et si verò Cuiacius in tractat. 8. ad African. in explicat. l. 33. ff. locat. quem sequitur in §. 3. l. de empt. Dionys. Gothofred. prædictum §. 3. pro nostra sententia valde perspicuum, hac responsione eludere contentur, quod nempe in Institutionibus Justinianus tradiderit regulas iuris: In Digestis vero æquitatem in foro receptam, eique subscribere videatur D. Bocerius in l. 23. cap. 4. n. 7. de Reg. iur. ubi præsentem §. 3. de iure stricto: Cæteros vero textus Dig. in quibus periculum rei ad venditorem spectare dicitur, de æquitate interpretatur. Quo minus tamen responsio isthæc recipi possit, non una ratio impedire videtur. 1. Nam primo verisimile non est, ut Hotomannus ait. Justinianum Imp. in institutionibus suis studiosis iuris tradidisse præcepta, quæ postea grandiores facti dediscere cogentur. 2. Deinde cum ius nostrum sit ars æqui & boni l. 1. Dig. de iustic. & iure atque

in omnibus rebus, maxime vero in iure, æquitas spectari debeat *l. in omnibus 90. de R. iur. l. 8. C. de indic.* adeoque per totum ius nostrum æquitas diffusa sit, planè non est credibile, Justinianum in Institutionibus quicquam tradere voluisse, quod æquitati manifestè repugnaret. Accedit insuper quod eadem quæ in §. 3. Justinianus dixerat, totidem ferè verbis commemorentur in *Dig. ac Cod.* Et quidem non uno, sed pluribus in locis: Sic enim in *l. 5. §. 2. ff. de rescind. vend.* dicitur mortuo homine perinde habendam esse venditionem, ac si traditus esset, utpote cùm venditor liberetur, & emptori homo pereat. Et in *l. 7. ff. de peric. & Comm. rei vendit.* Paulus scribit: *Si post emptionem fundus perit, incommodum emptoris esse.* Idemque Paulus in *l. 8. eiusd. tit. periculum rei vendita ad emptorem respicere ait.* Et in *l. 11. eod. tit.* Alfenus scribit, *si quid acciderit in re vendita post venditionem, illud ad venditorem non pertinere, si modo venditor eam diligentiam adhibuisset quam debent homines frangi & diligenter prestare.* In *l. 16. in fine d. tit. periculum servi venditi ad emptorem pertinere, si modo dolus venditoris non intervenerit,* ait Javolenus. In *l. 5. ff. de iure dot.* Ulpianus dicit, *mulierem (qua dotis æstimata venditor est l. 10. eod. tit.) si per eam non stetisset, perinde precium auferre, ac si tradidisset, quia quod evenit, emptoris periculo*

*sit.* Et quamvis Cuiacius, maritum emptorem in mora fuisse præsupnat; id tamen ex verbis huius legis non relucet, nec etiam præsumendum est, cum mora facta non præsumatur, sed probetur *l. 32. ff. de mora. In l. 21. ff. de hered. vel act. vend.* *Si quis hominem vendiderit, & iste cefferit, precium eiusdem deberi.* In *l. 14. pr. de furt. periculum rei ad emptorem pertinere, dùm modo custodiam venditor ante traditionem præstet* in *l. 39. ff. de solut. mora periculo emptoris esse dicitur, ea ratione, quod perfecta emptio sit, quam solo consensu absq. traditione rei perfici Justinianus ait, d. §. 1. de contrah. empt.* In *l. 35. §. 4. ff. de contrah. empt.* dicitur: *Si res vendita per furtum perierit, prius animadvertendum esse quid inter eos de custodia rei convenerit.* Si nihil appareat convenisse, talem custodiam desiderandam esse à venditore, qualem bonus paterfam. suis rebus adhibet, quam si præstiterit, & tamen rem perdiderit, securum esse. In *l. 34. §. pen. eod. tit.* Si emptio, ait Paulus, ita facta fuerit, est mihi emptus *Stichus aut Pamphilus, in potestate est venditoris, quem velis dare, sicut in stipulationibus, sed uno mortuo, qui superest, dandus est: & ideo prioris periculum ad venditorem, posterioris ad emptorem respicit: Sed etsi pariter decesserit, precium debebitur.* Unus enim utiq. periculo emptoris vixit. Idem ascendendum est, etiamsi emptoris fuerit peri-

*periculum, quem vellet habere; Nec est quod quis hic cum Cuiacio præsupponat, emptorem fuisse in mora, cum Gaius nil quicquam in tota hac lege, vel minimo verbulo, indigiteret. His denique adstipulantur Imp. Dioclet. & Maxim. in l. 5. C. de peric. & commod. rei vendit. Ubi aiunt: Specie vendita per violentiam absumpta, periculum rei ad emptorem pertinere. Et in l. seq. 6. Iidem Imperatores in hæc verba rescribunt: Mortis casus ancille distraeta, etiam ante traditionem sine mora venditoris dilatatam non ad venditorem, sed ad emptorem pertinere; Et hac non ex præterito vitio rebus humanis exempta solutionem precii emptor non recte recusat. Et quamvis Cuiacius eumque secutus Dn. Bocerus ad hæc leges respondeant, periculum & interitum rei venditæ ad emptorem ita pertinere, ut id, quod interest, super precium rei, non consequatur, non etiam, ut vel præcium non repetat, quod solvit, vel quod non solvit, venditori solvere compellatur: Tamen responsio hæc satis abundeque refellitur exinde, quod adedè clarè Justinianus scribit, interitum rei ita ad emptoris damnum pertinere, ut ei necesse sit, licet rem non fuerit nactus, præcium solvere. d. §. 3. l. de empt. vendit. Et quod Diocletian. & Maximin. rescribunt: Re vendita rebus humanis exempta solutio-*

*nem precii emptorem non recte recusare. l. fin. C. de peric. & Comm. rei vend. Et quod in l. 21. ff. de hered. vel act. vend. Paulus respondit. Si quis hominem vendiderit, & is decesserit, præcium eiusdem deberi. Et quod idem Paulus in l. 34. §. pen. ff. de contrah. empr. scribit, hominis venditi perempti præcium deberi. Et quod Pomponius tradit: Si per mulierem dotis æstimata venditricem non steterit, re perempta in dotem datâ, perinde illam præcium anferre, ac si tradidisset, quia quod evenit, emptoris sit periculo: Ex l. 15. ff. de iure dot. perspicuum evadit, rem venditam, quæ periit, ita emptoris periculo dici, ut eius peremptæ præcium solvere cogatur nec solum repetere queat. Quibus textibus latis apertis, accedit insuper ratio iuris perspicua, hæc scilicet, quod re sine dolo, culpa & mora debitoris perempta aut amissa liberetur debitor nec casum fortuitum quisquam ullo in bonæ fidei iudicio præstet l. 23. de R. Iur. l. 6. C. de pign. act. Confirmat id ipsum quoque quod Julianus ait, mortuo homine vendito perinde habendam esse venditionem, ac si traditus fuisset homo, qui periit l. 5. §. 2. ff. de Resc. vendit. Atqui dubium nullum est, si homo, qui iam mortuus est, antea traditus fuisset emptori, quin ad præcii solutionem emptor venditori teneretur: Sequitur itaque hinc infallibiliter, emptor-*

emptorem etiam nunc, postquam perit homo, venditori ad precium solvendum teneri. Eodemq; pertinet etiam quod Alfenus scribit: Si quid acciderit in re vendita post venditionem, illud ad venditorem non pertinere, si modò venditor eam diligentiam adhibuisset, quam debent homines frugi & diligentes præstare *l. 11 ff. de peris. & comm. rei vend.* Jam vero ad venditorem utrique pertineret damnum aut interitus, in re vendita, post venditionem celebratam contingens, si precium rei amitteret, re vendita perempta. Sequitur itaq; interitu rei venditæ emptorem à precii solutione liberatum non esse. Postremo hñc facere videtur & illud, quod in *l. 35. §. 4. de contrab. empt.* Gaius respondit: Si venditor, diligenti custodia præstita, rem venditam nihilominus perdiderit, ipsum venditorem securum esse. At securus non esset venditor, si, re vendita perditâ, precium eius amitteret. Concedendum itaq; non est quod periculum rei venditæ hætenus solum emptoris sit, ut id quod sua interest, super rei precium, non consequatur, non vero ut vel precium non repetat quod solvit, vel quod non solvit venditori,olvere compellatur. Relinquitur igitur ex iuris nostri fundamentis perspicuis, verum esse quod ab initio posuimus: Venditorem, qui rei venditæ debitor est, interitu rei venditæ, cui neque dolus, neque culpa, neq;

mora venditoris causam dedit, penitus liberari, idque cum aliis quibusvis debitoribus, qui ex contractu ad aliquid præstandum nobis sunt obligati, ipsum commune habere.

Non equidem ignoro Antonium Fabrum *lib. 2. Coniect. 4.* rationem huius plane specialem in eo constituere, quod perfecta emptione in emptoris potestate sit precii solutione rei venditæ possessionem ac dominium quandocunque voluerit, nancisci. Ut imputandum ei sit, quod statim nactus non sit. Verum ratio hæc vix ac ne vix quidem sustineri poterit, non solum quod J Ctus Paulus in *l. 12. & l. 14. ff. de peric. & Commod. rei vendit.* haut obscure significet, post perfectam emptionem non statim per emptorem stare, quominus res vendita ipsi tradatur; Sed etiam quod, venditione perfecta, periculum rei venditæ statim dicatur ad emptorem spectare *§. 3. l. de contr. empt.* Emptori autem non possit imputari culpa, quod non statim oblato precio, rem sibi tradi petierit. Quid enim si statim in parato pecuniam non habuerit. Verior itaque videtur ista ratio, quam supra assignavi & quam etiam Donello *13. Com. 2. & Wesenbecio in §. 3. l. de empt. vendit.* J Ctis doctissimis, probari video, quod nempe venditor sit debitor: debitor autem calum fortuitum ex nullo contractu præstet, *l. 23. de R. Jur. l. 6. C. de pignor. act.*



Quæ ratio in venditore eò magis & æquius obtinere videtur, quod rei venditæ commodum & emolumentum, quod ipsi post perfectam emptionem accedit, vel ex ea prognaſcitur, non ad venditorem, ſed ad ſolum emptorem ſpectet. *l. 3. l. de empt. vendit.* Et idcirco naturali æquitati conſentaneum ſit, interitum rei non venditorem præſtare, ſed ſolum emptorem ſuſtine-  
*re l. ſecundum de R. lur.*

*Solutio contrariorum.*

Huic ſententiæ longè certiffimæ obijcitur 1. Quod res unaquæque, quæ perit citra dolum & culpam alterius, pereat ſuo domino *l. 9. C. de pign. act.* Res autem vendita, ante traditionem, non ſit in emptoris, ſed in venditoris dominio *l. 76. de P. ſignif. l. Traditio ff. de acquir. dom. §. per traditionem l. de R. Divif.* Igitur non illi, ſed huic perire debeat. Reſp. verum hæc ratio ſententiam noſtram non evertit. Quod enim dicitur, domino rem ſuam perire, quæ ſine dolo, culpa, aut mora alterius perit, id verum eſt, ſi dominus non ſimuletiam ſit eiſdem rei debitor: Quoniam regula iuris eſt: Caſum fortuitum rei debitor à nullo debitore præſtari. *l. 23. de R. lur.* Jam vero etſi in propoſito venditor ante factam traditionem ſit dominus rei venditæ; Tamen eiſdem etiam eſt debitor, nec hîc tam ut dominus, quam ut debitor, reſpectu emptoris, conſideratur. Quare iuris

regulæ eſt conſequens, illum, tametſi dominus ſit, caſum tamen fortuitum non præſtare.

2. Deinde opponi ſolet *l. 14. de peric. & Comm. rei vend.* In cuius principio Ictus Paulus ait, *ſi lecti venditi in via publica poſiti ab adili conciſi neque traditi eſſent, neque emptor in mora fuiſſet, quominus traderentur, venditoris periculum fore.* Ex quo contraria ſententia perſpicue aſtrui videtur, quod nempe, re vendita ante traditionem ſine emptoris mora perempta damnum ſuſtineat venditor & non emptor.

Reſpondent Antonius Faber & cum ipſo pleriq; alii ac inter ipſos noviffimè Dn. Harpr. ad §. 3. *l. de Empt. vendit.* In citata *l. 14.* lectos ab ædile conciſos, adeoque peremptos fuiſſe, non fortuito caſu, ſed hominis facto & per venditoris incuriam ac ſtulticiam, lectos in viam publicam ponentis, uti ex collatione huius *l. 14. cum l. preced. 12.* liquidò conſtat.

Cæterum Dn. Boceruſ hanc ſolutionem reiicit, propterea quod ex intermedia *l. 13.* perſpicuè reſulceſcat, periculum ad venditorem ſpectare ante rei traditionem, licet iniuria, non iure ædilis lectos conciderit; adeoque culpa venditoris nulla intervenit.

Veruntamen ratio hæc ſuperiorem reſponſionem convellere non videtur. Utenim ædilis iniuriâ lectos conciderit: Tamen & vendi-

venditoris culpa potest intervenire, ut qui lectos venditos in viam publicam inque eum locum posuerit, quo non oportebat, atque ita iniuriæ ædilis occasionem & animam præbuerit.

3. Ad hæc adversus sententiam nostram movere solent *d. l. 14. §. 1. ff. de peric. & commod.* in qua Paulus respondit. Materiâ emprâ si furto perisset, postquam tradita esset, emptoris periculo esse: Sin minus venditoris. Ex quo manifestè liquet, rei venditæ, ante traditionem peremptæ periculum ad venditorem spectare.

Resp. Sed respondetur in isto §. 1. non fuisse speciem aliquam certam, nec has aut illas trabes, sed genus hoc est ligna, aut trabes in genere venditas. At quotiens genus debetur, non liberatur debitor interitu alicuius speciei, quam solvere constituerat, nec liberatur interitu omnium specierum eius generis, quotquot illarum habebat, idque est quod dicitur genus perire non posse *l. 30. §. verum ff. de L. Falcid. l. 5. ff. de periculo & commod.* ut proxime pluribus est dictum.

4. Omnium gravissimè nobis ob stare videtur *l. 33. ff. locat.* in qua Iustus Africanus scribit: si venderis mihi fundum, isque priusquam vacuus traderetur publicatus fuerit, teneris ex empto. Quod hætenus verum erit ut precium restituas, non etiam ut id præstes si quid plaris mea interest, eum vacuum mihi tradi.

Respondet Antonius Faber quem sequitur novissime Caspar Schifordecke *lib. 2. tract. 18. q. 3.* distinguendo, plurimum inter esse an res omnino perempta sit, ita ut in rerum natura esse desierit, & ideo per naturam præstari non possit; An vero salvo corpore sit amissa, ut furto subrepta, vi ablata. Ut priori casu damnum spectet non ad venditorem sed ad emptorem: posteriori vero ad venditorem ita, ut emptor recte intendat sibi rem præstari, venditor vero liberetur, si actiones suas cedere sit paratus: Quas tamen si nullas habeat, ut accidat si res aliena sit, quæ furto subtracta est aut fundus publicatus est ad speciei restitutionem teneatur. Atque de hoc casu loqui auctor *l. 33. ff. locati.* In qua fundus venditus, cuius periculum ad venditorem spectare ibidem dicitur, proponitur publicatus, adeoque in rerum natura adhuc extare, sic ut per naturam præstare possit. Cur autem rei salvo corpore amissæ damnum venditoris esse debeat sequentes rationes assignant. 1. Quod æquissimum sit precium restituere venditorem, si non præstet eam rem, quam per rerum naturam præstare potest. 2. Quod cum fundus publicatus adhuc præstari possit, non solum si fuerit redditus, verum etiam si postliminò recuperatus, & ideo suspendi debeat præstatio donec fieri possit. *l. fin. ff. de act. empt. in d. l. 9. §. si sit ff. de V. obligat.*

*obligat.* Illa autem restitutio fundi publicari quia sit in incerto, non conveniat, ut emptor illam expectare cogatur, sed potius hoc ad venditorem pertineat, qui sibi imputare debeat, quod non gratiâ aut merito victoris munificentiam, in restituendo sibi fundo, provocare studuerit. 3. Quod idiplum quoque Papin. Ictus verbis disertis asfirmare videatur in *l. 80. de furt.* In qua ita scribit: si vendidero, neque tradidero servum & is sine culpa mea surripiatur magis esse, ut mihi falsi competat actio, & non videtur interesse quin dominum apud me fuit vel quoniam ad præstandas actiones teneat. 4. Denique quod cum Justinianus in *§. Cum autem l. de empt. vendit.* exempla proposuisset rei venditæ, quæ aut petempta aut deterior facta est, ita ut per rerum naturam talis, qualis vendita est, præstari non possit, subiiciat quod, si homo venditus fugerit aut subreptus sit, non simpliciter liberetur venditor, sed actiones suas cedere emptori compellatur. Ex quo intelligatur quod quandiu res vendita in rerum natura extat, tandiu ad eius persecutionem emptori actio ex empto supersit.

Cæterum huic responsioni obstat primo quod Alfenus Ictus in *l. 11. ff. de peric. & commodo rei vend.* generaliter scribat: Si quid acciderit in re vendita post vendi-

tionem, illud ad venditorem non pertinere; si modo venditor eam diligentiam adhibuisset quam debent homines frugi & diligentes præstare. 2. Quod Iustinianus in *paragrapho tertio tituli de emption. venditionib.* definit generaliter; Quicquid sine dolo & culpa venditoris accidit, in eo venditorem securum esse: Quodque post in specie de homine vendito qui fugerit aut subreptus fuerit, ita ut neque dolus, neque culpa venditoris intervenierit, ibidem scribit Imperator, si venditor in se custodiam non receperit securum esse. Iam vero si esset verum quod Anton. Faber scribit, re venditâ amissâ si adhuc in rerum natura sit, ad venditorem damnum spectare, sic ut illi emptor precium solvere non cogatur, aut si solverit teneatur emptori venditor id restituere, utique non esset venditor securus. 3. Quod in *l. 91. §. 1. in fin. ff. de V. obligat.* dicitur promissor re, salvo corpore amissâ, liberari, eo quod sine facto ipsius res desierit eius esse. Unde regula sumitur; Quod quotiens sine facto debitoris seu promissoris desierit res eius esse, liberatus sit. Id autem in nostro casu fieri præsupponitur. Ergo venditorem à rei præstatione liberari, dicendum est. 4. Quia generaliter quæ sine culpa debitoris accidunt, cum prævideri non potuerint à nullo præstentur



*l. 23. de R. Iur.* Quodque illa quæ fortuitis casibus accidunt, cum provideri non potuerint, nullo bonæ fidei iudicio præstentur *l. 6. C. de pign. act.*

His non obstant fundamenta Fabri. Ad *primum* Respondetur, etsi res quæ salvo eius corpore amissa & deperdita est sua natura ad huc præstari possit, quia tamen alia obstant impedimenta, quominus iam possit venditor rem præstare eaque absque omni dolo & culpa venditoris, casu inopinato (quod nos præsupponimus) inciderint, nullam rationem aut æquitatem suadere impedimenta illa venditori potius quam emptori, nocere; cum maxime superioribus rationibus expeditum sit, quicquid sine culpa venditoris contigerit, in eo venditorem esse securum *§. 3. l. de contrab. empt. l. 35. §. 4. ff. de contrahend. empt.* Item casum fortuitum à nullo debitore præstari *l. 6. C. de pign. act. l. 23 de R. Iur.*

Ad *secundum* Resp. si fundus publicatus, fuerit venditori redditus, aut postliminiò recuperatus, dubitare non licet, quin tum emptori à venditore præstari debeat: Quia verò hoc incertum & plane dubium est, uti fatetur ipsemet Schifordeketus, longe æquius & iuri magis consentaneum est, ut eventum hunc incertum emptor potius expectet, quam venditor, ob rationes proximè à nobis assignatas: Cum præsertim venditori nihil

prorsus imputari possit, cur fundus sit publicatus: Quandoquidem publicatio ista absque culpa & mora eius accidit. Nec etiam imputari ipsi potest culpa, quod victoris munificentiam, in restituendo sibi fundo, non provocarit merito aut gratiâ. Nam præterquam quod hoc non cuiusvis, etiam penes ipsum solum venditorem minime situm est, verum etiam apud Victorem, cuius animus non tam facile ad restitutionem rerum occupatarum à victis flecti potest.

Ad *Tertium* ex *L. 80. in pr. ff. de furt. pet.* Illud nihil amplius probare, quam quod actio furti venditori de re furto surrepta competat, cum eius inter sit non rem surripere. Non idcirco quia rei surreptæ pretium amittat venditor, sed quia ut in textu expresse dicitur, venditor emptori ad præstandas & cedendas actiones tenetur, id quod etiam Justinianus asserit in *§. 3. l. de contrab. empt.* Ad *postremum* Respondeo in *d. §. 3.* hanc lolum differentiam constitui inter rem venditam peremptam & amissam, quod ab illius præstatione sic liberetur venditor ut nullas actiones emptori cedere cogatur, siquidem hoc casu nullas habet venditor. Huius verò amissione à præstatione actionum non liberetur. Quod ad rem vero ipsam eiusque pretium nulla penitus differentia inter rem peremptam & amissam constituitur; sed sicut ab interitu rei.



ita etiam ab eius amissione dicitur securus esse venditor.

Quapropter missa Antonii Fabri solutione, respondent alii in d. l. 33. fundum fuisse publicatum hoc est in fiscum redactum, ob delictum à venditore commissum; adeoque in causa & culpa fuisse venditorem quod fundus ille amissus fuerit; Sed hi à Lopezio recte refutantur ex eo, quod si amissioni & publicationi fundi causam dedisset, culpa & delictum venditoris non solum ad precii restitutionem, sed etiam ad id quod interest præstandum emptori teneretur.

Missis itaq; aliorum solutionibus, existimarem quod in d. l. 33. dicitur ad venditorem, etiamsi culpa aut dolus eius non intervenerit, tamen de fundo, casu fortuito, amisso teneri, speciale esse in fundo publicato; Tum quod de fundo publicato nominatim atque in specie Africanus in *Lilla* 33. loquatur: De aliis vero rebus contrarium dicatur aliis in textibus, uti ex prædictis liquidò constat; Tum etiam quod ratio plane specialis in fundo publico obtineat, quæ in cæteris rebus: Hæc scilicet quod fundo ab hoste capto & publicato consueverit possessori, sive antiquo fundi publicati domino aliquid à victore honoris gratiâ dari, ut probat l. 15. §. 2 ff. de R. Vind. Et ideo, cum venditor aliquid vicissim pro fundo acceperit, æquius erat, ut

fundus venditori, quam emptori periret; quo circa Africanus non quidem quantum emptoris interest, fundum publicatum non fuisse emptori præstari, sed precium restituui voluit.

### QVÆSTIO III.

*Ad quem spectet interitus & damnum rei peremptæ, si res culpa debitoris aut post moram eius perierit?*

**R**E casu fortuito perempta debitorum liberari, nec creditori ad rei peremptæ præstationem teneri in enucleatione quæstionis primæ copiosè fuit probatum & evincunt hoc ipsū l. 23. de R. Jur. l. 6. C. de pign. act. & consimiles alii textus in quibus dicitur casum fortuitum à nemine præstari: Hoc verò tunc obtinet, cum neque culpa, neque mora debitoris intercessit: At quid dicendum si res debita, vel culpa debitoris, vel post moram eius interierit? Hoc casu debitorem non liberari, sed non minus ac si res adhuc extaret, obligatum manere innumeris prope iuris nostri locis asseritur: Sic enim Pomponius in l. 5. ff. de R. Credit. *Quod te mihi dare oportet, si id postea perierit quam par te factum erit, quo minus id mihi daves, tunc fore id detrimentum constat.* Et in l. 12. ff. de positi. Idem Pomponius. *Quemadmodum quod ex stipulatu, vel ex testamento dari oporteat post iudicium acceptum, cum detrimento rei perierit; sic depositum quoque eo die, quo depo-*

*depositum sit, periculo eius, apud quem depositum fuerit, est, si iudicii accipiendi potuit id reddere reus, nec reddidit. Culpa enim facit ut res, quæ interit, extare videatur l. Nemo. §. fin. de verb. obligat. idque est quod dicitur: Culpam & moram, quæ culpæ species est, perpetuare obligationem l. 91. §. significatur. ff. de verb. obligat. hoc est, facere, ut obligatio, quæ primum fuerat, etiam, re debita peremptâ, maneat, quasi res adhuc extaret l. si rem. §. fin. ff. de verb. obligat. Quod ipsum æquitati maxime convenit: Si enim res sine mora fuisset restituta, potuisset creditor eam fortassis vendere & eius precium habere, quod ipsi facto aut mora alterius adimi periniquum foret: quandoquidem sua cuique mora & non alii nocere debet l. 37. ff. mandat. Cuiac. ad l. 23. de V. obligat. Donell. d. loco. n. 30. & 31.*

#### QVÆSTIO IV.

*Si res culpa debitoris, aut post eius moram perempta, eodem modo fuisset apud creditorem, si ei suo tempore fuisset præstita, peritura ad utrum spectet damnum ad debitorem, an vero ad creditorem?*

**V**ARIÆ & propè infinitæ de hac quæstione extant interpretum opiniones, quarum saltem præcipuas referemus & quidnam de singulis statuendum sit indicabimus.

#### Prima opinio.

Primò Johannes Robertus 1. sentent. 23. Batt. in l. 5. n. 10. de R. Cred. Menoch. præsumpt. libr. 3. præf. 138. n. 2. Saporita in tractat. de Mora n. 100. Zasius ad d. l. n. 5. n. 28. statuunt: Re post moram debitoris peremptâ, omne damnum ad debitorem indistinctè pertinere, sive eodem modo res penes creditorem peritura fuisset, sive non fuisset.

1. Quia in l. 83. §. pen. ff. de verb. obligat. ubi Paulus moratorem furi comparat: Sic enim scribit: *Stichum qui decesserit, si stipuler, siquidem condici etiam mortuum potuit, ut furi, inutiliter me stipulatum Sabinius ait; Si vero ex aliis causis, inutiliter, quia etsi deberetur, morte promissor liberetur: Idem ergo diceret, etsi morâ factâ defunctum stipulaver: E quibus verbis, ut dixi, relucet moratorem re debitâ peremptâ furi æquiparari: At furem indistinctè teneri, licet res domino peritura fuisset, traditur in l. 1. §. Retissime ff. de vi & vi armata. & l. 46. pr. ad ff. de furt. Quare re post moram peremptâ, damnum ad debitorem eundemque moratorem indistinctè pertinet, sive eodem modo res fuisset apud creditorem peritura, sive non.*

2. Insuper in actionibus personalibus non simpliciter rem perimus, sed personam obligatam obstrictumque persequimur. pr. in verb. necessitate obstringimur l. de obligas.

*obligat.* At persona obligata manet, etiam si res fuerit perempta *l. 25 § si post divortium ff. solut. matrim.*

3 In actionibus personalibus, quæ sunt de re debita; debitor post moram sic est in culpa, ac si deliquisset; Unde odio eius, qui moram commisit, semper res ita accipitur, ac si non fuisset eodem modo penes actorem peritura.

4. Denique huc facere videntur illi textus, in quibus generaliter & indistinctè dicitur, rei post moram peremptæ damnum & interitum ad moratorem spectare ut in *l. 12 §. fin. ff. de pos. l. Cum res 47 §. fin. in verb.* quod ita verum est, si non post moram factam id evenerit; potuit enim legatarius etiam acceptum vendere, *ff. de legat. 1. ubi* notandum verba ista *potuit enim* non conditionem sed rationem prædictorum continere, sicut Jctus absolute & simpliciter concludat ad debitorem spectare post moram interitum, ex ea ratione quod creditor, qui legatarius est, rem legatam, & nunc peremptam, vendere potuisset. Idem probat *lex 5. ff. de Reb. credit.* in qua & ipsa indistinctè dicitur debitoris esse damnum: At ubi lex non distinguit, ibi nec nostrum est distinguere, & si omnino iuris nostri Authores distinguendum putassent, procul dubio tot in locis, in quibus de præsentī quæstione ex professo tractarunt, tam necessariam & celebrem distinctionem,

tanto silentio, non involvissent.

*Refutatio huius primæ opinionis.*

Verum hæc opinio & textu refutatur & ratione: Textu in *l. 14. ff. de pos. in verb. quia æquum esset naturalem interitum ad actorem pertinere: Utig. cum interitura esset earum, et si restituta fuisset actori; quibus verbis, sane perquam perspicuis, indigitatur, damnum rei peremptæ actoris seu creditoris esse, si interitura apud ipsam fuisset, quamvis ei restituta esset. Eandem quoque distinctionem, utrum scilicet res eodem modo interitura fuisset actori, an vero non, ratio, ut dixi, aperta confirmat: quia æquitas non permittit creditorem plus exigere, quam habiturus fuisset si illi suo tempore res restituta fuisset: de qua paulò infra plura.*

Nec argumenta superius adducta multum ad rem faciunt: Nam quod primo dicebatur, furem ac moratorem, quoad rem post moram peremptam comparari in *leg. prima, paragrafo trigesimo quarto ff. de vi & vi armata, & l. 46. pr. ff. de furt.* ad id respondeo; Comparationem istam furis & moratoris simplicis non esse absolutam, nec in omnibus procedere, sed eò tantum spectare, quod sicut fur de re perempta tenetur, sed eius interitu liberatur, ita quoque debitor morator consimiliter teneatur. Ulterius vero & ad casum istum, quo



res fuisset æque creditori peritura, comparatio extendi non debet. Cuiac. in l. 23. de V. obligat. & in tr. s. ad African. ad l. si servus legatus. Borcholt. in tr. de verb. obligat. c. 7. & §. n. 76.

Similiter non refragatur *secundum*, quia actione personali res debita directo & principaliter petitur, ut probat actionis definitio in pr. l. de act. ubi in genere Justinianus actionem definit quod sit ius persequendi in iudicio quod sibi debetur. Et quamvis obligatione persona obstringatur, ut ex definitione eius relucet, obstringitur tamen ad rem aliquam dandam, ut eadem in definitione habetur. Quibus consequens est si res debita perierit post moram debitoris, obligationem non semper manere. Nec adversatur d. l. 25. §. 2. ff. soluto matrimonio: Quod enim ibi dicitur *omnimodo* detrimentum esse viri moratoris; id nonnulli volunt singulariter in favorem dotis receptum eo quod dotis causa semper & ubique sit præcipua, cum publicè inter sit, dotes mulieribus esse salvas. l. 1. ff. solut. matrim. præterea verbum *omnimodo* non ubi vis idem significat quod *indistinctè*, sed idem interdum quod *integram*, ut in l. 11. de legat. 1. l. Si mihi pure de legat. 2. Denique quamvis hoc in loco particula ista *omnimodo* idem significaret quod *indistinctè*; Non tamen omnem excluderet distinctionem, sed

eam tantum, de qua ibidem agitur: hanc scilicet, siue dolus & culpa absit, siue non.

*Ad tertium Resp.* Moratoris simplicis esse quidem aliquod delictum in eo quod rem alienam sine causa retinet, nec creditori iusto tempore præstat aut restituit, & ideo moram ei meritò esse nocivam, d. l. 37. ff. mandat. At odium istud non durare ultra, quàm ipsa durat mora, odii illius causa: Jam vero postquam fato res periit, debitor amplius in mora non est l. 24. ff. de pos. l. 1. §. fin. l. de R. vindic. Siquidè per eum non stat quominus rem creditori præstet, nec ulla ipsi culpa imputari potest, quod non facit id quod factu ipsi impossibile est.

*Ad postremum* respondeo textus istos, generaliter & indistinctè asserentes debitorem ad æstimationem rei, casu fortuito peremptæ, teneri, explicationem, limitationem & distinctionem recipere ex aliis textibus, in quibus apertè distinguatur, utrum res consimili fato creditori restituta, peritura fuisset, an vero non; ut illo casu debitor liberetur; hoc vero teneatur: ut in l. 14. §. fin. de positi & l. 15. §. fin. ff. de R. vindicat. qua de re circa postremam opinionem plura.

*Secunda opinio.*

Secundo Antonius Faber. 18. error. pragmat. 10. & 16. consuet. 19. Illorum probat sententiam, quid debitorum speciei, post moram peremptæ, indistinctè teneri volunt siue

sive res fato suo, sive propter moram & culpam perierit hoc est si ve pari modò apud venditorem peritura fuisset, sive non, unico isto casu excepto, quo tempore moræ contractæ res debita quam primum laborare cœperit, sic ut reconvalescentiæ spes nulla superfuerit; aut si tempore moræ sana quidem & salva fuerit, sed eadem die, qua mora contracta est aut subito morbo fuerit correpta, aut vitio laborare cœperit, aut etiam casu extincta fuerit, ita ut intermedium tempus nullum plane intercesserit, quo potuerit creditor, si mora facta non fuisset, eam distahere? Hoc enim casu damnum rei, fato peremptæ, ad creditorem, & non ad debitorem spectare, æquum est; cum non per solam debitoris moram damnum pati creditor intelligatur, nec mora efficiat ut non potuerit lucrum & commodum ex obligatione sentire. Huius vero suæ opinionis fundamentum constituit Ant. Faber in eo, quod mora perpetuet obligationem & faciat ut res postquam perempta est, adhuc extare videatur *l. 23. & l. 91. ff. de V. obligat.* At si res, quæ fatali casu periit, etiamnum extaret, restituenda utique esset creditori.

2. Addit quod longe plures loci extant in iure, quibus debitorem de specie debita, post moram peremptam, indistincte teneri dicitur, ut plane sit verisimile, prudentibus placuisse, sive res post moram de-

bitoris perempta eodem modo apud creditorem peritura fuisset, si ve non, debitorem tamen de æstimatione rei teneri, ut textus sunt in *l. 15. de R. Vindicat. l. cum servus 39. §. ipsius quoque rei. l. cum res 47. §. ult. de legat. 2.*

3. Denique utuntur in adductis legibus J Cti ratione plane generali quæ ad utrumque casum, quo res consimili modo apud creditorem peritura fuisset & quo non fuisset peritura, peræque accommodati potest, quod nempe creditor, si in re perempta moram passus non fuisset, rem utique illam vendere & precium lucrari potuisset. Quocirca ex his videtur omnino statuendum excepto unico isto casu prædicto, debitoris esse damnum si res debita post moram fuerit perempta.

*Refutatio secunda huius opinionis.*

Verum nec hæc sententia subsistere potest cum, ut ad primam opinionem annotatum fuit, pluribus in locis accurratè distinguatur; utrum res pari modo fuisset apud creditorem peritura, necne, cuius distinctionis vestigia in iure extare, ut in *l. 14. §. quatenus ff. quod met. caus. l. si alius 7. §. est alia ff. quod vi. aut clam l. fin. §. si ea conditione ff. ad L. Rhodiam de iact. l. 14. §. fin. ff. de posuit.* ipse Anton. Faber fateri cogitur.

2. Accedit & ratio æquitatis, quæ debitorem eo casu, quo res consimili

fato interitura fuisset, liberatum suadet: hæc nempe quod æquitas non patiatur plus exigere creditorem re casu peremptâ, quam ipse habiturus fuisset, si suo tempore res ei restituta fuisset.

3. Cui insuper & hæc ratio addenda quod creditor tunc demum per debitoris moram damnum passus intelligatur, quando per eam factum est quominus lucrum & commodum ex obligatione perciperet. Atqui re post moram debitoris ita peremptâ, ut eodem planè modo apud creditorem fuisset peritura, nil quicquam lucri per moram debitoris creditori intervertitur, & aliàs habiturus fuisset; ac consequenter non potest debitor à creditore eo casu conveniri.

4. Deniq; non eo solo casu quem Ant. Faber fingit, sed longè pluribus accidere potest ut, licet res post moram debitoris perempta, multo tempore, à mora contracta, salva & incolumis fuerit; Illa tamen creditori æq; petire potuerit, nec precium rei habiturus fuerit etsi suo tempore ei restituta esset: Quid n, si creditor sit pupillus? Hic certè etsi veller, non tamen posset rem sine decreto alienare; Imo ne ex decreto quidem, si pupillus habeat unde se sustentet & creditoribus suis satis faciat l. 1. ff. de R. cor. Quid si tempora sint aut pestilentia, aut belli, quibus non facile reperiatur emptor? si interim perierit res apud debitorem fato, eodem certe mo-

do apud creditorem fuisset peritura, quamvis ei debito ac iusto tempore fuisset restituta, quia eam distrahere & precium habere creditor non potuisset. Quid denique si res ab herede ex die, aut cōditione per fideicommissū sit relicta quam ante diem & conditionem vindicare potest heres? Alienatio eius interdicta est l. fin. §. sed quia. cum seq. C. com. de legat. si itaq; interim res sua natura & fato sine culpa possessoris perierit, eodè modo apud ipsum heredem, qui eam alienare non potuisset, peritura fuisset, nec precium eius ipse habiturus esset, etiam si suo tempore restituta fuisset: Ut proinde Anton. Faber perpetam unicum constituat casum, quo creditor rem distrahere non potuerit, si nempe vel ante moram contractam, vel statim, tempore moræ contractæ, res laborare cœperit, ut creditor eam distrahere non potuisset.

Nec multum patrocinantur Fabro fundamenta adducta: *Ad Primum* respondeo Moram quidem perpetuare obligationem, sed hætenus solū, quatenus mora impedimento est quominus creditor rei nunc peremptæ præciū sive æstimationē ex obligat. habere potuerit.

*Ad secundum Resp.* Leges illas, quibus de specie debita, post moram perempta, adhuc debitorem teneri dicitur ex aliis legibus distinguendis explicandas esse, ut & paulò supra responsum fuit.



*Ad Tertium* Rationem quę in adductis legibus allegatur, non generalem sed plane specialem esse, id quod infra manifestissime probabitur.

*Tertia opinio.*

Tertio Johannes Göld. in l. 12. §. 1. de V. signif. & in tractat. de contrahend. & Committ. stipulat. c. 11. n. 79. & Philipp. Matth. ad L. 5. de reb. Credit. Distingunt, ut malę fidei possessor, ut & ille bonę fidei possessor, qui iniuste ad iudicium provocavit, indistinctę, re debitā peremptā, obligati permaneant: Bonę fidei autem possessor, qui iustā ob causam ad iudiciū provocat, ac domino vindicanti contradicit, tunc demum teneatur creditori ad estimationē rei peremptę, quando eadem fati infelicitate res apud creditorem peritura non fuisset.

Probant autem hanc suam distinctionem & quidem primum eius membrū exinde quod in l. sub tracto 9. C. de furt. & l. fin. ff. de contrah. furtiv. expresse scribatur furē & raptorem ( qui sine dubio malę fidei possessor est ) manere obligatos, etiam si res eadem fati calamitate domino fuisset peritura: Ex quo sequi videtur malę fidei possessorem & detentorem indistinctę de re perempta teneri. Cui rursus consequens est, eum quoque indistinctę post rem peremptā manere obligatum, qui cum ab initio bonę fidei esset possessor, iniuste ad iudicium provocavit, quoniam

lite contestarā in omnibus malę fidei possessori æquiparatur l. si quis sol. pr. ff. de us. l. 2. §. si post ff. sol. matrim.

Eum autem bonę fidei possessorem, qui ad iudicium iuste provocavit iustamque habuit, aut se habere putavit, contradicendi causam tunc liberari, cum eodem modo res apud Dominum fuisset peritura, probare conantur ex l. qui sine dolo de R. iur. l. sciendum l. si quis solutione ff. de usur. l. 14. §. fin. l. fin. Asia ff. de positi l. 2. §. si post ff. solut. matrim. Quibus addunt & hanc rationem quod etsi per litis contestationem in mala fide constituitur quoad fructus & accessiones, & ita in quasi mora versari videatur l. 10. C. de prescr. long. temp. l. 48. §. 1. ff. de acquir. dom. revera tamen moram non committat, qui iustam habet contradicendi vel rei retinendę causam: Siquidem qui se iure rem retinere posse putat, quod petitur, nisi convictus, dare non tenetur l. qui sine de R. iur. l. sciendum ff. de usur. l. In ratione §. incerta ff. ad L. Falc. l. pecunia. §. usur. l. si quis solut. ff. de usur. Ac proinde si res eodem modo apud creditorem fuisset peritura, non teneri debitorem; sin minus, ob quasi morā istā teneri

*Refutatio huius tertie opinionis.*

Sed & hæc opinio displicet. 1. Quia in l. 15. de R. vindicat. l. 12. §. 4. ff. ad exhib. l. 14. §. fin. ff. de positi accurate distinguitur, utrum res

fuerit simili fato petitura apud auctorem, an vero non: At iisdem in legibus expresse agitur de malæ fidei possessore; si quidem de moratore agunt, qui causam non habuit, cur rem suam crederet sibi; defenderet.

2. Quia & ratio æquitatis manifesta suadet male fidei possessorem eo casu, quo res similiter domino fuisset petitura, non teneri: Siquidem æquum non est id petitorum exigere etiam à malæ fidei possessore, re sublata, quod is nec habiturus esset, si res ei restituta fuisset.

3. Quia in bonæ fidei possessore, ad iudicium iuste provocante, superior distinctio adhiberi non potest, quia, quotiens res sine mora & culpa debitoris casu fortuito petit, toties debitor liberatus est *l. 23. de R. iur. l. 6. C. de pign. act.* At qui iustam litigandi causam habet, aut se habere putat, is moram non committit nec culpam *l. 40. de heredit. petit. l. qui sine dolo de R. iur. l. si quis sol. l. sciendum. ff. de usur.* Ergo bonæ fidei possessor non tenetur de re casu fortuito perempta.

4. Quia quod iure quis retinere potest, vel retinere se posse putat, nisi convictus, dare non tenetur, fatente ipse Gösdeo per *l. 5. de Reb. credit. l. in ratione. §. incerta ff. ad L. Falc.* At bonæ fidei possessor putat se iustam causam habere cur rem auctori non restituat. Ergo non tenetur rem restituere, priusquam fuerit convictus & consequenter, si res

petita, priusquam convincatur, petierit non tenebitur de æstimatione eius.

5. Insuper in *l. 40. de petit. heredit.* diserte negatur bonæ fidei possessorem iuste ad iudicium provocantem, mortalitatem & casum præstare ex hac eleganti ratione, quod non debeat bonæ fidei possessor, propter metum periculi interitus indefensum ius suum relinquere.

*Solutio contrariorum.*

Huic sententiæ non obstat, Quod in *l. 9. C. de furi. & l. fin. ff. de Condict. furtiv.* fures & raptores dicantur etiam tum ad speciei peremptæ æstimationem obligari, quando eodem modo res creditori fuisset petitura Resp. Nam in furibus & raptoribus, qui non modò in mora, sed in delicto etiam sunt, hoc singulare ac speciale esse paulò infra pròlixius demonstrabitur: sunt equidem & hi moratores, sed amplius quid quam moratores atque in iure nostro ubivis deteriori loco habentur, quam ceteri malæ fidei possessores.

Non adversatur secundò quod bonæ fidei possessor etiam si iuste ad iudicium provocarit, tamen sit in quasi mora Resp. Nam quod in mora non sit constitutus qui nõ cedit adversario, sed iustā ob causā eidē contradicit & ad iudiciū provocat, supra ex *l. 40. ff. de petit. heredit.* maxime ex ratione ibidem à Jcto allegata, ostensum fuit. Idemque amplius etiam confirmat *l. si quis*  
 & *l.*



*Et l. sciendum ff. de usur. ubi diserte negatur, eum in mora esse, qui iustam ob causam solutionem distulit aut ad iudicium iuste provocavit: Sicut enim in d. l. sciendum Ulpianus: Sciendum est, non omne, quod differendi causa optima ratione fit, mora annumerandum. Quid enim si amicos adhibendos debitor requiratur, vel expediendi debiti, vel fideiussoribus rogandis? Vel exceptio aliqua allegetur? Mora facta non videtur. Et in d. l. si quis. 24. Si quis solutioni quidem moram fecit, iudicium autem accipere paratus est non videtur fecisse moram, utique, si iuste ad iudicium provocavit.*

*Quarta opinio.*

Quarto Francisc. Duarenus in l. 23. de verb. obligat. circa propositam quaestionem ita distinguit, ut si quidem certo constet rem eodem modo apud creditorem fuisse perituram, ut periit apud debitorem tunc debitor indistincte liberetur, siue sit malæ fidei, siue bonæ fidei possessor: Contra si certo constet quod res non fuisset peritura apud creditorem, siue auctorem si ei debitor ac iusto tempore fuisset restituta, indistincte debitor obligatus maneat, siue sit in bona, siue in mala fide. Sin verò incertum sit ac dubium an æque apud creditorem fuisset peritura, tum bonæ fidei possessor interitu rei debitæ liberetur; Malæ fidei vero possessor non item.

*Refutatio huius opinionis.*

Sed hæc sententia non una de

causa reprehensionem incutrit: primo enim supra fuit luculenter demonstratum malæ fidei possessorem eo casu, quo res fuerit eodem modo penes creditorem peritura, non amplius teneri sed interitu liberari.

2. Argumentis haut quaquam contemnendis evicimus in discussione præcedentis opinionis tertiæ, bonæ fidei possessorem, qui scilicet iuste ad iudicium provocavit nullo casu de re perempta teneri ex l. 21. & 24. ff. de usur. In eo sane Duareno assentior, quod in dubio, quando non constat rem apud creditorem perituram fuisse, e: si confestim sine mora ei restituta fuisset teneatur malæ fidei possessor tandiu obligatus, donec ostendat eodem modo apud creditorem perituram rem fuisse: Tum & reus affirmet; affirmanti autem incumbat probatio. Tum etiam quod regulariter in facultate sit creditoris rem distrahere & casibus saltem quibusdam, accadat ut rem vendere nequeat, quos casus extitisse debitor probare teneatur.

*Quinta & vera opinio.*

His itaque opinionibus remotis, sic cum Jacobo Cuiacio, Huberto Giphano, Hugone Donello in d. l. 23. de V. obligat. eodemque Donello in tractat. de mora c. 7. Borchoelt. in tractat. de V. obligat. c. 7. & 8. n. 73. Arum. de mora c. 9. n. 2. Jul. Pacio cent. 3. q. 63. Harpr. ad §. si res legata 16. l. de legat. Circa propositam

tam quæstionem distinguendum censemus: Aut peritura erat res apud actorem, etsi confestim restituta fuisset, & tunc liberatur debitor indistincte: Aut non erat peritura, ut quia actor ipsam distraxisset & precium exinde redegitset, & tunc non liberatur malæ fidei possessor, sive frustrator: Exceptis furi-  
bus, raptoribus & abactoribus, de quibus postea.

Confirmatur autem hæc sententia in primis responso J. Cti Gaii in *l. 24. §. fin. ff. de posito*. ubi sic demum vult debitorem liberari & rei interitum ad actorem spectare, cum res eadem fari calamitate apud actorem peritura fuisset.

Variè equidem ad hanc *l. 14.* respondent dissentientes: Et primo quidem Accursius ad *l. 5. ff. de Reb. credit.* respondet in *d. l. 14. §. fin.* tractari de deposito; In deposito autem hoc speciale esse quod debitor liberetur re post moram peremptâ, quæ similiter fuerit creditori peritura:

Sed responsio hæc nullo nititur fundamento, nec ulla specialitatis, vel exceptionis adducitur ratio: Ut taceam quod & aliàs depositarius maiorem debeat in re deposita fidem quam cæteri debitoribus *arg. l. 1. pr. ff. de pos.*

Secundo alii respondent in *d. l. 14. versic. utiq. cum & c.* non temperamentum ac limitationem antecedentium, sed causam & rationem contineri, quasi Gaius quod

antea simpliciter dixerit, naturalem hominis demortui interitum, qui quidem sine debitoris culpa acciderit ad actorem pertinere, nunc in sequenti isto versic. utique isthac ratione confirmet, quod naturali interitu fiat ut eodem modo res interitura fuisset etiam si restituta esset actori.

Verum & hanc responsionem reiicit Donellus idcirco quia eâ admissâ consequens foret, quod res natura sua interempta & interitura fuerit, etiam si actori confestim ac iusto tempore, nullaque interveniente culpa restituta fuisset: Quod quàm sit absurdum, patebit ex iis, quæ infra dicentur. Magis igitur est ut particula *Cum* in *d. versic. utiq.* non sit causalis, sed temporis, pro QUANDO posita: Non obstante eo quod particula ista *Cum* in *d. versic. utiq.* iuncta sit cum coniunctivo *Sit*, cui iungi solet cum causam significat. Indicativo autem quando tempus denotat. Nam hoc non esse perpetuum, sed nonnunquam à veteribus *cum* pro quando construi cum subiunctivo, ut dicant *cum sit*, pro *cum est* vel *erit*: Idque satis liquet ex *l. proinde 8. in fine de Reb. credit. & ex §. 1. versic. aliquando. l. de perpet. & temp. act.*

Tertio Johannes Robertus & Dominicus Arumæus respondent; in adducta lege *14. versiculum utiq.* coniungi oportere cum *pr. eiusd. legis*, id propter particulam *autem*; sic, ut ex principio isto præsuppo-

natum in *d. vers. utiq.* rem indivi-  
duam fuisse à defuncto depositam,  
quam restitui oporteret illis here-  
ditatis partem, de eo autem an-  
tequam constaret, cui deberet res  
deposita restitui, ante rem judica-  
tam interivisse rem depositam, at-  
que ita absolvi debere deposita-  
rium, non tantum, quia res eodem  
modo fuisset apud actorem peri-  
tura; Verum etiam quia deposita-  
rius iuste dubitarit, cuinam ex he-  
redibus contendentibus maiorem  
partem restitueret. Vel etiam id-  
eo, quod in dubio hæc media sen-  
tentia, tanquam tutior, visa fuerit  
eligenda, ut periculum ac damnum  
interitus nec semper ad debito-  
rem, nec semper ad creditorem,  
sed interdum ad hunc, interdum  
ad illam spectaret.

Veruntamen nec hæc responsio  
tolleranda videtur: Nam primo  
valde ei refragatur quod in *d. l. 14.*  
*§. fin.* Jctus præsupponit moram  
à depositario fuisse factam rem-  
que post moram depositarii per-  
ivisse: Alioquin si ante moram con-  
tractam res fuisset perempta, abs-  
que distinctione depositarius li-  
beraretur. Jam vero in casu ab A-  
rumæo & Roberto proposito, de-  
positarius moram non fecerat in  
re deposita restituenda, quia iustis-  
simam habuit causam, cur eam  
non è vestigio restituerit, qualem  
si quis habet à mora penitus excu-

satur *l. 20. l. 24. ff. de usur. & mora.*  
Nec enim audiendum hic puto  
Robertum qui negat iustam cau-  
sam detractandæ restitutionis sim-  
pliciter à mora depositarium excu-  
sare, quia ut à rei restitutione excu-  
setur non possit aliter impetrare,  
quam re oblata & deposita, *l. 1. §. si  
pecun. & §. seqq. depositi.* Resp.  
Nam hoc secus se habere con-  
vincitur manifestissime *d. l. 20. &  
d. l. 24. ff. de usur.* Nec contrarium  
probat *d. l. 1. §. si pecun. cum §. seqq.*  
Nam loquitur ille de purgatione  
moræ, de qua ita iure constitutum  
est, ut si mora semel fuerit contra-  
cta, non prius ea purgetur, quam  
rei debitæ oblatione & depositio-  
ne facta; idque vult *d. l. 1.* Ut vero  
quis à mora nondum contracta,  
sed contrahenda excusetur, aliis  
pluribus causis accidere potest *d.*  
*l. 20. & d. l. 24. ff. de usur.* Donell.  
*in tractat. de mora cap. 5.* Insuper  
non se fundat Jctus in eo, quod  
depositarius iuste dubitarit, an re-  
stituere deberet; sed in hoc solo,  
quod res fuisset eodem modo a-  
pud actorem, seu deponentem  
peritura. Denique nullum est ver-  
bum in toto illo *§. 1. d. l. 14.* unde  
colligere liceret hunc casum; Nec  
ulla etiam necessitas urget ex *pra-*  
*cedente princip.* huiusmodi ca-  
sum præsupponere, cum ratum  
non sit, ut in una eademque le-  
ge diversi proponantur casus; Et  
aliàs etiam ex coherencia & con-  
nexionem cum ipsarum legum  
tunc



tum singularum legum paragra-  
phorum non ducatur firmum ali-  
quod argumentum.

Quartò Anton. Faber *18. error. pragmatic. 10.* Respondet *in d. l. 14. §. 1. depof.* aut faltem referri senten-  
tiam Sabini & Caffii, nec ab Impera-  
tore Iuftiniano eandem probari,  
aut quod verifimilius fit, locum  
iftū à Triboniano efle corruptum.

Resp. Cæterum præterquam  
quod ea refponfio violenta eft atq;  
in meris coniecturis confiftit, non  
facile dicendum eft aliquid in li-  
bris noftris referri, quod non pro-  
betur; Cum Iuftinianus omnia,  
quæ in ius noftrum relata funt, five  
prudentum refponfa, five Impera-  
torum refcripta, fua fecerit atque  
fua ex perfona valere & Authorita-  
tem capere iufferit. Et quanquam  
Tribonianus textus iuris interdum  
interpolavit atque ad fua tempora  
veterum fcripta & refponfa accom-  
modavit, quia tamen hoc ei à Iufti-  
niano iniunctum & mandatum  
fuit, ideo non minus publicam au-  
thoritatem obtinebunt.

2. Confirmatur præterea senten-  
tia noftra æquiffimâ iuxta & verif-  
fima ratione, quod nempe creditor  
nec poffit, nec debeat amplius quid  
à debitore exigere, quam habiturus  
fuiffet, fi res ei reftituta efferet Donel-  
lus *d. c. 7. de mora.*

3. Accedit quod creditor, re poft  
moram debitoris peremptâ, id fo-  
lùm petere & à debitore exigere  
poffit quod ipfi per moram debi-

toris damni eft datum, aut ei inter-  
verfum fuit. Atqui re poft moram  
debitoris ita perempta, ut eodem  
modo apud creditorem quoque  
peritura fuiffet, nihil lucri per mo-  
ram debitoris creditori interver-  
fum eft quod aliàs habiturus fuif-  
fet, nec quicquam ei damni datum  
eft. Quare hoc cafu nihil exigere  
poterit à debitore.

4. Poftremo non parum roboris  
addit fententiæ noftræ quod Ul-  
pianus in *l. Cum res 47. §. fin. ff. de le-  
gat. 1.* tradit, æftimationem fundi  
nō deberi, fi fundus chafmate mo-  
ra perierit, fi non poft morâ factam  
id evenierit: quia potuerit fundum  
acceptum vendere legatarius: quib.  
poftremis verbis fatis innuit, fundo  
legato, poft moram extincto, ita  
demum æftimationem fundi de-  
beri, fi legatarius potuerit fundum  
vendere. Ex contrario itaque non  
debebitur æftimatio fundi, quam-  
vis fundus poft moram ab herede  
factam perierit, fi legatarius fun-  
dum vendere non potuit.

#### *Solutio contrariorum.*

Huic fententiæ omnium veriffi-  
mæ non obftat. 1. Quod fi dolo  
aut facto debitoris res debita inte-  
rierit, aut fi hominem debitum oc-  
ciderit, tunc debitor indiftincte te-  
neatur *l. 91. de Verb. obligat. §. fi res  
legata. l. de legat.* Resp. Hic enim di-  
ftinguendum eft inter rem cafu  
fortuito poft moram peremptam  
& inter rem facto ipsius debitoris  
interemptam feu interverfam; Et  
fane

hanc mora à facto seu occisione *indistincte*, led interdum quoque plurimū differt: Mora est dilatio & frustratio solutionis: At vero occisio rei debite nihil tale: Mora purgari & emendari potest: Occisio servi vel animalis non item; Ut proinde à facto debitoris rem debitam perimentis & intervertentis, ad moram eiusdem, tanquam à diversis & separatis, male fiat illatio. Nec puto etiam quenquam esse, qui non animadvertat circa questionem propositam diversum in utroque constituendum: Siquidem cum facto debitoris res perit, ut si servum vel animal debitum occidit, utroque casu, sive res domino peritura fuerit, sive non, culpa debitori imputari potest quod res debita perit: At si non facto debitoris sed casu fortuito, quem præcavere & prævidere debitor non potuit res debita interiit, non potest quicquam imputari debitori, nisi res, consensum creditori restituta, non fuisset creditori peritura.

Non refragatur etiam *l. filiofam. 25. §. si post. divorce. ff. solut. matrim.* Ubi verbum *omnimodo* significare videtur, quod re, casu fortuito perempta, indistincte teneatur debitor Resp. Nam ut & supra ad hanc *l. 25.* responsum memini; si hæc est illius verbi significatio, tum singulari dotis favore contra iuris communis regulas id constitutum videtur 2. Deinde hoc verbum *omnimodo* non semper idem quod

idem quod *totum, integrum &c.* denotat, ut in *l. 11. de legat. 1. l. si mihi pure de legat. 2.* Denique etsi particula ista *omnimodo* idem hoc loco denotaret quod indistincte: Non tamen hic articulus iste excluderet omnem omnino distinctionem, sed eam solum, de qua ibi agitur, sive scilicet dolus, sive culpa absit.

Non adversatur præterea quod is, qui metu aut vi aliquid extorsit vel occupavit, aut furto abstulit, non liberetur, si res ita ablata perierit, etsi apud dominum, vel eum cui ablata est, interem peritura fuisset *l. 46. pr. de furt. l. 14. §. quatenus ff. quod met. caus. T. 1. §. rectissime 34. l. pen. ff. de Vi & Vi armata. l. 8. l. fin. ff. de Condict. furtiva.* Resp. Ad hoc enim recte Cuiacius, In furi- bus, ait, abactoribus, prædonibus & iis, qui metum intulerunt, hoc speciale esse, ut re perempta non absolvantur; sed indistincte teneantur, eo quod plus sint, quam moratores *d. l. pen. ff. de Vi & vi arm.* ut qui non tantum sint in mora, sed etiam in dolo & maleficio. Unde etiam, licet alii debitores re ante moram interempta liberentur indistincte, sive ea apud creditorem interitura fuisset, sive non: Odio tamen eorum qui metu aliquid extorsit, aut furto abstulit sic comparatum est, ut non liberetur re etiam ante moram perempta, si metu non illato peritura res non fuisset.

fuisse. *l. 14. § 11. ff. quod met. causa.* His exceptis verum est, quod hactenus contendimus, non indistincte, sed eo solum casu debitorem, de re perempta obligatum manere, si res fuisset æque apud creditorem peritura.

Duo tamen hic probe observanda sunt, 1. Illud, quod hucusque de re perempta dictum est, etiam ad rem, post moram deteriore factam, pertinere: Nam deterioratio pars quædam est interitus: Cum quanto res deterior facta est, tantum de re, quæ prius erat integra, decessisse intelligatur. Proinde ut interitu rei debeat, qui sine culpa, dolo & mora debitoris accidit, debitor in totum liberatur: Ita & rei deterioratione eadem liberatur, quatenus à re ista decessit, ut postea rem, qualis est, hoc est deteriore præstando liberetur. *arg. l. qua de toto ff. de R. iur. l. 23. eod. tit. l. qua fortuitis C. de pign. act.* Sin debitor in re debita præstanda moram fecerit & post moram res deterior facta fuerit, non liberatur debitor *l. 3. ff. de condic. tritic.* Nec videtur res restituta, quæ deterior reddita est *leg. 3. Commoa. l. 8. ff. de condic. furt.* Nisi etiam contestim & absque mora reddita fuisset, deterior futura.

Secundo notandum etiam, quod idem, quod de re post moram perempta dictum est, etiam in re, culpa debitoris perempta obtineat, Quo-

ties enim de periculo agitur eadem est culpæ & moræ ratio, *l. 91. ff. de verbor. obligat.* Quare sicut post moram re perempta distinguendum est, utrum eodem modo fuerit apud creditorem peritura; an vero non; ita quoque re, culpa debitoris perempta, distingui oportet Cuiac. *in tractat. de African. §. in l. 108. §. si servus 11. ff. de legat. 1.* Hoc tamen tum demum locum habet, cum agitur ex eo contractu, qui culpam recipit, seu in quo culpa præstanda est. Quod si contractus dolum tantum recipiat, ut depositum, debitor casum fortuitum non præstat, etiam si eius culpa acciderit, sed indistincte liberatus est, Donellus *16. Comm. 6. §. finali.* Sane si res dolo debitoris perit, indistincte tenebitur: Tum quod nemini dolus ac maleficio suum prodesse debeat; Tum etiam quia, qui rem dolo malo possidere desiit, pro possessore habetur, *leg. qui petitorio ff. de R. vindicat.*

### QVÆSTIO V.

*Quando res casu perempta æque creditori peritura fuerit?*

DE hac quoque questione quando res perempta æque creditori peritura sit dicenda? Contrariæ extant atque diversæ Interpp. opiniones. Nam Jacobus Cuiacius in *d. l. 23. de verbor. obligat.* Jul. Pacius in *cent. 3. quæst. 63.* Joh.



han. Borcholt. in tractat. de verb. obligat. cap. 8. tunc aiunt rem peremptam apud creditorem perituram dici, si & corpore penes eum peritura fuerit, & ita peritura, ut nec acceptum fuerit distractus, etsi eam distrahere potuerit. Moventur hi l. 15. ff. de Rei vindicat. in qua Ulpianus in hæc verba scribit: Si servus petitus, vel animal aliud demortuum sit sine dolo malo & culpa possessoris; precium non esse præstandum pleriq. aiunt. Sed est verius si forte distractus erat petitor, si accepisset, moram passo debere præstari. Nam si ei restituisset, distraxisset & precium esset lucratus.

Sed contra Hugo Donellus in d. l. 23. de verb. obligat. & in tractat. de mora cap. 7. Giphani. in ead. l. 23. Gödd. de contrah. & committ. stipulat. cap. 21. conclus. 4. Tunc demum aiunt rem apud actorem eodem modo perituram fuisse, cum is potuerit rem distrahere, etiam si fortassis distractus non fuisset. Quæ sententia & mihi videtur esse verissima. Et confirmatur dilucidissimo textu leg. 47. paragraph. fin. ff. de legat. 1. In qua idem Ulpianus ita scribit: Item si fundus Chasmate perierit, Labeo ait utique estimationem non deberi, quod ita verum est, si non post moram actam id evenerit, potuit enim eum acceptum legatarius vendere. Ecce hic non attenditur an venditurus fuerit fundum legata-

rius; sed an potuerit vendere? Quod ipsum quoque per omnia rationi juris convenit: Quoniam non spectari debet quid non habeat creditor, sed quid haberet, si veller.

#### Solutio contrariorum.

Non obstat d. lex. 15. de R. vindicat. Nam ibi verbum *distraxisset* sic accipiendum, quod distraxisset si voluisset, sic enim Ulpianum ex Ulpiano in d. leg. 47. paragraph. fin. de legat. 1. interpretandum, ut precium extincta re debeatur, si petitor eam distractus fuerit, hoc est, si distrahere potuerit, vel distractus fuerit, si modò etiam voluerit: Et sane si hæc non esset Ulpiani mens & sententia, non ita quasi explorata ratione subiiceret, illum fuisse distractus, quod tamen non simpliciter accidit, sed potius ut plurimum contra fit.

Neque etiam adversatur, quod ex hoc principio sequeretur nunquam rem eodem modo apud creditorem perituram, ac consequenter periculum, sive interitum semper ad debitorem spectare, cum creditor semper possit rem distrahere. Responsio: Nam multis modis fieri potest, ut etiam si ante moram res debita creditori fuisset restituta, tamen eam non potuerit distrahere, ut in præced. quæstione ad secundam Anton. Fabri opinionem annotavi.

Denique non refragatur quod, stante nostra sententiâ, creditor semper dicturus sit se venditum fuisse rem debitam nunc peremptam, aut se eam vendere potuisse: Resp. Id enim facile per iudicem æstimabitur, consideratâ & temporis & personę & rei qualitate.

### QVÆSTIO VI.

*Sires, salvo corpore, fuerit amissa, siue ipsa amplius præstari nequeat, an liberetur debitor?*

**E**T hæc quidem ita, si res post moram debitoris interierit, vel deterior facta fuerit: Quid autem si salvo corpore amissa sit, sicut amplius ipsa præstari nequeat? Hugo Donellus lib. 16. comm. c. 6. distinguit inter contractus bonæ fidei & stricti iuris, ut in illis, sicut etiam in legatis & fidei commissis, idem obtineat, quod modò de re perempta dictum est: In his vero teneatur debitor indistincte, etiam si res sine mora & culpa eius fuerit amissa; Hoc autem sequentibus argumentis confirmari putat.

1. Quia debitor re peremptâ & extincta casu fortuito, præstatio eius debitori planè est impossibilis: At rei, salvo & integro corpore amissæ, præstatio non est impossibilis, nec ullum naturale impedimentum obstat, quo minus res præstari queat: Ut proinde plurimum interfit, an res plane sit casu

fortuito perempta, an vero sit, integro corpore, amissa.

2. Accedit quod obligatio non recadat in eum casum, à quo incipere non potest, quando res amissa est salvo eius corpore, cum & res aliena ab initio promitti possit.

3. Quin etiam sententiam hanc confirmat expressus textus in l. 137. §. 4. de P. obligat. In qua ita Venuleius: *Illud inspicendum est, an quicentum dari promissit, confestum teneatur, an vero cesset obligatio, donec pecuniam conferre possit. Quid ergo si neque domi habeat, neque inveniat crediorem? Sed hac recedunt ab impedimento naturali & respiciunt ad facultatem dandi Est autem facultas personæ commodum incommodumque, non verum quæ promittuntur. E quibus luculenter patet scire videtur, difficultatem præstationis non liberare debitorem; Et ideo licet præstatio rei salvo corpore amissæ, difficilis sit, non tamen difficultate ista debitorem vel ab ipsius rei vel æstimationis præstatione liberari.*

Cæterum verior est contraria opinio quod scilicet, re debita sine culpa & mora debitoris amissâ, liberetur debitor, perinde ut de re debita, sine culpa & mora debitoris perempta, dictum est supra, eamque sententiam defendit Hubertus Giphanius in l. 23. de verb. obligat.



1. Quia in l. 91 §. de verb. obligat. Paulus de re debita, quæ non fuit ipsius debitoris, perempta expressè afferit, quod si quidem in rebus humanis sit, sed dari non possit, ut fundus religiosus, vel sacer factus, vel manumissus vel etiam ab hostibus captus, non teneatur debitor, quia nihil fecerit, adeoque nulla culpa ei imputari possit, præterquàm si moratus fuerit.

2. Quia idem suadet regula iuris, quod casus fortuitus à nemine præstetur l. 23. ff. de R. iur. in qua, quod probe observandum, de contractibus non solum bonæ fidei, sed etiam stricti iuris agitur. Eademque regula repetitur & inculcatur in l. 6. C. de pign. act. ibi Alexander Imperator: *Quæ fortuitis inquit casibus accidunt, cum prævideri non poterint, nullo bonæ fidei iudicio præstentur.*

Respondet quidem Donellus, prædictam regulam de contractibus solum bonæ fidei esse accipiendam; id quod etiam nominatim sic additum in d. l. 6. C. de pign. act. ubi cum regula ista d. l. 23. expressè ad iudicia bonæ fidei restringatur, non potest illa ut generalis ad quosvis, etiam stricti iuris contractus, accommodari. Responsum Verum hæc responsio vim argumenti nostri minimè enervat. 1. Quia regula ista casus fortuitos à nemine præstari in d. l. 23. ad quosvis contractus refertur. 2. Quia ratio illius regulæ, quod nempe casus

huiusmodi à nemine prævideri & præcaveri possit, æque in strictis atque in bonæ fidei iudiciis obtinet.

3. Quia expressis textibus supra ostensum est, in stricti quoque iuris contractibus re calu fortuito, absque mora debitoris, amissâ liberari debitorem.

Nec obstat quod d. l. 6. C. de pign. act. sit nominatim atque in specie de bonæ fidei contractibus concepta, Nam ipse Donellus sibi contrarius in d. l. 6. n. 20. respondet, idcirco ibi expressam bonæ fidei iudiciorum mentionem fieri, quia sint quidam contractus in quibus, cum solius debitoris utilitas verferetur, æquum prope videatur, ad ipsum casus fortuiti damnum potius, quàm ad creditorem spectare: Idcirco ut intelligeretur nec illos contractus excipi à regula d. l. 6. addita esse illa verba in nullo bonæ fidei. Siquidem contractus illi, in quibus solius debitoris commodum vertitur, plerique sunt bonæ fidei. Cui adde & hanc rationem, quod nempe d. l. 6. sit rescripta & accommodata ad consultationem Trophinz, quæ cum de bonæ fidei iudicio fuerit concepta, ideo ad illam sese accommodans Imperator Alexander, de bonæ fidei etiam iudicio respondit idem procul dubio responsurus de strictis iudiciis, si aut de illis in specie, aut de contractibus in genere consultus & quesitus fuisset. Argumentum proinde à contrario sensu, & ad inclusionem unius, ad

exclusionem alterius ex *d. l. 6. de ductum*, non procedit.

3. Quia cum in stricti iuris iudiciis sæpe culpa non præstetur, quæ in bonæ fidei iudicio præstanda venit, multo minus calus fortuitus in strictis iudiciis præstari debeat, qui in bonæ fidei iudiciis non præstatur.

*Solutio contrariorum.*

His minime refragantur argumenta Donelli. Quod enim *ad primum* Resp. Fieri posse ut præstatio rei debitæ amissæ æque sit debitori impossibilis atque rei debitæ peremptæ; ut si ab hoste fuerit occupata, si servus aut animal aufugerit, quo casu, si debitoris absit culpa aut mora, eum liberari æquissimum est; Cum impossibile nulla sit obligatio *l. Impossibile de R. iur.* Quod si verò non impossibile, sed difficilis sit rei amissæ præstatio, ad difficultatem istam non obligari debitorem itidem æquum videtur, cum talis difficultas rei præstandæ sine ulla ipsius debitoris culpa acciderit: Quæ a. sine culpa & mora debitoris, casu fortuito accidunt ab illo non præstantur *d. l. 23. de R. I. l. 91. §. 1. de V. obligat.*

*Ad secundum* Resp. Rem alienam quidem promitti posse, verum ita demum si constet cuius sit & ubi sit: At hoc de re casu amissa non semper constare potest: Præterea etsi res casu amissa non reciderit fortassis in eum casum à quo

incipere non potest; alia tamen ratio, quam paulò ante indigitavimus, facit ut nihilominus debitor à rei præstatione liberetur.

*Ad Tertium* Resp. In casu *d. l. 137. §. 4.* difficultatem præstationis debitorem non liberare, quia ibidem agitur non de illis rebus, quæ fuerunt initio obligationis in potestate debitoris, postea verò casu sunt amissæ; sed de iis, quæ nec initio obligationis contractæ in potestate debitoris fuerunt: Tales si quis promittat, meritò ob difficultatem præstandi non liberatur, quoniam sibi imputare debet quod res eiusmodi promiserit. Idem respondendum etiam ad *l. final. ff. de act. empt.*

*QUESTIO*

*Sires nostra, ab alio possessa, post moram possessoris fuerit perempta, utrum adhuc possessor teneatur & cōveniri possit actione in rem?*

**D**E re debita, casu perempta, post moram debitoris, quando & quatenus debitor teneatur vel liberetur hætenus dictum plus satis: Videamus nunc de re nostra ab alio possessa, casu post moram possessoris perempta, vel amissa, quid iuris sit; utrum liberetur; an vero adhuc teneatur possessor? De quo & ipso diversæ sunt Interpretum opiniones: Sunt enim qui statuant, idem plane & hic; quod in re debita casu fortuito interempta, vel amissa, observandum diximus; ut si

ut si res eodem fato fuerit peritura apud pettorem, sive dominum, tum possessor absolvatur; Sin vero non fuisset æque peritura apud pettorem, tum demum Rei vindicatione ad æstimationem agi possit. Ita Jacobus Cuiacius in l. 23. de V. obligat. & in tractat. ad African. 5. in l. 8. & 108. §. 11. de legat. 1. & in l. 40. de petit. hered. lib. 20. ad Edict. Pauli. Giphanius in d. l. 23. Menochius l. 3. præsumpt. 138. n. 2. Iohann. Robert. Aurelianens. lib. 1. sentent. 23. Fr. Hottomannus in §. sic itaq. discitis l. de Aff. Andr. Fachin. 2. controverf. 71. Udalricus Zasius in l. 5. n. 26. de Reb. credit. Quorum fundamenta hæc sunt.

1. In l. 15. §. fin. ff. de R. Vindicat. Ita Ulpianus Si servus petitus vel animal aliud demortuum sit sine dolo malo & culpa possessoris precium non esse præstandum plerique aiunt, sed est verius si forte distrahturus fuerit creditor si accepisset moram passo, debere præstari: Nam si ei restituisset, distraxisset.

2. In l. 40. de hereditat. petit. Illud quoq. quod in oratione divi Hadriani est, ut post acceptum iudicium id auctori præstetur, quod habiturus esset, si eo tempore, quo petit restituta esset hereditas, interdum durum est. Quid enim si post litem contestatam mancipia, aut iumenta aut pecora deperierint, damnari debebit secundum verbarationis, quia potuit petitor restituere hereditate distraxisse ea. Et hoc instum esse

in specialibus petitionibus Proculo placet; Cassius contra sensit. In prædona persona Proculus recte existimat: In bona fidei possessoribus Cassius. Nec enim debet possessor ante mortalitatem præstare aut propter metum huius periculi temere indefensum ius suum relinquere.

In l. 12. §. 4. ff. ad exhib. si post iudicium acceptum homo mortuus sit, quamvis sine dolo malo & culpa possessoris: Tamen interdum damnandus est, quanti auctoris interfuerit per eum non effectum, quominus tunc, cum iudicium acciperetur homo exhiberetur; tanto magis si apparebit eo casu mortuum esse, qui non accidisset, si non exhibitus fuisset.

Cæterum quod distinctio hæc, utrum eodem modo res fuisset auctori peritura, an vero non, in re nostra ab alio possessa & casu fortuito post moram extraiudicalem, perempta recipi non possit, exinde liqueat quod in actionibus in rem possessor absolvi debeat si res sine dolo, quantumvis post moram etiam, perierit: Sic enim in l. 16. §. 3. ff. de pignor. Marcianus; In vindicatione pignoris quaritur, an rem, de qua actum est, possideat is cum quo actum est. Nam si non possideat, nec dolo fecerit quominus possideat, absolvi debet. Et Gaius in l. qui petitorio ff. de Rei vindicat. Qui petitorio iudicio experitur, ne frustra experiat, requirere debet an is, cum quo instituat actionem possessor sit, an dolo malo desierit possidere. Accet.

Accedit his textibus & ratio iuris manifesta, quod actio in rem non detur, nisi adversus possessorem, aut eum, qui pro possessore habetur *d. l. qui petitorio 36. ff. de R. vind. §. 1. l. de act.* Is verò, apud quem res post moram periit, nec possessor sit, ne iure & loco possessoris habeatur. Cui & hæc addi potest ratio, quod actiones personales idcirco dentur post moram, quia hæc ex obligatione nascantur, quam mora perpetuat, sic ut res, quæ interit, adhuc extare videatur. *l. 23. l. 91. de V. obligat.* Actiones vero in rem ex nulla proficiantur obligatione, *§. 1. l. de act.*

Nec refragantur *l. 15. §. fin. ff. de R. vindicat. l. 40. ff. de petit. hered. & l. 12. §. 4. ff. ad exhib.* pro superiori opinione adductæ: Siquidem istæ non tractant de re post moram extraiudicalem perempta; sed de re post litem contestatam seu moram iudicalem interempta; Id quod ex *d. l. 40. & l. 12. §. 4.* satis perspicue relucet; Idemque ex *d. l. 15.* haut difficulter colligitur; ea quippe nominatim & expresse loquitur de servo, vel alio animali PETITO; petita autem res propriè dicitur, quæ in iudicio petita est. *l. 22. de Reb. credit. l. 4. ff. de conduct. trit.* Aliam porro esse rationem moræ extraiudicæ & iudicæ, quoad propositam quæstionem, mox ostendemus.

*Secundo* itaque alii distinguunt, ut malæ fidei possessor, sicut & is, qui bona fide possidet, sed iniuste

domino vindicanti contradicit, post moram indistinctè teneatur, sive eodem modo res petitori restituta peritura fuisset, sive non: Bonæ fidei autem possessor, qui putat se iustam habere contradicendi causam, ita demum post moram teneatur, si res consimili fato creditori non fuisset peritura: Non verò teneatur, si fuerit apud ipsum æquè peritura. Ita Gödd. *in l. 12. §. 1. de V. Sign. Anton. Matthæi in l. 5. de Reb. credit.* Saporta *de Morac. 3. n. 103.* Hieronymus Treutl. *p. 1. asptur. 20. thesi 14.*

Verum hanc opinionem supra abunde refutavimus.

Tertio Hugo Donellus distinguit inter moram extraiudicalem & iudicalem; quæ per litem contestationem contrahitur, sic, ut si res post moram extraiudicalem perierit, sine tacto & dolo possessoris; Aut vero amissa fuerit, possessor liberetur indistinctè, sive bona fide possederit, sive mala, quantumvis culpa ipsius intervenierit *d. l. qui petitorio 36. ff. de R. vindicat. l. 16. §. 3. ff. de pignor.* Sin vero post litem contestatam, seu moram iudicalem, quæ litem contestatione contrahitur, malæ fidei possessor quique ab initio bonæ fidei possedit, post verò improbe ad iudicium provocavit, non liberentur, nisi res consimiliter fuerit apud dominum peritura: Bonæ fidei autem possessor iustam ob causam litigans liberetur indistinctè. Quæ opinio & mihi vetustissima

riſſima videretur: Nam primo quod, re poſt moram extraiudicalem peremptâ, poſſeſſor, doli & fraudis expertus, indiſtincte liberetur, probant expreſſe textus ſupra adducti in *l. qui petitorio 36 ff. de R. Vindic.* & *l. 16. §. 3 ff. de pignoribus*. Tum etiam rationibus paulò ſupra propoſitis ſatis dilucidè confirmatur. Nec reſragatur huic quod in *d. l. qui petitorio de R. Vindic.* Gaius ſcribit: *Qui in rem convenitur etiam culpa nomine condemnatur; Culpa autem rem eſt, poſſeſſor, qui per inſidioſa loca ſervum miſit, ſi is perit & qui ſervum à ſe petiitum in barena eſſe conceſſit & is mortuus ſit; ſed & qui fugitivum à ſe petiitum non cuſtodit. etc.* Unde colligitur quod ſi res culpâ aut poſt moram, quæ culpæ ſpecies eſt, poſſeſſoris interierit, adhuc teneatur poſſeſſor & rei vindicatione conveniri queat, nec rei poſſiſſæ interitu liberetur. Hoc, inquam, non reſragatur: ſi quidem legem iſtam *36. de culpa*, poſt litem conteſtatam commiſſâ, exaudiendam, evincit verbum *petiitum* quod ibidem aliquoties repetitur & interpellationem iudicalem, quæ litis conteſtatione ſit, denotat, uti probat *l. 22. ff. de R. Vindicat.* & *l. 4 ff. de Condiſt. tritic.* Cur autem poſt litem conteſtatam, adeoque moram iudicalem, quæ litis conteſtatione contrahitur, reſublata & perempta, non liberetur poſſeſſor, niſi res eodem ſato petitori quoque peritura fu-

iſſet, ratio hæc eſt quod litis conteſtatione obligatio contrahetur *l. 5. §. idem ſcribit. ff. de pecul.* quæ obligatio morâ perpetuatur poſtquam res petita interit, ut etiamnum ex tate videatur *l. 91. & 23. de V. obligat.* eoque caſu locum ſibi vindicet regula iſta etiam in realibus actionibus *culpa & mora debitoris perpetuant obligationem*. Hoc a. de malè fidei ſolum poſſeſſore admitendum, ſi res fuiſſet eodem modo petitori peritura, quia æquum non eſt plus petere & exigere petito-rem, quam habiturus fuiſſet, ſi abſque mora conſeſſum ei res reſtituta fuiſſet, quæ de re ſupra, cum de re debita poſt moram caſu perempta ageretur, pluribus dictum fuit. Cæterum bonæ fidei poſſeſſorem, qui aut iuſtam habet litigandi & adverſario contradicendi cauſam, aut ſe habere putat, liberari caſu fortuito, æquiſſimum eſt, quia nullâ penitus morâ committit *l. 20. & l. 24. ff. de uſur. & mora.*

### QVÆSTIO

*Ad quodnam tempus reducenda ſit æſtimatio rei, poſt moram præ debita, perempta?*

**P**ORRÒ cum re poſt moram aut culpa debitoris vel poſſeſſoris peremptâ, amiſſa aut deteriorata ad æſtimationem faciendam pervenitur, quæſtio ſuboritur, ex quonam tempore facienda ſit æſtimatio? Quæ quæſtio ſane ardua & intricatiſſima eſt, in qua enodanda omnis prope ætatis viri do-



æi sudarunt ac laborarunt plurimum; usque adeo, ut Jacobus Cuiacius, nostri seculi JCtus acutissimus ac disertissimus, in hæc tandem verba erumpat: *Nullum hodie esse vel iudicem, vel patronum vel ICtum, qui non bareat maneatque suspensus quotiens hac de re tractatio incidat.* In tractat ad Africanum in l. hominem 37. ff. mandati.

Quapropter quæ sint de hac controversia præcipuorum ac celebriorum Interpretum sententiæ, tum quænam cæteris anteferenda sit, ostendere operæ precium videtur.

*Opinio I.*

Et primò, si res pure sit debita, distinguit Hugo Donellus in *com. ad L. Vinum* 22. de *Reb. credit.* l. 59. & 60. de *P. obligat.* & ad l. 3. ff. de *Condiç. tritic.* Eumq; secuti Vaud. lib. 1. var. quæst. 41. Bronchorst. cent. 2. assert. 19. Forcat. de *Mora* p. 2. c. 12. Alciat. n. 13. & Loriottus n. 42. ad d. l. *Vinum*. 22. inter res certas seu species & inter res incertas, in genere, seu quantitate consistentes, ut in harum quidem æstimatione præcise spectetur tempus litis contestatæ; In illis vero æstimandis illud tempus, quo res unquam fuerit plurimi post moram: Confirmant hæc suam opinionem, & quidem primo, quod rei certæ, seu speciei æstimatio reducat ad illud tempus, quo res unquam fuerit à tempore moræ plurimi ex l. 8.

ff. de *condiç. furtiva* in qua JCtus Ulpianus si ex causa, inquit, furtiva res condicatur, cuius temporis æstimatio fiat, quæritur: placet tamen id tempus spectandum, quo res unquam plurimi fuit, maxime cum deteriori re dando non liberetur semper enim moram fur facere videtur. proinde rei furtivæ æstimatio ad illud tēpus refertur quo post moram res perempta unquam fuerit plurimi: Res autem furtiva est species & res certa, cum genus furto auferri non possit, sed quicquid contrahatur & auferretur, id rem certam & certū corpus esse necesse est. Speciei quocirca æstimatio ad id tempus reducitur, quo res unquam fuerit post moram plurimi.

2. Idem colligere promptum est ex l. 29. in verb. sed si pluris factæ non restituuntur, quæ amotæ sunt, crescit æstimatio, ut in conditione furtiva ff. *Rerum amotar.* At res incertæ & genus non possunt amoveri, sed, quæ amoveantur, certæ sunt: Quare specierum ac rerum certarum æstimatio ex eo tempore facienda est, quo res, post moram, unquam fuerit plurimi.

3. In l. 3. ff. de *condiç. tritic.* videtur quidem primis verbis quæstio referri ad omnes res debitas, etiam quæ generaliter debentur, ut vinum oleum frumentum: Sic enim verba sunt, in hac actione si queratur, per actionem autem triticariam generaliter res omnes peti possunt, si quæ sunt præter pecuniam, live pondere

pondere, siue mensura consent, ut traditur in *l. i. eod. tit.* Sed ex illa infinitate rerum, quæ eâ actione peti possunt aperte sequentibus verbis revocatur res ad certam speciem petitam, cum in definitione estimationis, quæ subiicitur, adiicitur hæc conditio si res petita perierit, aut si facta sit deterior: Horum enim utrumque solum de re certa dici potest; in eam quæ generaliter debeatur eoque incerta sit non cadit *l. In ratione §. Incerta ff. de Leg. falscd.*

4. Accedit insuper ad huius confirmationem & hæc ratio, quod mora perpetuam faciat obligationem, quo autem tempore post moram res certa fuit plurimi, eo etiam tempore debebatur & uti fuit, ita debebatur. Quod res talis debebatur facit ut necesse tum fuerit aut talem præstari, aut pro re, quæ non præstaretur, saltem eius estimationem. Quod debitor in mora tunc erat, facit, ut quod tum semel cœpit deberi, id quodcumque res peti aut iudicari cœperit, præstari debeat creditori, quia, ut dixi, eius rei obligationem perpetuam fecerit.

Quod porro rei incertæ siue generis estimatione præcise ad tempus litis contestatæ referenda & reducenda sit, inde probant, quod in *l. 22. ff. de Reb. credit.* aperte Iulianus scribat: In vini (quod est res incerta, in genere & quantitate consistens) estimatione post moram

ineunda spectari tempus litis contestatæ. Verba JCTi hæc sunt: *Vinum quod mutuū datum est, per iudicem petiitum est, quæsitum est, cuius temporis estimatio fieret, utrum cum datum esset, an cum litem contestatus fuisset, an cum res iudicaretur? Sabinus respondit, si dictum esset quo tempore redderetur, quanti tunc fuisset; si non, quanti tunc, cum petiitum esset.*

2. Accedit his quoque *l. 4. ff. de condi. tritic.* in qua ita Gaius: Si merx aliqua, qua certo die dari debebat, petita sit, veluti vinum oleum frumentum, tanti litem æstimandam Cassius ait, quanti fuisset eo die quo dari debuit; si de die nihil convenit, quanti tunc, cum indicium acciperetur. Ex hisce duabus legibus ita infert Donellus: Quicumque duō superiora tempora in mercis estimatione spectanda dicit, tempus, inquam, in conventionem expressum & quo res petita, seu lis contestata est, is cætera tempora omnia excludere intelligitur negatque spectandam esse estimationem, quæ fuerit aut cum res contracta est, aut cum mora facta est, aut cum res iudicatur, aut ullo intermedio tempore. Nam si quod ex his spectamus, non spectamus diem constitutum, aut tempus litis contestatæ. Hæc autem spectanda esse superiores leges volunt: Cæteræ igitur spectare non possumus.

3. Suffragari videtur quoque *l. 3. §. 3. ff. de act. empt.* ubi in contractu emptionis venditionis, qui bonæ fidei est, æstimatio rei petitæ ad aliud tempus non refertur quam quo vel venit, hoc est solutioni destinato, vel quo lis in condemnationem deducta est.

4. Addunt his quoque hanc rationem, quod cum nullus dies, quo merces seu res, in quantitate consistens, veluti vinum, oleum, frumentum, &c. præstetur, conventionem fuerit expressus, nullius certi temporis vinum debeat, & consequenter nec æstimatio certi temporis, præterquam temporis litis contestatæ, cum tale unumquodque præstari debeat, quale est, cum petitur *l. 2. ff. de Usur & fructibus*, quo efficitur, qualis æstimatio eo tempore fuerit, talem quoque esse præstandam.

5. Idem plane haut parum confirmare videtur & hæc ratio, quod quotiens veteres definierunt tempus moræ, aut condemnationis spectandum esse semper definitionem cōceperint de re certa debita, quæ post moram periisset aut deterior facta fuisset. Cum autem in re aliqua dixerunt diem constitutum esse spectandum, aut tempus litis contestatæ, constanter ubique quæstionem posuerint de vino, oleo aut frumento *l. 22. de Reb. credit. l. 3. & ult. ff. de Condict. tritic. l. quoties in diem ff. de Verb. obli-*

*gat.* Hoc autem temere ab illis tam constanter factum fuisse, putandum non est.

6. Postremo diversam esse rationem specierum & mercium, rerum certarum & incertarum hinc quoque relucere videtur, quod cum species sive res certa post moram perierit, mora continet obligationem faciatq; ut extare etiamnum videatur, cui sit consequens ut si post moram res pluris fuerit, cum talis debeat, æstimatio quoque eius temporis præstanda sit. At si non species, sed genus, vel, quod idem est, res in quantitate consistens, veluti vinum, oleum, &c. debeat, quia nullius certi temporis tunc vinum debetur nisi quod conventio, aut litis contestatio certum effecerit, ideo etiam nulla obligatio huius vel illius temporis subest quam mora perpetuet. Et consequenter circa propositam quæstionem necessario distinguendum inter res in specie, & res in genere, seu quantitate consistentes.

#### *Refutatio huius Opinionis.*

Cæterum hæc opinio, quamvis prima fronte alicui admodum probabilis videri posset, displicet tamen Viris doctis & refellitur ex professo à Johanne Gödd. in *tractat. de contrah. & committ. stipulat. c. 11. concl. 5.* Johanne Borcholdo in *tractat. de Reb. credit. cap. 7. num. 134.* & Marco Lycla-



*Lyclama in tractat. de inundata rei debita æstimatione n. 69. add. l. Vinum 22. de R. credit.* Nec immeritò. Etsi enim Donello & eius assensu, quoad speciem debitam post moram peremptam aut amissam, libenter assentiri, quod nempe æstimatione eius ex eo tempore sit facienda, quo res unquam fuerit plurimi; Quoad rem tamen incertam, seu mercem, quod scilicet æstimatione eius ad tempus litis contestatæ præcise referenda sit illis assentiri nequeo.

Primo enim refutatur hæc sententia aperto textu *l. final. ff. de cond. tritic.* Ibi enim, cum J Ctus de æstimatione mercis, veluti vini, olei, frumenti, &c. discessisset; subiicit in fine legis, *Idem de CÆTERIS rebus iuris esse.*

Et quanquam nonnulli hæc verba *idem in cæteris rebus iuris est*, secundum præcedentia, intelligant de rebus in suo genere functionem recipientibus & in quantitate consistentibus: Id tamen duplici de causa admitti non potest:

1. Quia in principio legis non propoluerat J Ctus de quibusdam saltem rebus fungibilibus; sed in genere de merce; si merx aliqua, inquam, quæ certo die dari debebat petita sit. Ideo non opus est aliqua ampliatione & extensione qua id, quod de certis quibusdam rebus fungilibus dictum est; veluti de vineo, oleo, frumento, ad cæteras res eiusdem generis extendatur, cum

quod de genere affirmatur, idem quoque de singulis speciebus, eo genere contentis, intelligi debeat.

2. Quia verba ista *Quod de cæteris rebus iuris est*, generalia sunt; igitur generaliter intelligenda, donec restrictio talis liquidò fuerit demonstrata. 3. Quia vocabulum *Merces* est interdum generale & quasvis res mercandi, negociandi & nundinandi causa comparatas significat.

2. Subvertit quoque superiorem Interpp. distinctionem *l. 35. §. 5. in verb.* in his quæ pondere numero mensurave constant: modò ea servantur quæ in cæteris. Item: idem iuris est quod in cæteris rebus *ff. de contrah. empt.*

3. Quin etiam gravissimè eidem adversatur sententiæ *l. In re furtiva de cond. furtiva*, in qua diserte Ulpianus rei peremptæ post moram æstimationem ad tempus istud reduci iubet quo res unquam à tempore moræ fuerit plurimi. Quam legem concedit Donellus generalem esse atque ad quamvis rem post moram peremptam, aut amissam spectare, nec præcise ad rem furtivam restringendam. Quare iuxta eam, ut quæ non distinguat inter speciem & rem fungibilem, generaliter dicendum videtur, siue merx fuerit, quæ petiit, siue species, semper illius temporis, quo unquam res fuerit plurimi atque in optimo statu, æstimationem præstandam esse. Et quanquam ipse

Donellus idcirco eam legem ad species ac res certas coarctari velit, quia sit de re furtiva; res autem in quantitate consistentes furto auferri nequeant: Id tamen minimè concedendum est: Siquidem plus satis constar res etiam in quantitate consistentes, veluti vinum, oleum, frumentum, pecuniam numeratam & alias consimiles furto auferri & contrectari posse; Idque non solum quotidiana confirmat experientia, sed aperte probat *l. 19. §. signati 3. l. 21. pr. §. 1. l. 43. pr. l. 52. §. 13. & §. 21. ff. de furt.* In quibus tales res, quæ in quantitate consistunt, furto ablata proponuntur.

4. Præterea prædictam distinctionem evertit quoque *lex 3. ff. de Condit. triticar.* quæ de re petita in genere loquitur nec per subiecta exempla restringitur, ut paulò post uberius dicetur.

5. Eodemq; facit quoq; ratio manifestissima quod scilicet mora sua cuique moratori nocere, non sane eidem prodesse debeat *L. 173. §. 2. & l. 155. de R. lur.* Atqui, stante superiori distinctione, sequeretur moram prodesse moratori, & creditori nocere, si scilicet merce debita æstimatio præcise ad tempus litis contestatæ reducitur, nec ad illud tempus refertur, quo res fuerit plurimi; Siquidem si moram non commississet, sed rem suo tempore restituisset æstimationem fortassis illam quanti plurimi res fuerit ha-

biturus fuisset creditor, & ut non fuisset eam habiturus, tamen non spectandum, quid habiturus fuisset, sed potius quid habere potuisset, si per debitorem non stetisset.

*Ad primum autem fundamentum* Donelli ex *L. Vinum 22. petitum*, respondeo committi fallaciam causæ: Nam cur illæ æstimationis referatur vini ad tempus litis contestatæ non hæc est ratio quia ibi non de rei certæ seu speciei, sed de rei incertæ ac generis æstimatione tractetur: Verum hæc potius quia in casu illius *l. 22.* nec ante litem contestatam mora erat contracta, (Tameis enim non facile fieri possit ut, morâ non præcedente, perveniatur ad iudicem *l. 3. pr. ff. de usur.* sed id tamen aliquando evenire probat *§. appellamus l. de Act.*) nec per litis contestationem arg. *l. 21. 22. 23. & 24. ff. de usur l. 40. ff. de hered. petit.* Quod a hoc ita sit, probat *l. 37. ff. mand.* in qua Ictus Africanus docet, quando æstimatio præcise ad litis contestationem reducatur; si scilicet per promissorem non steterit, quominus sua die absque mora solveretur: Verba Icti hæc sunt: *Alter in stipulatione servatur: Nam tunc id tempus spectatur, quo agitur: Nisi forte per promissorem steterit, quominus sua die solveret, aut per creditorem, quominus acciperet: Etenim neutri eorum sua mora prodesse debet.* Ex hac

hac itaque lege omnes illi textus, in quibus dicitur, litis contestata tempus spectandum ex hael. 37. ad eum casum restringendi sunt quo res sine mora perit: Nec refragatur quod si res sine mora perierit, ad æstimationem non pervenitur sed interitu rei debitor liberetur l. 23. de R. J. & l. 6. C. de pign. act. Ad hoc enim infra in explicatione postremæ opinionis respondebitur.

*Ad Secundum* quoque ex l. fin. ff. de condict. tritic. petitum idem, quod ad præcedens, responderi debet Et sane Donello l. ista planè non suffragatur quia non solum in merce & re fungibili; sed in cæteris quoque rebus æstimationem ad litis contestatæ tempus referri iubet, ut supra prolixius dictum.

*Ad Tertium* Resp. In d. l. 3. §. 3. ff. de Act. empt. duo tempora designari è quibus sit faciendæ æstimatio; tempus Contractus seu quo res venit & tempus litis contestatæ; adeoque vel hoc textu præsentem Donelli & aliorum opinionem, non tam confirmari, quam subverti. Nec dissentientibus concedendū tempus quo res venit esse tempus solutioni à contrahentibus destinatum; siquidem plusquam certum est, tempus quo res venit, esse tempus iniri contractus, illaque quo res vendita fuit.

*Ad Quartum* Resp. Falsum esse quod, die solutionis non expresso

ac definito, nullius certi temporis, præterquam litis contestatæ, res debeat. 1. Quia alioquin vinum, quod ante litem contestatam extitit, & natum est, solvi non posset, cum aliud solveretur quam deberetur, contra regulam iuris quod aliud pro alio invito creditori solvi non possit. 2. Quia si nullius altererius temporis vinum quam litis contestatæ deberetur, ne quidem ante litem contestatam liceret vinum offerre, deponere, consignare & ita invitoolvere; sed semper debitor cogeretur expectare tempus litis contestatæ, ut ex eo intelligeret, utrum hoc, vel illud vinum debeat. 3. Quia si genus promissum sit purè, obligatio statim nascitur & quidem ita ut agi possit. §. omnis l. de V. obligat. quare & statim solvi potest creditori.

*Ad Quintum* respondetur; ex prædictis satis liquere quod non solum cum species certa, sed & cum merces æstimanda est tempus moræ, quo scilicet res unquam fuerit plurimi, spectari debeat l. 8. ff. de condict. furtiv. l. 29. ff. Rerum amot. Nec in universis legibus, in quibus litis contestatæ tempus spectari dicitur de merce agitur: Contrarium enim dilucide probat l. fin. in fine ff. de condict. triticar. l. 37. §. 1. ff. mandat. Quin etiam in mercis æstimatione incunda tempus litis contestatæ præcise spectandum non esse, arguit vel sola l. 3 §. 3. ff. de action. Empt.

*Ad Po-*

Ad postremum idem responde-  
tur quod ad quartum responsum  
fuit: Nam & ante litem contesta-  
tam, mercem promissam & in con-  
tractum deductam, deberi, rationi-  
nibus hautquaquam contemnen-  
dis docuimus. Quocirca his remo-  
tis, relinquitur quoad rei peremptæ  
aut amissæ æstimationem nihil pe-  
nitūs dissetre res in quantitate con-  
sistentes à speciebus.

*Opinio secunda.*

Secunda opinio, præcedenti pro-  
xima, est Francisci Duareni, qui in  
rebus, quæ mutuo dantur, hoc est  
fungibilibus & in quantitate con-  
sistentibus, præcise litis contestatæ  
tempus spectandum ait; In specie-  
bus vero æstimandis tria tempora  
inspicienda dicit, tempus conde-  
mnationis, mortis & moræ: Huius  
sux opinionis & distinctionis  
membri prioris eadem adducit  
fundamenta, quæ supra Donellus:  
Nempe *l. vinum 22. de rebus credit.*  
*l. final. ff. de condit. tritic.* quibus su-  
pra satisfactum fuit: At posterius  
membrum confirmat *l. penult. ff. de*  
*condit. tritic.* in qua prædicta ista  
tria tempora designari videntur:  
Verba illius legis hæc sunt: *In hac*  
*actione, si quaratur res, qua petita,*  
*cuius temporis æstimationem reci-*  
*piat. Perius est quod Servius ait, con-*  
*demnationis tempus spectandum. Si*  
*vero desierit esse in rebus humanis,*  
*mortis tempus; sed in rebus secun-*  
*dum Celsum, erit spectandum: Nec*  
*enim debes novissimum vite tempus*

*æstimari, ne ad exiguum precium æ-*  
*stimatio redigatur in servo mortife-*  
*re vulnerato: In utroque, autem si post*  
*moram deterior res facta sit: Marcel-*  
*lus scribit libro 20. habendam æsti-*  
*mationem quanto deterior res facta*  
*sit, &c.*

*Refutatio huius opinionis.*

Sed nec hæc opinio subsistere  
potest: præterquam enim quod  
merces à speciebus in præsentem con-  
troversia separari non debeant *d. l.*  
*fin. ff. de condit. tritic.* Constat et-  
iam ex *l. 8. de condit. furtiv. & ex l.*  
*29 ff. rer. amotar.* quod re post mo-  
ram perempta non præcise isthæc  
tria tempora spectari oporteat, nec  
ratio intermedii temporis, quod  
scilicet inter tempus moræ extra-  
iudicialis & condemnationis in-  
tercedit, nulla haberi debeat; sed  
potius, quod morâ semel contra-  
ctâ, ad quodvis tempus, quo res  
fuerit plurimi æstimatio referatur,  
id quod infra in postrema opinio-  
ne prolixius confirmabitur, ubi e-  
tiam quinam sit *d. l. 3. de condit.*  
*tritic.* sensus, explicabitur.

*Opinio III.*

Tertio Irnetius JCrus, & quæ  
ipsum sequuntur, iidem, inter  
mercem & speciem distinguen-  
dum putant; sic ut in merce debita  
æstimanda litis contestatæ tempus  
spectetur; In specie vero tempus  
condemnationis: Fundamentum  
huius opinionis in eo constituunt,  
quod in *l. 22. ff. de Reb. credit. l. fin.*  
*de condit. tritic.* vinum & confi-  
miles



similes aliæ res in quantitate constantes, ex tempore litis contestatæ æstimandæ dicuntur. Merces vero debita ex tempore sententiæ seu rei iudicandæ: *l. 3. ff. commodat. l. pen. ff. de cond. trit.*

*Refutatio huius Opinionis.*

Cæterum & hæc opinio displicet Antonio Fabro *16. coniectur. 4.* Nec sane iniuria: præterquam enim quod in merce æstimandæ & aliæ tempora, quàm litis contestatæ, spectari debeant, ut in consideratione primæ opinionis supra fuit probatum, satis etiam de specie constat ex *l. pen. ff. de condit. tritic. l. 3. §. in hac ff. commodati l. 37. ff. mandati l. 28 ff. de novat.* in æstimatione illarum tempus etiam litis contestatæ spectari. Nec contrarium evincunt *d. l. 3. Commod. & l. pen. de condit. tritic.* Nam quænam illarum legum vera sit sententia infra aperiam. Illud etiam considerandum quod in *l. 3 § 3 ff. de act. empt.* de vini æstimatione diserte Pomponius scribit, quod si per venditorem vini mora fuerit, quominus traderet, condemnari eum oportere utro tempore pluris vinum fuerit, vel quo venit, vel quo lis in condemnationem deducitur: adeoq; in mercis quoque æstimatione non semper litis contestatæ tempus attendi.

*Opinio IV.*

Quarto Johannes Borcholt in *tractat. de Reb. credit. c. 7. n. 104.* ita statuit, ut si ante litem contestatam

debitor fecerit moram, tria tempora inspiciantur; & vel ad tempus moræ æstimatio referatur, si post moram res depreciaa & deterior facta sit; vel ad tempus condemnationis, si rei iudicatæ, si post moram preciosior sit facta; Vel denique ad tempus mortis si preciosior facta post moram interierit ante rem iudicatam: Ex hisce autem tribus temporibus unum tempus spectandum in re æstimandæ & quidem illud quo res pluris fuerit: Nam si pluris fuerit tempore moræ, quàm rei iudicatæ, vel mortis, moræ tempus in re æstimandæ spectatur: Et contra, si pluris fuit rei iudicatæ, vel mortis tempore, quàm moræ, rei iudicatæ vel mortis tempus inspiciatur in ineunda rei æstimatione. Fundamentum huius opinionis constituit in *l. pen. ff. de condit. tritic.* in qua tria ista tempora æstimationis ineundæ expresse definiti videntur.

*Refutatio huius opinionis.*

Verum huic opinioni obstat *l. 8. ff. de condit. furtiv. l. 29. ff. rer. amot.* in quibus legibus non refertur æstimatio rei interemptæ ad aliquod præcise tempus, sed ad quodvis, quo res unquam fuerit plurimi à tempore moræ contractæ, adeoq; temporis intermedii quoque ratio habetur: Non obstante *d. l. penult. ff. de condit. tritic.* quæ proculdubio tempus intermedium inter tempus moræ & condemnationis atque inter hoc & tempus mortis

non excludit, ut si tum plures res fuerit, quam tempore moræ, vel condemnationis, vel mortis, illud non spectetur; ut suo tempore clarè ad oculum demonstrabitur. Quin & ratio satis evidens idem ostendit quia nempe non debet moratori prodesse mora, nec domino nocere: At noceret mora domino, si æstimationem intermedii temporis, quo res fuit plurimi, non cogeretur præstare, quam tamen habere potuisset, si tum sine ulteriori mora res fuisset restituta.

#### Opinio V.

Quinto Jacobus Cuiacius in tractat. 8. ad Africanum in l. 37. ff. mandat. & Julius Pacius 3. Antin. 72. & Philipus Matth. in c. 22. de Reb. credit. ita distinguendum censent, ut si mora nulla commissa sit, in strictis iudiciis spectetur tempus litis contestatæ l. 22. de Reb. credit. l. fin. ff. de condict. tritic. l. 3. ff. commodat. In bonæ autem fidei iudiciis æstimatio reducatur ad tempus condemnationis seu rei iudicatæ d. l. 3. commod. Sin vero mora fuerit extrajudicialis contracta, tum æstimatio ad quodvis tempus reducatur, quo res unquam a tempore moræ fuerit plurimi l. 8. ff. de condict. furs. l. 29. ff. res amot. Cuius distinctionis hanc rationem adducunt, quod priori casu quo mora contracta non fuit, in iudiciis stricti iuris certum actor in iudicio petit, secundum

quam petitionem quoque iudex, si eam veritate niti ac naturæ actionis institutæ congruere viderit, præcise pronunciare adstrictus est, per ea quæ Wesenbec. in. §. Actionum a. nu. 2. l. de act. tradit. Ideoque in stricti iuris iudiciis litem contestatam, quippe ex qua quid petitur demum elucet, in æstimatione incunda observare convenit: In bonæ vero fidei iudiciis actor certum non petit, verum petitionem suam in arbitrio iudicis ponit, ut scilicet ipse per sententiam enunciet, quantum ex bono & æquo æstimari debeat; proinde hoc casu æstimatio ad tempus rei iudicatæ refertur, cum fieri possit, ut iudex etiam plus actori per sententiā attribuat, quam is postulaverit arg. §. 30. l. de act. Idque ipsum Gaius in l. 2. §. ult. de O. & A. haut obscurè innuit: At in posteriora casu, quo mora extrajudicialis contracta fuit, ideo tempus quodvis, quo res plurimi fuerit spectari volunt, quia culpa & mora unius non debet ipsi prodesse nec alii nocere. l. 155. & 173. de R. Iur.

#### Refutatio huius opinionis.

Equidem quoad posterius hoc ipsis plane assentior, quod nempe res post moram debitoris precepta, quocunque in iudicio, ex eo tempore, quo fuerit unquam plurimi, æstimanda sit. Sed in eo ab illis dissentio, quod ante moram extra-

extraiudicalem re perempta in stricti iuris iudiciis æstimationem præcise ad litis contestatæ tempus; in bonæ fidei iudiciis ad tempus rei iudicandæ reducendam putant; Hinc enim sequeretur Moram iudicalem, quæ litis contestatione contrahitur, non eiusdem esse potestatis, cuius mora extraiudicialis; Itemque sequeretur moram iudicalem prodesse moratori, & nocere creditori contra *l. 155. §. l. 173. §. fin. ff. de Reg. iur. l. 37. §. 1. in fine ff. mandat.* ubi dicitur unicuique suam moram nocere non alteri: Ut proinde non existimarim distinguendum esse utrum mora extraiudicialis, an iudicialis fuerit contracta, sed in utraque idem omnino obtinere, quod nempe à tempore moræ contractæ tam iudicialis quam extraiudicialis res ex eo tempore æstimetur quo unquam fuit plurimi.

*Opinio V.*

Quinto Marcus Lyclama statuit, tam in bonæ fidei, quam stricti iuris actionibus præcise tempus litis contestatæ spectari: Moræ verò extraiudicialis rationem penitus nullam haberi in *d. tractat. de ineunda rei debita æstim. n. 56. & sequent.* ubi id multis fundamentis stabilire conatur quæ mox in sequentibus considerabimus.

*Refutatio huius opinionis.*

Verum in utroque, tam bonæ fidei, quam stricti iuris iudicio mo-

ra extraiudicialis rationem haberi explorati iuris videtur & confirmant textus iuris expressi in *l. 8. ff. de condict. furtiva l. 29. ff. Rer. amot. l. 3. ff. de Condict. tritic.* quæ expresse de strictis iudiciis agunt, & tamen nihilominus æstimationem ad illud tempus quo res à tempore moræ extraiudicialis unquam fuerit plurimi, redigi & reduci volunt. De bonæ fidei iudiciis est *l. 21. ff. de act. empt.* & in utroque iudicio tam bonæ fidei quam stricti iuris moræ etiam extraiudicialis in æstimatione rei ineunda rationem haberi evidens ratio suadet; hæc scilicet, quod aliàs mora debitoris noceret creditori, quia si suo tempore sine mora fuisset restituta creditori, habiturus is fuisset æstimationem istam qua plurimi post moram contractam fuit. At neutri mora & frustratio alterius nocere debet *l. 155. de R. iur. l. 3. §. 1. ff. commod.* quæ regula non solum de mora iudiciali, sed de extraiudiciali quoque accipienda est. Verum hæc de re in sequentibus plura.

*Opinio VI.*

Sexto Antonius Faber *16. coniecturarum c. 3. 4. 5. 6.* Et in *Erroribus pragmat. decad. 16. Error. 1. 2. & 3.* Et hunc secutus Caspar Schifordecker ad Antonium Fabrum *lib. primo, tractat. 21.* ad propositam quæstionem respondent, si res pure debeat, in stricti iuris iudiciis nullam omnino rationem habere.

haberi moræ extraiudicialis: In bonæ fidei autem iudiciis hæcenus solum, ut inspiciatur, non quanti plurimi res fuerit à tempore moræ; sed utro tempore res pluris fuerit, Moræ, aut Rei iudicatæ: Quod si vero post condemnationem rei æstimatio decreverit, tum non minus in strictis, quam in bonæ fidei iudiciis tempus condemnationis inspiciatur. Sin vero in rebus humanis esse desiderit, tum præcisè tempus mortis.

*Refutatio huius opinionis.*

Quam opinionem præcedentibus non puto meliorem esse: Quin potius, si recte & penitius inspiciatur, nulla ferè ex omnibus à vero magis aberrat & à iuris ratione latius recedit; Idque nunc verà & nostrâ opinione propositâ liquido demonstrabimus.

*Opinio VII. quæ vera.*

Sic proinde, repudiatis aliorum opinionibus, omnino statuendum cenſeo: primo re pure qualicunq; ex contractu, sive stricti sit iuris, sive bonæ fidei, debitâ, casu fortuito peremptâ aut amissâ, æstimationem ad id referendum tempus, quo res à tempore moræ, etiam extraiudicialis, quam plurimi valuerit atque in optimo fuerit statu:

Quæ sententia confirmatur primo ex l. In re furtiva 8. ff. de condic. furtiv. in qua Ulpianus ita scribit: Si ex causa furtiva res condicatur, cuius temporis æstimatio fiat, quæritur. Placet tamen id tempus spectan-

dum, quo res unquam plurimi fuit; maxime cum deteriore rem dando non liberetur: Semper enim moram fur facere videtur. Ubi notandum primo quod conditio furtiva, de qua præsens l. 8. loquitur, stricti sit iuris, non solum quia ex maleficio nascitur; sed etiam quia inter bonæ fidei iudicia in §. Actio-num l. de act. recensita non reperitur. & tamen res, quam illa persequitur, æstimatur quanti plurimi unquam fuerit. Cui consequens est in strictis quoq; iudiciis de quibus tamè maxime dubitatur, quâti plurimi æstimationis rationem haberi. Quod si in strictis iudiciis observatur, multo magis idem in bonæ fidei actionibus locum habebit, ut quæ ex parte actoris longe sint pinguioribus strictis iudiciis, Id quod & ratio ab Ulpiano subiecta satis demonstrat: ideo enim dicit furtivæ rei æstimationem quanti plurimi fieri, quia fur rem deteriorem reddendo non liberetur, quam rationem etiam in bonæ fidei iudiciis obtinere, nemo dubitare potest, propter textum apertum in l. 3. ff. commodati, in qua Ulpianus idem de re commodata, quod in d. l. 8. de re furtiva, affirmat: S. reddita iniquiens sit res commodata, sed deterior reddita: Non videbitur reddita quæ deterior reddatur &c.

Equidem Marcus Lyclana in d. tractat. de æstimatione num. 66. & Antonius Faber eumque secutus: Caspar Schifordecker respondent: hanc.



hanc l. 8. de re furtiva loqui: rem a furtivâ aiunt singulari odio furum æstimari quanti plurimi ac proinde, quod in ista l. 8. statuitur, non extendendum, sed restringendum esse arg. cap. odia de R. iur. in sext.

Resp. Verum enim vero responsio hæc plane est divinatoria: Etsi enim quædam odio furum sint recepta, inde tamen non sequitur quod omnia quæ de furibus hinc inde scribuntur singulari illorum odio sint introducta. Et quod hæc quanti plurimi æstimation non iure singulari, nec odio singulari furum, sed ratione communi sit recepta, id ex ipsa l. 8. luculenter patet. Etenim curres furtiva æstimeretur ex tempore quo fuit plurimi ratio non adducitur odium furum sed hæc potius, quæ quovis in frustrato obrinet, *quod fur deteriore rem reddendo non liberetur*: Deinde quia fur semper moram facere intelligatur: Hanc autem rationem esse, ut dixi, generalem, nec ad solum furem accommodatum, probant d. l. 3. ff. commodati & l. 3. ff. de condi. et ric. in quibus eadem plane ratio ad quemvis simplicem moratorem accommodatur. Et sanè si odium singulare furum causa esset quanti plurimi illius æstimationis, malè Ulpianus rationem veram ac potissimam silètio involvisset aliamque spuriam minusque principalem assignasset.

Et quanquam rationem hanc à Jcto assignatam, *quod nempe fur*

*semper moram contrahet*. Antonius Faber sic accipiendam existimet quod fur rem furtivam cōtrectando singulis momentis novam contrahat moram: Id tamen & ipsum in coniectura positum est; verbis certè in d. l. 8. §. 1. non exprimitur: Et quin & simplex frustrator, dum moram non purgat, moram facere rectè dicatur, dubium nullum est: Ad hæc nihil inest utrum mora singulis momentis nova contrahatur, an verò, quæ semel est contracta, duret: siquidem hæc eundem, quem illa habet effectum nec illius maior est potestas per l. 87. §. usuras d. l. 2. præterea æstimationis quanti plurimi ratio præcipua ac principalis nō est mora cōtracta, sed ea potius, quæ ipse Ulpian. adducit, quod nempe fur rem deteriore dando nō liberetur. At hanc etiam in aliis quibuscunq; moratorib. locum habere constat per l. 3. ff. commodati. Unde ita inferitur. Ubique eadem ratio est, ibi idem ius esse debet. At vero eadem ratio est in quibuscunq; moratoribus, quæ in fure, ob quam in d. l. 8. æstimationem quanti plurimi præstare tenentur. Ergo idem ius erit. Ut, nempe sicut fures præstant rei æstimationem quanti plurimi, ita quoq; alii moratores. Adde quod in d. l. 8. illius æstimationis quanti plurimi res fuerit causa remota & minus principalis sit, quod moram semper fur contrahat. At causa minus principali & remota, quan-

cumvis cessante modò proxima ob-  
tineat, locus est dispositioni juxta.  
Jam verò causa & ratio proxima æ-  
stimationis, qua res unquam fuit  
plurimi (quæ est quod fur deteriorẽ  
rem præstando non liberetur) ob-  
tinet in quibusvis moratoribus. Er-  
go licet altera minus principalis  
(quod fur semper moram faciat)  
cessaret in cæteris moratoribus; Ta-  
men *d. l. 8. non cessabit.*

Similiter non adversatur quod  
è dissentientibus quidam respon-  
dent in *d. l. 8. §. 1.* non proponi rem  
viliorem factam & precio decre-  
visse, sed rem factam deteriorem :  
Cum autem res post moram debi-  
toris redditur deterior, æquum esse  
ut deterioratio ista cedat periculo  
debitoris, sicut & mors ipsa cederet,  
si homo debitus perisset post  
moram *l. 23. de V. obl.* Secus a. esse si  
res facta fuerit post morã debitoris  
viliior. Resp. Et si enim res viliior fa-  
cta non possit dici deterior facta  
(cuius tamen cõtrarium verius est)  
quia tamen eadem omnino ratio  
obtinet in re viliiori facta, quæ sua-  
det non liberari debitorem, re post  
moram facta deteriore aut prorsus  
peremptã ab æstimatione quanti  
plurimi: Igitur omnino etiam, cum  
res viliior est post moram facta non  
liberari debitorem ab æstimatione  
quanti plurimi conveniens est. Ete-  
nim cur re deteriore facta, fur te-  
neatur præstare æstimationem  
quanti plurimi res fuit à tempore  
moræ, hæc est sine dubio, quod

mora debitori frustratori non de-  
beat prodesse, nec etiam creditori  
obesse *h. n. l. 8. versic. semper iunct. l. 37. mandati c. l. 115. de R. l.* At ve-  
rò si re viliiori facta, non teneretur  
debitor post moram præstare æsti-  
mationem quanti plurimi, sed li-  
beraretur præstatione æstimationis  
præsentis, maximè prodesset  
mora debitori & obesset creditori,  
quod perspicuum est. Ergo cum  
res etiam viliior est facta, præstari  
debet quanti plurimi res unquam  
fuerit à tempore moræ. *Accedit*  
quod res etiam viliior recte dicatur  
deterior atque illud huic tanquam  
species suo genere insit: Nam si bo-  
nitas rei duplex est, extrinseca & in-  
trinseca, ut fatentur plerique; dissen-  
tientium, sequitur ex natura oppo-  
sitionis quod deterioratio & cor-  
ruptio rei itidem sit duplex: Et sic  
ut bonitas extrinseca consistit in æ-  
stimatione; ita quoque deteriora-  
tio quædam consistat in imminu-  
tione æstimationis; adeoque res in-  
telligatur deterior facta, cum valo-  
re & æstimatione decrevit. Proinde  
cum hîc JCtus in *d. l. 8.* loquatur in  
genere de re deteriore facta, velit-  
que æstimationem præstari, qua res  
fuit unquam plurimi re deteriora-  
ta: Nihil prohibet quo minus  
JCtus in illis legibus accipiamus  
etiam de re post morã viliore facta.

Neque legi *8. de condiç. furi. ob-*  
*lit.* ex qua videtur dicendum, litis  
contestatæ tempus in conditione  
etiam

etiam furtiva, quoad æstimationē spectandum, & ut Anton. Fab. 16. *coniect. 11.* putat, spectari debere rem, quæ fuerit plurimi à die litis contestatæ ad diem usque, quo restituitur: Resp. Recte enim Borcholet de R. Cred. c. 7. n. 107. Jctum, ait, conferre inter se æstimationem, quæ fit ex L. Aquilia & æstimationē, quæ fit ex conditione furtiva: Ita ut ex L. Aquilia, æstimatio fiat retrorsum, quanti res in eo anno plurimi fuerit: At ex conditione furtiva non egrediatur æstimatio iudicii accipiendi tempus retrorsum, hoc est retrorsum res non æstimetur quanti in eo anno plurimi fuerit: Sed vel furti facti, vel litis contestatæ, vel rei iudicatæ, vel mortis tempore. Et sane quin etiam in conditione furtiva spectetur tempus morę antecedentis litem contestatam, ut si æstimatio tunc plurimi fuerit, illa præstetur, evincitur ex eo quod in d. l. 8. i. de *condict. furtiva*, adeo quæ in eo ipso loco, in quo ex professo de æstimatione faciendi in conditione furtiva tractate Jcto propositum fuit, indistincte responderetur, placere id tempus spectandū in æstimatione ineunda, quo res unquam fuerit plurimi, non ait Jctus, quod probè observandum, *quo res unquam à die litis contestatæ fuerit plurimi*; sed absolute *quo unquā fuerit plurimi*. Et verisimile nō est, si voluisset Ulpian. æstimationē præstari quares à tempore litis contestatæ fuerit plu-

rimi, cum id fuisse expressurū, maxime cum hanc quæstionē sibi proposuerit ibi decidendā, male certè eam decidit; si id quod in decisione præcipuum esse debebat, omisit. Adde quod etiam ratio, qua ibidem utitur Jctus, sit generalis, & ad tempus litis contestationem antecedens eque pertineat: ideo enim vult Ulpianus in conditione furtiva præstari æstimationem, qua res unquam fuerit plurimi, quia temper moram faciat fur. Atqui moram fur facit continuè etiam ante litem contestatam, statim à furti commissi tempore. Ergo etiam ab eo tempore debet æstimatio præstari, qua res unquam fuerit plurimi. Et licet Antonius Faber nolit eam rationem referri ad id quod præcesserat de præstanda æstimatione quanti plurimi res unquam fuerit (liquidem nihil commune habeat mora cum iure æstimationis ineundę nisi quatenus condemnatio fieri possit ex bona fide, ut in omnibus bonę fidei iudiciis) sed ad proximam illam clausulam *maxime cum de ieriores rem factam fur dando non liberetur*. Quia tamen *vers. maxime* continet verā & proximam rationē æstimationis quanti plurimi, ut per se satis perspicuū est, nec negare potest Faber; Illius autē rationis ratio reddatur in *vers. Semper n.* quod itidem luce meridiana clarius est: Sequitur *versic. Semper enim: moram referri oportere ad id,* quod

quod de quanti plurimi æstimatione præcellerat. Cum præsertim (ut habet axioma philosophicum) causa causæ sit causa causati. Relinquitur ergo ex d. l. 8. & l. penult. ff. rer. amot. in conditione furtiva præstari æstimationem rei quanti fuerit unquam plurimi, si non à tempore commissi furti, quod tamen modò probatum est, certe tamen à tempore accepti iudicii, id quod Faber contendit. Proinde utrunque tandem dicamus, sequetur in strictis iudiciis non præcise spectari tempus litis contestatæ, sed etiam præstari æstimationem, quanti res plurimi fuerit.

2. Insuper quod in strictis quoque iudiciis attendatur tempus quo res fuerit unquam plurimi, probatur per l. 37. ff. mandati, ubi Africanus ait: *In stipulatione* (quæ sine dubio stricti iuris est) *spectari tempus* quo agitur: nisi fortan aut per promissorem steterit, quominus sua die solveret. Ex quo sequitur, si per promissorem steterit, non præcise litis contestatæ tempus spectari. Et hanc suam sententiam confirmat Africanus optima & æquissima ratione, quod scilicet neutri debeat mora seu frustratio sua prodesse. At vero prodesset debitori mora, si cum tempore moræ, litis contestationem antecedentis, res pluris fuisset, non illius, sed litis contestatæ temporis, quo res minoris aut deterior est, præstari deberet.

Non equidem me latet vulgo

dissentientes hunc textum de æstimatione rei non purè, sed in diem debitæ, de quæ ea mora quæ lapsu diei contrahitur, interpretari suam. quæ hanc interpretationem fundare in istis verbis *quo minus sua die solveret*; quibus significari videtur in casu d. l. 37. moram debitori non nocere ob id, quod à creditore extra iudicialiter interpellatus non solverit; sed potius eam ob causam, quod sua die, in quam videlicet ex conventionem contrahentium solutio destinata erat, creditori satis non fecerit.

Cæterum quominus interpretatio hæc recipi possit, facit quod ratio quæ subiicitur, quod nempe nemini frustratio sua prodesse debeat, generalis sit & non solum ad moram lapsu diei contractæ; sed ad quamcunque moram, tam iudicalem quam extra iudicalem, & ad moram tam tacitam, quam expressam pertineat. l. 173. de R. iur. proinde verba illa *sua die* recte accipiuntur de quovis tempore, quo solutionem fieri convenit.

3. Insuper nostram sententiam confirmat textus in l. 3. ff. de condit. tritic. ubi Ulpianus *in utroque* (tam cōdemnationis quam mortis tempore) *si post moram deterior res facta sit: Marcellus scribit libro 20. habendam æstimationem quanto deterior res facta sit. Et ideo si quis post moram servum eluscatum dederit, nec liberari eum, quare ad tempus MORÆ in his reducenda erit æstimatione.*



*matio.* Ex quo iterum liquet in æstimatione rei incunda mora temporis spectandum.

Non impedit quod ait Lyclama Hanc l. 3. exaudiendam de re nostra nobis restituenda, in qua aliquid observetur, quam in re nobis debita æstimanda, ut illic quidem moræ extraiudicialis ratio habeatur; hic verò non item: Etsi enim ex causa furtiva & re mobili vi abrepta de re nostra agatur conditione triticiaria, regulariter tamen eâ actione de re, non nostra, sed nobis debita agitur l. 1. §. fin. ff. de condit. triticiaria. Ut taceam quod ista l. 3. generaliter sit de re, per conditionem triticiariam petita, concepta.

Nec etiam movet quod Antonius Faber respondet, eam loqui de re post factam condemnationem perempta, quoniam agit ex presse de re petita. At res post sententiam demum latam factamque condemnationem dicatur petita, antè verò non petita, sed peti dicatur: Etenim verbum hoc petita non solum ad factam & interrogatam, sed ad faciendam quoque & irrogandam condemnationem refertur, satis superque demonstrant l. 22. ff. de Reb. credit. l. fin. ff. de condit. tritic. ubi vinum dicitur tempore litis contestatæ petitum, ultro fatente Ant. Fabro, Lyclama & Schifordckero.

4. Insuper moræ, extraiudicialis etiam, rationem haberi probat

hæc quoque ratio ex principiis & fundamentis iuris deducta, quod nempe mora perpetuet obligationem & faciat etiam in strictis iudiciis ut qualis quæque obligatio aliquando fuerit, morâ à debitore contracta ut talis etiam deinceps futura sit, nempe ut si quando res debita post moram fuerit in optimo statu, talis etiam postea, quandoque agitur præstari debeat l. 23. ff. de V. obligat. Et si deteriori sit post moram facta, non efficiat mora ut talis restetur, qualis nunc est: si quidem quod mora perpetuat obligationem, id quia in favorem creditoris introductum est, non debet in odium eius detorqueri l. 23. ff. de Legibus. Atquid detorqueretur in odium creditoris, si rei, post moram deterioris aut vilioris factæ, æstimatio præstari deberet.

5. Cui accedit & hæc ratio, quod non solum in bonæ fidei, sed etiam in strictis iudiciis ex æquitate id omne actori præstandum sit, quod habiturus fuisset, si res eo tempore, quo petita fuit, restituta esset l. 2. l. 38. §. 7 ff. de V. sur. At verò actor, si ei res, nunc perempta, fuisset restituta illius etiam temporis, quo res plurimi fuit, æstimationem habiturus fuisset. Et licet forsan habiturus non fuisset tamen id saltem hodie dari debet, quod iam olim dari debuit l. 2. §. cum per venditionem. ff. de act. empte.

Excipit quidem Antonius Faber leges modò adductas non de

æstimatione, sed de fructibus loqui quorum ratio alia sit atque estimationis; Verum id parum proposito argumento obstat, quod in aliis forsitan diversa sit horum ratio, eadem tamen ratio, ob quam in strictis iudiciis Jctus vult post litem contestatam fructus præstari, non minus in æstimatione post moram aucta obrinet eamque præstari æque atque fructus suadet. Sicut enim, si res fuisset restituta, facta vel iudicialiter vel extrajudicialiter interpellatione, creditor omnem habiturus fuisset causam: ita etiam æstimatione post litem contestatam aucta, aut re meliore facta si res fuisset ad creditoris interpellationem, sine mora, restituta, habiturus fuisset creditor id, quo res post moram est melior facta, aut æstimatione aucta. Quod si igitur ob hanc causam accessiones naturales præstari debent, ita, ut si non præstentur creditor non dicatur rem accepisse, qualis fuerit cum peteretur *d. l. 2. de usur.* quid obstat, quominus eadem ratione idem de æstimatione post moram aucta dicatur? His non adversantur quæ dissentientes in contrarium adducere solent ad demonstrandum moræ extrajudicialis rationem non haberi in re debita perempta æstimatione, sed æstimationem præcise ad litem contestatæ tempus referri.

1. Quod enim primo aiat in nullo iuris nostri loco scriptum reperiri, iudicem in æstimanda re

debita ex iudicio stricto spectare oportere aliud tempus, quam litis contestatæ: Quare in nostra potestate non esse ad aliud tempus æstimationem referre, quam quod legibus sit definitum.

Resp. Hoc sanè facili negotio ex prædictis refellitur; siquidem & legibus & rationibus satis validis demonstratum opinor, non modò in bonæ fidei, sed in strictis etiam iudiciis, non tantum ad litis contestatæ tempus reduci, sed ad moræ quoque litis contestationem antecedentis, si tum res vel melior sit vel preciosior; Imo ad quodvis tempus quo à tempore moræ extrajudicialis res fuerit plurimi *l. 8. §. 1. ff. de Condict. furtiv. l. 29. ff. rer. amor. l. 3. ff. de condit. tritic.*

Quod porro obiciunt in iure nostro constanter æstimationem referri ad litis contestatæ tempus *l. 22. ff. de Reb. credit. l. fin. ff. de cond. tritic. l. 3. ff. commod. l. 37. §. 1. ff. mand. l. 1. ff. de iur. iur.* Id quoque ex prædictis evidenter confutatur, vide. *d. l. 8. ff. de condit. furtiv. d. l. 29. ff. rer. amor.* Nec contrarium probant adductæ leges: Ad has enim primo in genere respondetur; Æstimationem in strictis iudiciis ad tempus litis contestatæ referri, nisi ante mora per extrajudicialem interpellationem fuerit contracta: Sic enim hoc intelligendum ipse Africanus monet, in *l. 37. §. 1. ff. mand. l. 1. ff. de iur. iur.* Aliter, inquiens in stipulatione servatur: Nam tunc id tempus spectatur.

etatur quo agitur; nisi forte aut per promissorem steterit quo minus sua die solveret, aut per creditorem, quo minus acciperet, etenim neutri eorum frustratio sua prodesse debet. Quocirca licet in obiectis legibus absolute dicatur tempus litis contestata spectari; Id tamen restrictionem ex d.l. 37. §. 1. accipit; siquidem in toto iure hoc oblevatur ut ceteris generaliter & indistincte loquens, ex textu speciali & distinguente restringatur l. in toto de R. iur. Et licet non facile eveniat ut, mora non præcedente perveniatur ad iudicem, ut Papinianus scribit in l. 3. ff. de usur. quod tamen aliquando id accidat, innuit ipse Papin. ibidem. Et sanè cum hodie non amplius necessum sit, priusquam ad iudicem eatur, interpellari debitorem de solutione facienda §. appellantur. l. de Act. sine interpellatione autem mora non contrahatur l. 32. ff. de Vsuris. consequens utique est ad iudicem perveniri posse, nulla etiam mora præcedente. Quinimo etsi interpellatus fuerit debitor, antequam lis cum eo contestetur, aut interpelletur litis contestatione: Non tamen continuò in mora constituitur, sed si iustam habeat causam cur ad interpellationem statim non solvat excusatur à mora l. 27. l. 22. l. 23. & l. 24. de Vsur. l. 40. de petiti. heredit. Quare cum in legibus obiectis mora facta non proponatur, nec etiam facta præsumi

debet; Ita respondet Jacob. Cuiacius in l. 59. de V. obligat. & l. 37. mandat. tractat. & ad Africanum. Nec obstat quod res, si sine mora perierit, liberetur debitor ut in prima huius tractatus quæstione prolixè fuit dictum. Resp. Nam, ut & ibidem monuimus, verum id est si species fuerit debita, quæ periit; secus verò si non species; sed quantitas debeatur. Alii præterea respondent in obiectis legibus in quibus dicitur, litis contestatæ tempus spectari, non hoc significari quod ad litis contestatæ tempus æstimatio præcisè referri debeat. Sed tempus istud litis contestatæ esse terminum à quo temporis illius, ex quo res æstimari potest, iuxta l. 3. §. 3. ff. de act. empt.

Non obstat Tertiò nostræ lentitæ quod mora extraiudicialis non possit esse maioris potestatis, quam quæ per ipsam litis contestationem contrahitur: Immo moræ per iudicalem interpellationem litis contestatione contractæ, maior vis sit, quam moræ extraiudicialis: Atqui si nulla mora litem contestatam præcesserit, non possit contestatio facere, ut quanti plurimi res ab eo tempore fuerit, in diem usque condemnationis præstari debeat actori. Ergo multò minus extraiudicialis mora id efficere queat. Resp. Assumptio enim falsa est: Nam utriusq; moræ, tam iudicialis quam extraiudicialis



in facienda æstimatione non curati, ne mora ultima vi litis contestatæ contractu negligatur contra leg. *Illud ff. de peric. & comm. rei vendit.*

Resp. Hoc inquam non obstat, cum enim in cuiusvis potestate sit ius suum, quando velit, in iudicio persequi, nulla certe culpa ei imputari potest, qui statim non egit & ius suum persecutus non est; maxime si iustam habuerit causam persecutionem differendi, *l. 21. & l. 23. 24. ff. de usur.* Nec dici potest negligi moram litis contestatione contractam, si antecedens mora extraiudicialis in facienda æstimatione spectetur: quoniam ad litem contestatam æstimationem sic dicimus referendam, si tum aut pluris aut melior res fuerit. Quin & tempus moræ extraiudicialis attendendum statuimus non aliter, quàm si tunc res pluris fuerit.

Non resistit *Septimo*, quod obicit Lyclama non debere aëtori licere quod reo non permittitur: At si vilius fuerit precium, tempore moræ, & carius tempore litis contestatæ, Reo non liceat huius solutionem recusare, illius facere; alioquin mora sua ipsi non noceret *l. 173. §. 2. de R. iur.* Ergo nec in potestate creditoris esse debeat exigere solutionem tempore moræ, si tum charius fuerit precium rei & vilius litis contestatæ tempore,

Resp. Argumentum enim hoc procedit à separatis & diversis: Si enim reo permetteretur æstimationem, quæ pluris est tempore litis contestatæ, quàm tempore moræ, exigere, tum mora ipsi prodesset contra *l. 115. ff. de R. iur.* in qua dicitur factum cuique suum & non adversario nocere debere. At si contrà morà, per debitorem commissà, in potestate creditoris non esset æstimationem, quæ tempore moræ pluris est, quàm tempore litis contestatæ, exigere, tum mora debitoris noceret creditori contra *l. 155. & leg. 173. paragraph. de R. iur.*

Insuper & *Ottavo* sententiam nostram non infringit, quod cum moræ extraiudicialis in contractibus non hic sit effectus ut postquam commissà fuerit, fructus causa & accessiones necessariò præstari debeant *l. 38. §. 7. ff. de usur. l. 31. ff. de Reb. credit.* multò igitur minus incrementum æstimationis, quod pro quasi accessione haberi debeat *§. 34. l. de R. Divis.* exigi possit.

Resp. Nam, ut sæpe in præcedentibus responsum fuit, incrementum istud æstimationis non habetur loco & iure accessionis, sed iure rei ipsius principaliter debita: Id quod vel hinc manifestum evadit, quod si res ipsa, quoad extrinsecam bonitatem aucta exterac præstari possit, talis etiam post



moram extraiudicalem, imo etiam nullâ penitus morâ interveniente, ante litem contestatam, in stricti iuris iudiciis præstari debeat. At verò si augmentum & incrementum æstimationis accessionis vice esset, non posset, re ipsa adhuc extante, præstari, nec cogeretur debitor rem, æstimatione nunc auctam, ex mora extraiudiciali ante litem contestatam præstare; Multò minus nullâ morâ contractâ, cum notissimi sit iuris, ut & ipse quoque Lyclama ingenuè fateatur, in strictis iudiciis accessiones ex mora saltem iudiciali, quæ litis contestatione contrahitur, præstandas esse.

Non obstat *Nonò*, quod ex eo tempore quidque æstimandum sit, quo novissime solvi debet *l. 11. de Re judic.* Atqui tale tempus, quo novissime solvi debeat res, ex stricti iuris contractu debita, sit tempus litis contestatæ *l. 31. ff. de Reb. credit.* Quocirca æstimatio rei peremptæ ad istud præcise tempus litis contestandæ referri debeat. Resp. propositio enim maior, in qua dicitur, ex eo tempore unumquodque æstimandum, quo novissime solvi potuerit, sic accipienda, si & tunc plurimi fuerit *l. 37. §. 1. ff. mandati.* Alioquin, si alio tempore, vel antecedente, vel subsequente res pluris fuerit, tum non ad illud, quo novissime dari debuit, sed quo pluris res est, referri debet *l. 8. ff. de condit. furtivæ.*

Non obstat *Decimò l. 3. §. 3. ff. de act. empt.* ubi dicitur venditorem, qui in mora fuit tradendæ mercis debita, condemnari debere, utro tempore res pluris fuerit, temporis traditioni dicti, seu diei adiectæ in verb. *vel quo venit*, aut litis contestatæ, quomodo accipienda verba illa *vel quo lis in condemnationem deducitur*, ut ita moræ, cuius tamen ibidem expressa sit mentio, perinde, ac si nulla intervenisset, nullæ tribuantur partes,

Resp. Etenim supra monui verba ista *quo venit* non idem significare quod *de quo convenit*, sed idē denotare quod *quo vinum venditum est*; Ideoque verbis hæc tempus contractus, non vero tempus diei adiectæ designari. At verò cum hic tempus contractus inspicitur, perinde habetur, ac si tempus moræ inspicendum diceretur; quandoquidem hoc loco tempus contractus cum tempore moræ idem sit, quia in emptione statim, ubi venditor pecuniam accepit, in mora re ipsa constituitur. *l. Julia. §. ex vendito ff. de act. empt. l. Curabit. C. eod.* Ut ita Pomponius in *d. l. 3. §. 3.* velit tempus moræ durantis usque ad tempus condemnationis irrogandæ spectari, si tunc res sit pluris, aut tempus, quo res in condemnationem deducitur, si tunc pluris sit. Deinde etiam sic commode respondebitur, verba hæc *quo vinum venit* sic accipienda

da quo vinum ex venditione tradi debuit, quia hic Jctus comparat tempus quo vinum venit cum loco quo vinum venit: At locum hunc postea interpretatur de loco in quo vinum tradi debuit vers. *item non oportet*, sicut & aliàs locus, in quo contractum est, intelligitur in usu iuris locus ubi pecunia solvi debuit l. 3. ff. de Reb. aut. iud. possid. Quare & tempus illud quo vinum venit eodem modo de tempore quo vinum tradi debuit accipiendum; idque ex natura oppositum: At tempus quo res tradi debuit est tempus moræ: Quocirca ex obiecta l. 3. §. 3. colligitur haut obfcure nostra sententia, quod scilicet æstimatio ad tempus moræ referri debeat, sed illud quo res unquam fuerit plurimi.

Non obstat Undecimo l. Hominem 37. ff. mandati in qua Africanus ita scribit: *Hominem certum pro te dare fideiussi & solvi cum mandati agatur, æstimatio eius ad id potius tempus quo solutus sit, non quo agatur, referri debet: Et ideo si mortuus fuerit, nihilominus utilis ea actio est: Aliiter in stipulatione servatur: Nam tunc id tempus spectatur, quo agitur, &c.* Ex quo inferunt dissentientes distinguendum esse inter bonæ fidei & stricti iuris iudicia; sic ut in illis tempus contractus; in his vero tempus litis contestatæ spectetur.

Responsio: Sed hoc, ut dixi,

assertioni nostræ nil quicquam obstat: In priori enim casu, hominē à fideiussore soluto, in obligatione principaliter non erat homo, sed æstimatio hominis, quia fideiussor solvendo hominem creditori hoc animo fuit, ne unquam repeteret, *paragraph. Is quoque l. quibus mod. re contrahent. obligat. l. qui sic solvit ff. de solut.* multo igitur minus ut eum hominem à debitore repeteret, ut cui non solverit hominem cuique etiam impossibile foret fideiussori illum restituere; quare fideiussori nil aliud quicquam deberi potest, quàm hominis æstimatio: Unde recte Africanus infert, etiam si homo solutus esset mortuus, non tamen liberatum fore debitorem, qui certe liberaretur si in obligatione homo ipse, & non æstimatio eius, ab initio fuisset: Hæc autem æstimatio ad aliud tempus, quàm quo fuit homo à fideiussore solutus, referri non potest: Tum quia in contrariam mandati actionem id venit, quod mandatarius, mandati implendi causa impendit, *leg. decima quinta; leg. decima sexta; leg. vigesima septima, paragraph. impendia ff. mandati.* Fideiussor autem solvens hominem intelligitur impendisse æstimationem, quæ tum fuit hominis soluti. Tum etiam quia hîc non proponitur mora à debitore facta fideiussori:

Nulla

Nulla igitur ratio est, cur aucta æstimatio præstari debeat. Quod vero in sequentibus restrictis iudiciis subiicitur; id statim sic temperat J Crus, ut litis contestatæ tempus spectetur, nisi mora præcesserit.

Non obstat *Duo decimo* l. 3. §. In hac ff. commodati. In qua Ulpianus ita scribit: *In hac actione, sicut in ceteris bonæ fidei iudiciis similiter in litem iurabitur & rei iudicanda tempus quanti res sit observatur, quamvis in stricti litis contestata tempus spectatur.* Hinc iterum colligunt Interpretes iuris circa propositam questionem de rei debitæ casu peremptæ æstimatione ineunda distinguendum esse inter bonæ fidei & stricti iuris iudicia sic ut in illis æstimatio ad rei iudicandæ tempus; in his vero ad litis contestatæ referatur.

Resp: Observandum quippe est in d. §. in hac non tractari de æstimatione officio iudicis facienda, sed de ea æstimatione, quæ fit ab actore per iusiurandum in litem: Tum quia de æstimatione illa, quæ fit à iudice, iam tum in præcedenti §. 1. Ulpianus disseruerat. Tum etiam quia in h. §. 2. iuxta vulgaria exemplaria pro *& observatur* legitur *ut observetur* quam etiam lectionem confirmat ratio rectè loquendi, quæ non patitur orationem perturbari numeris & temporibus, id quod fieret retentâ lectione Florentina *Iurabitur & observatur.* Quare autem rei iudi-

candæ tempus, cum res iureiurando actoris æstimatur, spectari debeat, ratio hæc est quod actor in litem iurans iuret ex affectu, non qui prius fuit, sed qui nunc est, cum iurat l. 1. l. tutor ff. de in lit. iurand. Accedit quod hic non tam res ipsa æstimetur, quam contumacia non restituentis coerceatur d. l. 1. & d. l. Tutor. Ideo meritò eius temporis, contumacia ex eo tempore æstimanda sit. Ita respondet Donellus. Nec huic resistit quod in textu d. §. 2. agatur de æstimatione *quanti res sit.* Iureiurando a. in litem non æstimetur res quanti sit l. 1. & 2. ff. de in lit. iur. Resp. Nam hæc verba *quanti res est.* sic accipi debent, *quanti res est iureiurando in litem actoris æstimata*, ut in l. 18. pr. & §. 7. de dolo malo.

Deinde & sic responderi potest: quando in hac l. 3. dicitur *tempus rei iudicanda spectari*, illud cum temperamento l. 3. de condict. tritic. accipiendum: *Nisi scilicet post moram deterior res fuerit.* De strictis vero iudiciis quod sequitur, non referendum est ad æstimationem quæ fit per iusiurandam in litem, quia in istis iudiciis regulariter in litem non iuratur, nisi cum res amplius non extat l. 5. de in lit. iur. & nos infra dicemus, sed de æstimatione officio iudicis facienda, quam tamen sic Ulpianus ad tempus litis contestatæ vult referri, si mora prius non fuerit facta, secundum l. 37. §. 1. ff. mandat.

Non

Non refragatur *l. 3. ff. de condit. irritatoria*: In qua æstimatio ad tria hæc tempora, condemnationis mortis & moræ, referenda dicitur. Ex quo sequitur, æstimationem rei peremptæ non ex eo tempore faciendam quo unquam fuerit res à tempore moræ plurimi.

Resp. Nam illic tempus condemnationis & mortis spectantur, quia licet res post moram debitoris interierit, non tamen vilior fuerit aut deterior, sed eadem eiusdem precii & bonitatis tempore condemnationis & mortis, cuius tempore moræ antecedentis: At hoc casu tempus potius condemnationis, quam mortis spectari debet, quia novissima hæc sunt tempora quibus solvi potest *l. 11. ff. de re iudic.* & cum illis temporibus quibus dari debuit res non sit preciosior nec deterior, nihil attinet ad præcedens atque remotius moræ, aut litis contestatæ tempus æstimationem referri. Tempus a moræ spectari vult Ictus cum res deterior, fuerit tempore condemnationis aut mortis, sic tamen ut non ad illud præcise momentum & punctum moræ contractæ, & interpolationis factæ; sed ad totum tempus moræ durantis æstimatio referatur, *arg. d. l. 8. ff. de condit. furtiva*. Alioquin mora & frustratio debitoris ipsi prodesset & creditori noceret.

His proinde ita remotis relinquatur veram esse Superiorem æ-

stimationem nostram, quod res, pure debita, casu post moram perempta ex eo tempore æstimetur, quo res à mora tam iudiciali, quam extra-iudiciali unquam fuerit plurimi; idque indistincte, sive res debita fuerit ex stricti iuris contractu, sive ex contractu bonæ fidei.

Atque hoc, quod huc usque dictum est, non solum procedit cum res post moram deteriore est facta; sed & cum vilior est reddita: Etsi enim non diffitear diversam esse rem violiorem & deteriorem factam, quoad hoc tamen convenire videntur, quod sicut re deteriore post moram facta æstimatio illius temporis præstatur, quo unquam fuit plurimi; ita quoque re viliori facta præstetur eius temporis æstimatio, quo res unquam, à tempore moræ, plurimi fuerit.

Confirmatur autem hæc assertio per *l. in re. 8. §. 1. ff. de condit. furt. verb. quanti plurimi res unquam fuerit*. quæ arguunt valoris quoque & bonitatis extrinsecæ in re deteriorata æstimanda rationem haberi.

2. Accedit huic etiam *l. 29. ff. rerum amot.* in qua ita Triphoninus: *Rerum amotarum æstimatio ad tempus, quo amota sunt, referri debet: Nam veritate furtum sit, et si lenius coercetur mulier.*

*Quare nec à bona fidei possessore ita res amota usucapiuntur; sed si pluris facta non restituntur, qua amota sunt, crescit æstimatio ut in conditione*



*Etione rei furtiva*: Ex quo sic infero, si res post moram pluris facta æstimatur quanto pluris facta est, multo magis si res vilior sit facta æstimabitur ex eo tempore, quo pluris fuit; Et sane bonitatis quoque extrinsecæ; siue valoris post moram aucti vel imminuti rationem haberi in re perempta æstimanda, aded evidenter probat *d. l. 29.* ut mirum sit Interpretes hoc ipsum in dubium revocare posse.

3. Insuper quod valoris aucti vel imminuti post moram ratio habeatur perspicua quoque ratione probatur, quod nempe frustratori & moratori sua mora obesse debeat & non alii *l. 155. & l. 173. de R. Iur. l. 37. §. 1. ff. mandati*: Jam vero si re post moram viliori facta, non consequeretur creditor id quanto viliori aut quanto præciosior est facta, damnum utique sentiret; si quidem præcii incrementum habiturus fuisset, si ei suo tempore absque mora res fuisset restituta, & licet id fortassis habiturus non fuisset tamen id saltem hodie dari oportet, quod iam olim dari debuit. *l. 21. §. cum per venditorem ff. de act. empt.*

Sed hic dubium incidit haut leve quid dicendum, si res post condemnationem & sententiam iam latam interierit, utrumne æstimatione præcisè ad tempus condemnationis & rei iudicandæ, an vero ad tempus moræ post condemnatio-

nem commissæ, referri debeat?

Andreas Khol *Exercit. legali* 17. *num. 11. 12 & 13.* recte statuit, si post condemnationem factam latamque sententiam mora supervenerit æstimationem rei post condemnationem peremptæ ad illud tempus reduci, quo res unquam fuerit plurimi. Quæ etiam sententia proculdubio verissima est; & confirmatur primo hac ratione quod mora, siue ante condemnationem, siue postea fuerit contracta, nunquam debeat obesse alteri, sed soli frustratori nocere *l. 37. §. 1. ff. mandati*. Atqui mora post condemnationem commissæ obesset utique creditori, quia nisi rem post condemnationem peremptam debitori præstare distulisset, sed tempore condemnationis præstitisset, habiturus utique fuisset creditor rei æstimationem, & quidem eam, qua res post moram ad tempus mortis usque fuit plurimi.

Accedit præterea quod in *l. 2. §. 1. ff. de condic. furt.* & consimilibus aliis expresse dicatur moræ tempus spectandum; idque simpliciter & indistincte; Nec enim distinguitur quando mora sit commissæ, utrum ante, an vero post condemnationem: Idem colligere promptum est ex *l. 3. ff. de condic. iuris.*

Quibus adde & hanc rationem, quod non debeat meliorem esse conditio morosi debitoris post condemnationem quam si non esset condemnatus *l. 17. de R. Iudic.*

QVÆ

## QVÆSTIO IX.

*Si dies, quo debitum exsolvi debeat, obligationi adiecta sit, an æstimatio rei ad diem debita, præcise referri debeat ad diem expresse contractui adiectam?*

**H**Actenus de rei ex contractu purè debita æstimatione inunda plus satis dictum sequitur dicendum de rei ad diem debita æstimatione, ad quodnam tempus ea reduci debeat?

Circa quam quæstionem communis videtur Interpretum opinio, quod tempus diei in contractu expressæ spectandum sit, sic ut ad eum præcise æstimatio referatur, etiam si post morâ, lapsu diei contractam, res nunc perempta, pluris fuerit: Ita Anton. Faber. 16. coniect. 6. & in Error prag. decad. 16. Err. 4. Johann. Borcholt in tr. de Reb. credit. c. 7. n. 98. & seq. Schifordeck. in tract. 22. q. 5. cum seq. l. i. Hotom. Ill. quæst. 16. Cuiac. ad l. 59. de Verb. obligat. Duar. in l. 12. in fin. ff. de re iudic.

1. Confirmant hanc suam sententiam l. 22. ff. de Reb. cred. in verb. si dictū fuisset quo tempore redderetur, quanti tunc fuisset. Item l. fin. ff. de condict. tris. in qua Gaius Tantū litem æstimandam Cassius ait, quanti fuisset eo die quo dari debuit. Et in l. 59. ff. de Verb. obligat. Julianus scribit Quotiens in diem, vel sub conditione oleum quis stipulatur, eius æstimationem eo tempore spectari

oportet, quo dies obligationis venit. In l. Qui autem 12. ff. siquis cantio- nibus Ulpianus. Illud, ait, tenendum est quod æstimationem eius quod interest agentis, ad illud tempus referendum est, quo sisti debuit, non ad id, quo agitur, quamvis desierit eius interesse. In l. 11. ff. de Re iudic. Celsus Si Kalendis fieri aliquid stipulatus sim nempe quandocunque post Kalendas accepto iudicio tanti æstimanda līs est quanti interfuit mea Kalendis id fieri: Ex eo enim tempore quidque æstimatur, quod novissime solvi potest. Hinc ita infertur: Ex eo tempore unumquodque æstimandum, quo novissime solvi potest; Atqui cum dies obligationi addicitur, tum tempus quo novissime solvi potuit, est dies adiectus, siquidem novissima eius diei horâ definit ex conventionē solvi posse, quod eâ die dari debu- it. Ergo cum dies solutionis in contractu exprimitur præcise debet in æstimatione inunda, illius diei hora spectari.

Quapropter cum a deo constanter in legibus dicatur, æstimationem rei ad diem debita ex ea die faciendam esse, quis dubitaret quin hoc solum & unicum sit tempus faciendæ æstimationis?

2. Accedit his textibus & ratio juris evidens, hæc scilicet, quod cum dies solutionis initio dictus sit intelligatur cōventionē ipsorū cōtrahentū determinata ac definita æstima-

æstimatio, quæ præstari debeat vice rei, nempe æstimatio diei adiectæ, & vi ipsa hoc obligationi diei inesse censetur, ut æstimatio eius diei præstetur, licet hoc non expresse convenerit: At hæc pactio quantumvis tacita servari debet,

3. Dies magis adiicitur pro reo, quam pro stipulatore *l. 41. de V. obl. l. 17. de R. iur.* Ergo in odium eius detorqueri non debet *l. 25. ff. de leg.* quod fieret, si ob adiectionem diei condemnandus esset quanti fuisset ab illo die plurimi, non autem si quanti fuisset die constituto.

Verum enimvero, utut sententia hæc communiori interpretum calculo recepta sit ac probata, contrariam tamen longè veriolem esse iudico, quæ etiam placet Donello ad *l. Vinum 22. num. 29. ff. de Reb. credit.* Hub. Giphano in *l. 59. ibidemque Donell. de V. oblig.* Andr. Khol. in *exercit. legati 12. num. 32.* Et his sequentibus argumentis confirmatur.

1. In *l. l.ore furtiv. §. 1. ff. de condit. furtiva* & *l. 3. ff. de condit. tritic. l. 37. §. 1. ff. mandati* dicitur propter moram admissam æstimationem præstari quanti res plurimi fuerit à tempore moræ: Atqui die adiecta mora contrahitur. Ergo etiam à tempore moræ æstimatio eius temporis præstatur, quo res fuerit plurimi.

Nec obstat quod dissentientes regerunt, etiam si aliàs, cum de æsti-

matione rei præstanda quæritur, moræ ratio habeatur, tamen cum dies solutionis expressus est, an mora facta sit, non attenditur; siquidem ius hoc ut adiecta die inspicere debeat quanti tunc res sit, non ex odio moræ debitoris, sed ex vi & potestate obligationis descendit; idque propterea quia Juri hoc casu incundæ æstimationis rationem semper referant ad illam ipsam diem, in qua solutio fieri debuit, qua tamen die solutio nulla facta erat; cum non nisi post ultimum diei instans quicquam à debitore peti possit: Atqui nulla mora est, ubi nulla petitio est *l. 127. ff. de V. obligat.* Ac proinde hic non tam moræ quam conventionis ius spectandum.

Hoc inquam fundamentum nostrum non evertit: Nec enim concedimus quod dissentientes pro concessio assumunt, die solutionis in contractu expresso, conventionione & consensu mutuo contrahentium æstimationem, quæ præstari debeat, solutione ad diem constitutum non facta, definitam esse: Contrarium enim mox, ubi ad fundamenta dissentientium responderimus, liquidò demonstrabimus.

2. Accedit huic & ista ratio quod mora debitoris non debeat nocere creditori *l. 155. de R. iur.* At si morâ lapsu diei contractæ æstimatio diei duntaxat adiecta præstanda esset, quantumvis re postea aucta,

mora

mora certe debitoris noceret creditori, ut cui incrementum & augmentum istud, quod habiturus fuisset, nullâ frustratione factâ, interverretur. Et licet hic quoque dissentientes respondeant, tacitam conventionem, quæ æstimatio fuerit definita & determinata, die adiectâ, efficere, ut moræ nulla habeatur ratio; Tamen & hoc falsâ niti hypothesi, ex iis, quæ paulò post dicentur patebit.

3. Insuper si morâ, per interpellationem hominis commissâ, præstari æstimatio debet, quæ fuit plurimi post moram, sequitur ideam quoque in ea morâ, quæ per lapsum diei contrahitur, quæque pro interpellatione habetur, *l. 59. de V. obligat.* obtineat. Atqui verum est prius, ut ex præcedenti quæstione relucet: Verum igitur est & posterius.

Non ignoro & hic Antonium Fabrum excipere; Quod die solutionis expressâ, æstimatio illius diei præcisè præstari debeat, id ex voluntate & conventionem contrahentium descendere, qui diei adiectione hoc agant, non solum ut si ad diem non solvatur, mora ipso jure contracta intelligatur; sed etiam ut si contracta fuerit, tanti res æstimetur, quanti tunc & illâ ipsâ die reperiatur; perinde ac si designata & expressim demonstrata fuisset æstimatio præsentis temporis per hæc verba, quanti nunc res est, quo sane casu nemo dubitaret,

eam æstimationem deberi, quæ contractus tempore fuisset. Verum quàm lubrico fundamento responsio hæc nitatur ex infra dicendis ut dixi manifestum evadet.

*Solutio contrariorum.*

Quod ad contraria fundamenta, paulò supra recensita attinet, puto ea non tanti esse momenti ut sententiam nostram & verissimam & æquissimam convellere ac evertere queat: Etsi enim pluribus in locis iuris nostri hoc casu, quo dies solutionis contractui expressim adiecta est. dicitur æstimatio referri ad tempus diei adiectæ: Illi tamen, quotquot etiam illorum sunt cum hoc moderamine accipiendi sunt, Nisi lapsu diei mora fuerit contracta & precium rei post moram creverit, vel res preciosior effecta fuerit: Tunc enim non eius diei, sed temporis illius, quo res unquam fuerit plurimi, æstimatio præstanda erit. Quæ limitatio summâ nititur æquitate & rationibus gravissimis, ut ex prædictis perspicuè relucet. Nec magnoperè urget argumentum ex *d. l. 11. ff. de re iudicata.* productum, respondendum puto; Ex eo tempore, quo novissimè solvi potuit, rem unamquamque æstimari: Nisi eo tempore, solutione non facta, mora fuerit contracta & res postea fuerit pluris: Tunc enim æquitas, ut dixi, manifesta dicitur, ad tempus insequens moræ potius, quàm ad tempus diei adiectæ, æstimationem referendam esse.



Sic etiam non admodum ad-  
versatur *l. 59. de V. obligat.* Nam il-  
lius legis hic est sensus, quod, cum  
in diem vel sub conditione res de-  
betur, spectari debeat æstimatio e-  
ius temporis, quo peti potest, sic,  
ut si in diem sit promissa, non spe-  
ctetur æstimatio ante diem, sed et-  
iam post diem, si sub conditione,  
ut non ante, sed post eventum con-  
ditionis; si certo loco, ut non ante  
sed postquam potuit eo perveniri,  
spectetur æstimatio, hoc est, specte-  
tur eo tempore, quo peti potest &  
non ante, quia cum æstimatio sit  
rei debitæ ac petitiæ æstimatio, non  
prius debeat, quàm ipsa res peti  
possit, ut bene observat Giphanius:  
Non autem hoc vult prædicta *l. 59.*  
quod ad tempus diei vel conditio-  
nis existentis præcise sit reducenda  
æstimatio, sed, ut dixi, quod non  
prius præstari debeat æstimatio,  
quàm dies venerit & conditio exti-  
terit: Confirmat hoc ratio *d. l. 59.*  
quæ certè eò non spectat ut ad tem-  
pus illud referatur æstimatio; sed  
ad hoc solum, ut non prius quam  
dies venerit æstimatio præstari de-  
beat, Idem ex *l. 60. seq.* colligitur.

Sic etiam secundum argumen-  
tum non obstat: Nullo siquidem  
textu juris, nulla ratione ostenditur  
adiæctione diei id tacite inter con-  
trahentes actum ut illius præcise  
diei æstimatio præstetur; Cum  
ad hoc potius dies obligationi  
adiici soleat ut reus totum inter-  
medium tempus liberum habeat

ad solvendum, nec prius inquietari  
possit *l. 41. §. 1. de V. O.*

Ad Tertiū Respondeo: Et si  
dies pro debitore & non pro credi-  
tore censeatur adiecta id tamen ha-  
ctenus saltem verum est, quatenus  
dies nondum venit: postquam e-  
nim dies venit, pro creditore est nec  
amplius favorem & commodum  
debitoris respicit; quia in mora  
constituit debitorem eumque de  
solutione interpellat *l. Magnam*  
*12. C. de contrah. stipulat. l. 114. de*  
*V. obligat. l. 2. C. de iure Emphyt.*

### QVÆSTIO X.

*Si dies tacite inest contractui, an æsti-  
matio ad eum præcise referenda,  
an vero ad illud tempus reducenda  
sit, quo res postea fuerit plu-  
rimi?*

DE die expresse adiecta hæc-  
tenus; si dies tacite contractu  
& obligatione contineatur, quæri-  
tur quid dicendum sit? Tacite dies  
contractu contineri dicitur, cum  
locus solutionis faciendæ contra-  
ctui adiectus est: Id quod Paulus  
in *l. 73. pr. ff. de V. obligat.* confirmat:  
Interdum inquires pura stipulatio  
(puram intellige verborum dunta-  
taxat conceptione) ex re ipsa dilatio-  
nem capit, veluti si id, quod in ute-  
ro sit, aut fructus futuros, aut do-  
mum ædificari stipulatus sit: Tunc  
enim incipit actio, cum per rerum  
naturam præstari potest. Sic qui  
Garthagini dari stipulatur, cum  
Romæ sit, facile tempus complecti  
vide-

videtur quo pervenire Carthaginem potest. Et Venuleius, Cum ita stipulatus sum Ephesi dari : inest tempus. *l. 137. §. 2. ff. de Verb. obligat.* Quod si itaque res vel certo loco dari promissa sit, aut talis res quæ confestim præstari non possit, placeat juris nostri Autoribus æstimationem & hic referendam ad tempus tacitæ illius diei, ita ut aliorum temporum quibus res fortassis pluris fuerit, etsi lapsu illius diei mora contracta fuerit, ratio nulla habeatur. Ita Anton. Faber *16. coniect. 8.* & Caspar Schifordeck. in *tractat. 23. q. 1. & sequent. lib. 1.* Rationes quibus moventur, hæc sunt.

1. In *l. iniquiunt. 59. ff. de Verb. obligat.* cum Julianus scripserit, quoties in diem oleum quis stipulatur eius æstimationem eo tempore spectari oportere quo dies obligationis venit : Tunc enim peti posse, alioquin rei captionem fore, statim ex Ulpiano subiungitur in *l. 60.* Idem esse etsi Caput certum olei pondus dari quis stipulatus sit. Quare etsi dies tacita & incerta stipulationi & contractui insit; ad eam tamen præcise æstimationem habendam hinc colligendum videtur.


2. Accedit quod generaliter & indistincte Ceteri respondeant si dies solutioni dictus sit, eius diei æstimationem præstandam : Ita enim Gaius : Si res quæ certo dari debuit petita sit, tanti licet æstimandam esse quanti fuisset eo die quo dari

debuit. *l. fin. ff. de condict. tritic. item. que Ulpianus in l. Vinum 22. de Reb. credit. si dictum esset quo tempore redderetur, quanti tunc fuisset : Atqui certus dies non solum ille est qui ipsi contractus verbis expressus & demonstratus est, sed is etiam qui nullo modo expressus vi ipsa solum contractui inest, ut proinde nihil causæ sit, cur æstimatione quæ eo tempore fuerit perinde spectari non debeat, ac si dies expressus non fuisset.*

3. Præterea cum ius illud æstimandæ rei debitæ ex eo tempore quo rem dari convenit, non aliam rationem habeat quam quod ea voluntas fuisse videatur, nihil interesse potest, an certa dies expressa sit, an tacite ex contrahentium voluntate subintellecta ; Cum non minor vis sit tacitæ quam expressæ conventionis.

Verum contraria sententia verior est & iisdem argumentis confirmatur, quibus in prox. præced. quæstione probatum fuit æstimationem rei in diem debitæ non præcise ad tempus diei expressæ referri, sed ad tempus moræ vel quodlibet aliud quo res à tempore moræ plurimi fuerit.

Nec contrarium evincunt argumenta modò adducta : Quinam enim sensus sit *l. 59. & seq. 60. de V. obligat.* proxime dictum fuit : Sic & illis textibus quibus ad diem constitutum æstimatio referri dicitur, satisfactum est.



## SECTIO SECUNDA,

In qua de rei æstimatione per iusjurandum  
in litem facienda.

## QVÆSTIO I.

*Quidnam sit iusjurandum in litem?*



**L**ITIS verbum in iure æquivocum est ac multifariam accipitur; Nam primo controversiã significat quæ in iudicio movetur *l. 4. ff. de indic. l. 65. §. 1. ff. de condi. et indeb.* 2. Sumitur pro actione quæ in iudicio exercetur *l. 36. ff. de Verb. signif. l. 15. §. si propter ff. ad Sc. Turpill. l. Vnic. C. de lit. contest.* Denique pro re de qua controversia est quæque in iudicium est *l. fin. de cond. tritic. l. 21. ff. de Eui. et.* Atque in hac postrema significatione hoc in loco accipitur, ut diserte probat *l. 8. ff. de in lit. iur.* ibi sic Marcellus, Respondi, inquit, non est æquum precio, id est quanti res est litem æstimari, cum & contumacia punienda sit & arbitrium potius domini rei precium statuendum sit. Ecce hic Marcello litem æstimari est rem æstimari: Et quod prius dixerat litem, mox, paucis interiectis verbis rem appellat: Vide & Donell. in rubr. tit. ff. de in lit. iur. & 26. comm. 6.

Hinc igitur iusjurandum in litem recte definiemus illud per quod res, de qua lis est in iudicio, ab

actore, deferente id prius iudice, æstimatur. Et quanquam Antonius Faber *16. consuet. 6.* contra Bartolum neget per iusjurandum in litem rem litigiosam æstimari, propterea quod per hoc iusjurandum dicitur contumacia non restituentis æstimari *l. 1. ff. de in lit. iur.* Item contumacia puniri & coerceri, *l. 8. eod. tit.* Refellitur tamen hæc opinio admodum perspicue à Paulo in *l. 46. ff. de R. vindic.* ubi in hæc verba scribit: *Eius rei quæ per in rem actionem petita, æstimata est quanti in litem actor iuraverit.* Quibus verbis idem plane quod nostra definitione exprimitur, dum primo significant iureiurando in litem rem æstimari, deinde eam rem quæ fuerit petita adeoque in iudicium & litem deducta; Et denique æstimari rem iudicio ab actore petitam. Idemque Pomponius haut obscure significat in *l. 8. ff. Rer. amot.* ubi ex sententia Sabini scribit: *Si mulier res, quas amoverit non reddat, æstimari, quanti in litem iurasset.* In qua oratione verbum æstimari ad res referri satis superque ex ipsorum verborum contextu relucet;



ter; Idque ipsum quoque evidenter & perspicue declarat *l. subsequens* 9. ubi Paulus æstimationis per iusiurandam in litem faciendę, de qua in *d. l. 8.* Pompinus differuerat, rationem reddens, ita scribit. *Non enim æquum est invitum suo precio res suas vendere.* Quæ ratio cum de reb. loquatur, consequens sane est, ut etiam æstimatio, cuius illa est ratio, non alius sit quam rei. Accedit denique hūc etiam, Marcelli testimonium in *l. 8. ff. de in lit. iur.* quo in loco aperte scribit; per iusiurandum in litem arbitrio domini *REI* precium statui.

Quapropter ex mente & sententia prudentum omnino statuumendum videtur, per iusiurandum æstimari rem ipsam in iudicium deductam, eiusque precium ab actore statui.

Nec obstat quod in *d. l. 1. ff. de in lit. iur.* dicitur iureiurando in litem contumaciam non-restituentis æstimari; Itemque contumaciam puniri & coerceri *l. 8. eod.* Non enim Ulpianus in *d. l. 1. contumaciam* æstimari ait; sed *rem ex contumacia* æstimari dicit: ita enim illic: *Rem in iudicio deductam non idcirco plurius esse opinamur quia crescere condemnatio potest ex contumacia non restituentis per iusiurandum in litem: Non enim res plurius sit per hoc, sed ex contumacia æstimatur ultra rei precum.* Ex contumacia a. dicitur res æstimari, quando res petita propter contumaciam non-

restituentis æstimatur ultra verum eius precium *d. l. 1. in fine.* Illudque precium ex arbitrio & affectione domini statuitur: Sicigitur & contumacia puniri dicitur in *d. l. 8.* Non cum ipsa æstimatur contumacia sed cum res ex contumacia eo, quo diximus modo, æstimatur.

Fateor equidem frequenter in iure invicem sibi oponi æstimationem quanti res est, & æstimationem quanti in litem iuratum est *d. l. 8. & l. 64. ff. de iudic.* Verum utraque æstimatio est rei petite æstimatio: Illa verum continet rei precium, seu precium quanti res vera est. Hæc a. precium non verum, sed illud quod pro affectione & arbitrio suo dominus, idemque actor statuit. Quamvis autem res ipsa solum, quæ per iudicem petita atque in iudicium deducta est, per iusiurandum in litem æstimetur, ut constanter in legibus nostris asseritur: Dubitandum tamen non est, quin & reliquorum quæ occasione contumaciæ possessoris absunt actori, unā cum æstimatione ista rei conlequatur.

### QVÆSTIO II.

*Quotuplex sit iusiurandum in litem*  
**I**usiurandum in litem duplex felle, affectionis unum, alterum Veritatis communis est interpretum, pragmaticorum præsertim, opinio. Cum enim per iusiurandum in litem res quandoque æstimetur ex veritate & quanti revera est. *l. 2. §. 1. iun. et. l. 5. in fin. & l. 3. ff. de in lit.*



*in lit.* aliquando autem æstimetur, non quanti revera est; sed quanti valet ex singulari affectione domini, quam is in rem suam habeat, etiam ultra verum sui precium *l. 1. §. 1. ff. de in lit. iur. & l. 9. ff. ver. a mot.* Idcirco ex re ipsa iusiurandum in litem dividunt in veritatis & affectionis iuramentum,

Cæterum ab hac communi Interpretum opinione recedunt Joannes Corasius *6. misc. 1.* & Marcus Lyclama in *comm. de in eunda rei debita æstimatione ad l. 22. de Reb. credit. n. ult.* qui unicum duntaxat iuramentum in litem, quo res quanti revera est, æstimatur, admittunt; affectionis vero iusiurandum negant & pernegant: Argumenta illorum hæc sunt.

1. Quia nulpnam in iure nostro ulla sit mentio iurisiurandi affectionis. At verisimile non est, si tale aliquod iusiurandum esset, eius nullibi, nec eo quidem in loco, in quo de in litem iurando ex professo tractatur, mentionem factam fuisse.

2. Quia & Paulus JCrus in *l. si precia 63. ff. ad L. Falcid.* diserte scribit precia rerum non ex affectione singulorum, sed communiter fungi & æstimari.

3. Et alibi Julianus voluptatis affectionisve æstimationem non haberi, docet: veluti si dilexerit servum dominus, aut eum in deliciis habuerit. *l. fin ff. de oper. servor.*

4. Hinc & Ulpianus respondit,

patronum rem iusto precio venditam non ideo revocare posse, quod sua interesse dicat propter affectionem opportunitatis, vicinitatis, cœli vel quod illic educatus sit, vel parentes sepulti *l. 1. §. Et aliàs videamus ff. si quid in fraudem patr. §.* Accedit quod constitutum legimus adversus occidentem servum aut surripientem filiumfam. affectionis rationem nullam haberi *l. Eum qui §. si filiusfam ff. de furt. l. qui servum 53 ff. ad L. Aquil.* quanto minus igitur adversus contumacem, qui tamen si delinquere dicatur *l. omne delictum ff. de re militari.* eius tamen delictum in omittendo consistit, quod non perinde grave est, atque quod in faciendo committitur.

6. Et licet quandoque affectus ratio habeatur, ad actionem videlicet concedendam, quæ alioqui non competebar: Et in actibus illis, quibus ex æquo & bono agitur, ut in iudiciis bonæ fidei *l. cum servus ff. mandati.* Et iis quæ iuxta ea iudicia aguntur *l. pater filia ff. de evict. l. servus ea lege ff. de serv. export.* Restitutioneque in integrum *l. si in emptionem ff. de min.* At quod affectus sola rei æstimationem crescere faciat, nusquam legitur, precia enim rerum, ut ante dictum, non ex affectu funguntur.

7. Quin etiam si affectionis singularis aliàs ratio haberetur; In iusiurando tamen in litem spectanda non esset, cum illud ratione e-

ius, quod actoris pecuniariter interest, deferatur. Damnum autem pecuniarium in affectione non consistit *l. si liber homo & l. per. ff. ad exhibi.* licet ratione amoenitatis consideretur, cum eo nomine res plaris sit & magis vendibilis. *l. competit. § 1. ff. quod vi aut clam. l. quod si ea res ff. de imp. in res dot.*

8. Insuper quod non iuretur de affectione, sed quanti actoris interfit, probant *l. Nummis & l. In instrumentis ff. de in lit. iur. l. Videamus in fin. ff. eed.*

9. Ad hæc cum propter contumaciam rei iurata actor in litem atque sic proprio sacramento probat id quod sua interest *l. 2. l. Tutor. ff. de in lit. iur.* omnisque probationis difficultas tollitur; satis dicitur puniri contumacia ex quo actor fit quodammodo iudex & testis in propria causa, nec ultra dici potest, actorem de affectione iurare posse, quia alioquin violaretur protrita illa regula, Duo specialia circa eandem rem concurrere nequeunt. *l. 1. C. de dot. prom.*

10. Si ex contumacia crescit æstimatio rei, non crescit ex affectione. Atqui res, quæ iureiurando æstimatur, crescit ex contumacia non restituentis *l. 1. ff. de in lit. iur.* in qua ita JCtus: *Res plaris non fit per iniurandum hoc, sed ex contumacia æstimatur ultra rei precium l. 1. ff. de in lit. iur.* Et Javolenus Cum furti, inquit, agitur iurare ita oportet tanti rem fuisse cum furtum fa-

ctum sit, non adici eo plarisve, quia quod res plaris est, utique tanti est *l. 9. ff. eod. tit.* proinde veritatis etiam iuramentum est tunc, cum ex contumacia restituentis crescit æstimatio ultra precium, quod prius habuit,

11. Postremo cum iurare ultra veritatem ex affectione sit peierare. De periurio autem eius, qui ex necessitate iuris in litem iuravit, etsi non facile quæri soleat *l. ult. ff. de in lit. iur.* leges tamen hoc non probant sed damnant: Quapropter iudex nunquam actori tantum indulgere debet, ut ei permittat iurare ultra veritatem.

Cæterum rectius alii iuramentum hoc affectionis tueretur Giphanius *ad l. 24 ff. de R. iur.* Johan. Botcholt. *in tract. de in lit. iur. c. 2. n. 2* Anton. Faber. *16. coniect.* 17. Fundamenta illorum hæc sunt. 1. Rei, inquit, precium per hoc iniurandum in litem, quod nos affectionis dicimus, arbitrio domini statui dicitur in *l. 8. ff. de in lit. iur.* in qua Marcellus: Tutor. inquit rem adulti, quam possides, restituere non vult, quaro utrum quanti res est, an quanti in litem iuratum fuerit condemnari debeat: respondit, non est æquum precio id e. quanti res est, litem æstimari, cum & contumacia punienda sit, & arbitrio potius domini rei precium statuendum sit, potestate petitori in litem iurandi concessa. Jam v. cuius arbitrio relinquitur definire precium rei, eidem quoque; permittitur

singulari suæ, quam in rem istam habet, affectioni indulgere.

2. Plurimis in legibus iubetur iudex dolosum & contumacem possessorē domino condemnare *quanti in litem iuravit* l. 68. de R. Vindic. Ergo. etsi rem tanti esse ex affectione sua dominus æstimavit.

3. Accedit quod leges permittant auctori in *infinitum* iurare l. 4. §. 2. ff. de in lit. iur. Et l. 69. de R. Vindic. Atqui in infinitum iurare non posset auctor, si ex veritate solum & quanti revera res est, aut quanti sua interest, iurare cogeretur nec posset affectioni suæ indulgere.

4. Quin etiam aperte dicitur per iusiurandum in litē æstimari rem ultra verum eius precium l. 1. l. 8. ff. de in lit. iur. Quæ æstimatio cum non ex veritate procedat, consequens est quod sit ex affectione arg. l. 53. ff. ad L. Aquil. l. 63. ff. ad L. Falcid. Et cum æstimatio illa quæ sit iureiurando in litem, verum rei precium non contineat, sed pro iurantis arbitrio illud etiam excedat, palam est non omne iusiurandum esse veritatis.

5. Denique admodum frequenter in legibus nostris opponuntur sibi *id quod interest agentis & quanti in litem iuratum est* l. 2. ff. de in lit. iur. Item *quanti res est & quanti in litem iuratum est* l. 8. ff. eod. & quidem ita sibi invicem opponuntur, ut *id quanti in litem iuratum est* utrumque & *quanti res est & quanti interest agentis* longè excedat. Ex

quo & ipso satis relucet non omne iuramentum in litem esse veritatis.

Et tanē si *id quanti in litem iuratum est*, diversum est, ab eo, *quanti res est & quanti agentis interest*, sequitur illud affectionis precium & æstimationem continere: siquidem inter verum rei precium & id quod interest medium, sive tertium non datur, quam precium affectionis singularis, ut supra fuit ostensum ex l. 53. ff. ad L. Aquil. Et l. 63. ff. ad L. Falcid.

#### *Solutio contrariorum.*

*Ad primum* Resp. Non quidem appellationem iurisiurandi affectionis in iure nostro reperiri; rem ipsam tamen in eo fundatam extare, id quod ex modo adductis plus satis relucet, quibus, ut puto, admodum perspicue probatur, interdum rem iureiurando ex affectione æstimari: Sufficiat igitur quod de re ipsa constet; quo nomine iam appellatur non admodum refert, modo tali, quod rei sit conveniens §. pen. l. de donat.

*Ad secundum* Respondeo: Quamvis aliàs in rebus æstimandis affectionis ratio haberi non debeat; In iureiurando tamen in litem singulare hoc esse, quod affectioni indulgeatur eique duolocum faciunt: Ex parte possidentis contumacia & dolus in re possessa non restituenda, leg. 1. ff. de in lit. iur. quæ contumacia per iusiurandum punitur & coercetur d. l. 8.



*d. l. 8. ff. de in lit. iur.* Ex parte actoris vero seu petitoris summa æquitas, quæ non patitur ipsum cogi res suas suo pretio vendere, *d. l. 8. & l. 9. Rev. amor.*

Idem quoque *ad secundum* responderi debet: Nec contrariatur *l. si servum 53. ff. ad L. Aquil.* Illic enim servus idcirco non æstimatur ex affectione per iusiurandum in litem, quia eo loci non agitur de servo contumaciter detento restituendo, sed de servi occisi æstimatione præstanda: At in litem non iuratur super re facta & dolo alicuius perempta, sed de re ab altero contumaciter possessa *d. l. 1. d. l. 8. & l. 68. ff. de R. Vindicat.*

Eadem solutio est *ad Tertium, Quartum, Quintum & Sextum*: Nam singula & universa de eo sunt quod regulariter fit & ordinariè: At quod in iureiurando in litem indulgetur affectioni, hoc plane singulare est & contra iuris communis regulas, receptum: Ratio autem huius singularitatis & exceptionis partim, ut dixi, in odio possidentis, partim in furore domini consistit. Et quanquam delicta, quæ sunt in faciendo graviorem videantur mereri poenam, quam delicta in omittendo, ut Corasius ex *l. omne delictum ff. de re militari* infert: Tamen non solum delicti gravitas, sed etiam perseverantia animi in delinquendo inspicienda est: Maior autem perseverantia eius est, qui rem possidet & illam non vult restituere,

vel dolo malo possidere desinit, quam in eo qui occidit servum, quamvis dolo malo id faciat.

*Ad Septimum* Respondeo negando quod per iusiurandum in litem solum interesse pecuniarium æstimetur: Tum quia id quanti in litem iuratum est, opponitur ei quod interest agentis in *l. 2. ff. de in lit. iur.* Tum etiam quia iusiurandum, quod nos affectionis vocamus, pertinet non solum ad rem ipsam æstimandam, sed ad contumaciam quoque possessoris coercendam.

*Ad Octavum* Resp. Ex eo quod in *d. l. Nummis & d. l. Instrumentis* dicitur in litem iurari de eo quod actoris interest nummos sibi sua die redditos esse, vel instrumenta proferri, non sane sequitur affectionis rationem in iurando nullam haberi: Nam in *d. l. Nummis* actor iurat quod sua interfuit nummos sibi sua die redditos esse, quia sub pignore pecuniam debuit, quod, quia deposita pecunia ei abnegata est, distractum fuit. In *d. l. Instrumentis*, verò actor, instrumentis non exhibitis, in litem iurat quanti sua interest ea proferri, quia actori non tam instrumenta cordi sunt, quam id, quod instrumentis continetur & ob id instrumenta non inspiciuntur, nec adfectio; quam actor in instrumenta habet, consideratur, sed inspicitur tantum quod actoris interest. Et in summa, in ad ductis legibus idcirco de affectione



non iuratur in litem, quia neque in nummos, neque in instrumenta singularis cadit affectio, prout eleganter demonstrat Donellus in *comm. ad d. l. Nummis* & *d. l. Instrumentis*. Aliàs verò de cæteris rebus, quantum potest quædã esse affectio jurari non de eo quod interest actoris, sed affectionem eius singularem æstimari, supra ex *leg. 2. ff. de in litem iur.* luculenter fuit probatum.

Non obstat quod *Nonò* ex Corasio obicitur, quod duo singularia concurrerent, si non solum domino rem suam æstimare, sed etiam ex affectione eandem æstimare concederetur, contra propositam iuris regulam quod duo singularia concurrere nequeant.

Resp. Etenim tritum illud & vulgare Doctorum axioma, quod duo singularia circa eandem rem concurrere nequeant, merum est *Dd.* figmentum, nec ullum in iure habet fundamentum: Non sane in *d. l. 1. C. de dot. prom.* fundatur: Illic enim dotis promissio non ideo non valet, quia nudo pacto fuerat facta, sed ideo potius quia mulier, quæ incertam dotem promiserat, vel minimum quid dotis nomine dare sicque obligatione liberari, possit.

*Ad Decimum* Respondetur negando consequentiam: Nam ex contumacia dicitur æstimatio crescere quando propter contumaciam affectioni indulgetur, eamq;

æstimare iureiurando actori permittitur *d. l. 8. ff. de in lit. iur.* ubi sic contumacia puniri dicitur, ut res non quanti est, sed quanti arbitrio domini per iusiurandum in litem æstimata fuerit, præstetur.

Sic etiam *Postremum* non admodum urget, quod nempe rem ex affectione ultra veritatem seu verum eius precium iureiurando æstimare, sit peierare, quia qui rem iureiurando ex affectione sua æstimat, licet de vero eius precio non iuret, iurat tamen de vera sua affectione, quam in rem habet tanti scilicet eam esse; ac proinde non perierat, sed verè iurat.

Hinc itaq; relucet iusiurandum quoddam in litem affectionis esse, secus quam Corasius & Lyclama statuunt.

Cæterum Antonius Faber *16. coniect. 1. & 13.* etsi hætenus nobiscum sentiat, in eo tamen à communi & nostra discedit sententia, quod unicum esse affectionis iuramentum nullum autem veritatis contendit, sic ut ubicunque in litem iuratur, semper de affectione iuretur.

1. Quia cum per iusiurandum in litem res æstimetur quæ amplius non extat, adeoque à iudice æstimari nequit, *leg. 5. paragraph. 4. de in lit. iurand.* non possit constare, utrum secundum veritatem res sit ex vero precio æstimata; an vero ex affectione actoris.

2. Quia in *l. fin. ff. de in lit. iurand.*

Paulus

Paulus expresse scribit: De periurio eius, qui ex necessitate iuris in litem iuraverit, facile non quæri; Cui consequens est leges permittere domino rem suam iureiurando æstimanti affectioni indulgere, eamque ultra verum precium æstimare.

Verum nec hæc sententia tollerari potest: 1. Quia nonnunquam res ex veritate æstimari dicitur, l. 2. §. 1. ff. de in lit. iur. in qua Paulus Interdum ait, quod intersit agentis solum æstimatur, veluti cum culpa non restituentis vel non exhibentis punitur: Cum vero dolus aut contumacia non restituentis vel non exhibentis; quanti in litem iuraverit actor. Et Ulpianus in l. seq. 3. Nummis, inquit, depositis indicem non oportere in litem iusiurandum deferre, ut iuret quisque quod sua interest, &c. Quare cum non semper res iureiurando actoris ex affectione æstimeretur, sed interdum quanti revera est, interdum quanti agentis interest, idcirco non omne iusiurandum affectionis, sed quoddam etiam veritatis dicendum erit.

2. Accedit quod cum per iusiurandum non solum dolus & contumacia; sed interdum quoque culpa & mora æstimeretur, l. 1. l. 5. §. 4. ff. de in lit. iur. nimis durum foret permitti rem domino pro arbitrio suo ex affectione æstimare: Quin etiam expressis textibus iuris re-

pugnat, in leg. 1. & leg. 8. ff. de in lit. iurand.

#### *Solutio contrariorum.*

Nec movent valde argumenta Antonii Fabri: Quod enim ad primum responderetur in iuramentis non spectandum quomodo iurare aut peierare possit actor, sed quomodo ad delationem iudicis ex dispositione iuris iurare debeat, atque ideo ex eo quod actor suæ affectioni indulgendo, secus atque oportebat, rem æstimare possit, adeoque peierare, iusiurandum hoc non poterit affectionis nominari.

Similiter nec alterum Fabri argumentum urget: Etsi enim leges de periurio eius, qui ex necessitate iuris in litem iuravit, non facile quæri patiantur; Inde tamen non sequitur quod periurium istud non damnent sed permittant leges. Ut taceam quod d. l. fin. non de omni & quovis iuramento in litem, sed de eo solum, quod ex necessitate iuris præstat, expresse sit concepta: Quin etiam aliquando de periurio eius, qui in litem iuravit, quæri, satis particula facile significat.

Quapropter his opinionibus remotis ac refutatis, sic omnino statuendum puto: *Iusiurandum in litem esse triplex Affectionis, veritatis & singularis interesse.* Quamvis enim Johannes Borcholt

Borcholt *in d. tr. de in lit. iur.* hanc opinionē reiciat propterea quod tertia ista species *iurisiurandi interesse singularis* non sit à reliquis diuersa; sed ad alterutrum illarum commodè referri possit: Ad veritatis quidem iusiurandum, si de illa iuretur utilitate, quæ verè alicui abest: Ad affectionis verò si de ea iuretur, quam actor pro suo arbitrio sibi fingere potest. Veruntamen quo minus hac ratione moveat, facit quod id quod interest non solum ab affectionis æstimatione, sed etiam ab ipso rei precio, seu ab eo quanti res est aperte discernatur in *l. 2. §. 1. 8. ff. de in lit. iur.* Quocirca cum iureiurando affectionis res ultra verum precium eius & ultra quam interest agentis æstimetur: Iureiurando autem veritatis res quanti reuera est; relinquitur ergo, si id quod interest iureiurando æstimetur, ut æstimatur *d. l. 2. & l. 3. ff. de in lit. iurand.* tertiam esse iurisiurandi speciem, interesse scilicet singularis.

2. Et hoc etiam inde confirmatur, quod interesse precium verum rei sæpe excedat *l. 1. ff. de act. empt.* Quare iusiurandum, quo interesse æstimatur, non potest dici iusiurandum veritatis, cum hoc iusiurandum illud dicatur, quo res ex veritate æstimatur & quanti reuera est.

### QVÆSTIO III.

*Quis deferat iniurandum in litem?*

**I**usiurandum in litem deferri iudex & quidem solus iudex; Adcò ut si alius id detulerit, vel eo non delato iuratum sit, nulla sit religio, nec ullum iusiurandum *l. 4. §. 1. ff. de in lit. iur.* Interim tamen in arbitrio iudicis esse deferre hoc iusiurandum, necne, ait Ulpianus in *d. l. 4. §. 2.* Et Marcianus in *l. 5. §. 1. eod. tit.* Id quod tamen post Duarenum & Corasium in *d. l. 5.* multis impugnat Antonius Faber, *16. coniect. 17.* Contendens in iudicis arbitrio non esse an velit iusiurandum deferre.

1. Quia iusiurandum in litem nunquam, nisi ex necessitate iuris, deferri solet *l. ult. ff. de in lit. iur.* & iis solum casibus quibus aliter satisfieri non posset strictæ rationi iuris aut æquitati. Atqui iudicis potestati & arbitrio acceptum terri non debet, quod subiicitur iuris necessitati, *l. 40. ff. de iudic.*

2. Quia iudex maximâ iniuriâ afficeret dominum, si eum cogere vellet ad rem suam iusto precio vendendam, nec illum pro arbitrio rei suæ precium dicere pateretur: At verò hoc accideret, si iudex posset iusiurandum non deferre, *l. 8. ff. de in lit. iur.*

3. Quia iudex cogitur actori reum damnare quanti in litem iuratum est. Ergo iudex cogitur actori iusiurandum in litem deferre.

4. Quia in *l. 4. §. 1. ff. de in lit. iur.* expresse Marcianus scribit, *iudicem oportere iniurandum deferre.*

s. Quia



§. Quia per iusiurandum in litem dicitur puniendi contumacia non restituentis rem domino suo *l. 1. de in lit. iur.* Et res ultra verum precium arbitrio domini æstimanda *l. 8. ff. eod.* cui consequens videtur in arbitrio & potestate iudicis non esse an velit iusiurandum deferre auctori, sed ad deferendum iure ipsum teneri.

Verum graviter huic sententiæ adversatur *d. l. 4. §. 2.* in qua Ulp. expresse in arbitrio dicit iudicis esse deferre iusiurandū necne. Eodemque facit quod Marcianus scribit in *d. l. 5. §. 1. in verb. licuit enim & à principio nec deferre ff. de in lit. iur.*

Et quanquam Antonius Faber respondeat in legibus modo allegatis, quicquid habetur Triboniani esse, non vero Ulpiani nec Marciani; Id tamen quale sit, quivis æstimare potest: Nam enim solum divinatorium, sed satis etiam durum & violentum est.

Nec certe argumenta eius quicquam sententiæ nostræ refragantur: Quod enim primo ait, iusiurandum in litem nunquam deferri, nisi ex necessitate iuris, id sanè fundamento destituitur: Quin potius *d. l. fin. ff. in lit. iur.* contrarium demonstrat quod non omne iusiurandum in litem ex necessitate deferatur: Verba quippe ista *qui ex necessitate iuris in litem iuravit*, distinctionis gratia sunt addita, non declarationis: Id quod amplius etiam confirmant *d. l. 4. §. 2. & d. l.*

*5. §. 1. ff. de in lit. iur.* quibus assertitur non cogi iudicem deferre. At cogetetur, si ex necessitate iuris deferretur ac præstaretur.

Non obstat etiam *secundum*. Nam quod Paulus in *d. l. 8. ff. de in lit. iur.* ait idcirco iusiurandum in litem auctori deferri, quia non sit æquum precio quanti res sit dominum cogi litem seu rem suam æstimare: Id non probat quod iudex ab initio cogatur iusiurandum deferre auctori; sed quod, si detulerit iudex iusiurandum, non compellatur auctor eo iureiurando rem ex veritate æstimare eamque contumaci detentori suo precio vendere, sed concedatur ipsi auctori arbitrio suo precium rei suæ statuere *d. l. 8. ff. de in lit. iur. l. 9. ff. rer. amot.*

Non obstat *Tertio* quod iudex cogatur auctori damnare reum quanti in litem iuratum est: sic enim detulerit iudex iuramentum in litem, cogitur id sequi, nisi magna causa aliud suadeat: Ab initio verò illud deferre minime cogitur.

Ad *Quartum* Resp. Quod in *d. l. 4. §. 1.* dicitur iudicem oportere iusiurandum in litem deferre, id verba subsequencia eiusdem legis sic intelligi suadent, quod nempe si omnino deferendum sit iusiurandum, quod tum illud non alius, quam iudex, deferre queat.

Ad *Quintum* Respondetur consequentiam negando, quia si dela-



tum sit iusiurandum in litem, tum contumacia puniendi est & arbitrio domini res æstimanda: A principio vero iudex illud deferre præcise & absolute non cogitur. Hugo Donell. *in comm. ad l. 4. §. 2. ff. de in lit. iur.* quem novissimè sequitur Setzerus *de iuram. lib. 5. c. 3. n. 6.* circa propositam quæstionem distingu; ut siquidem de dolo & contumacia rei non restituentis liquidò constet, cogatur iudex iusiurandum istud deferre: Sin minus tum sit in arbitrio eius deferre iuramentum, vel non. Atque de hoc posteriori casu accipi debeant *d. l. 4. §. 2. & d. l. 5. §. 1.*

Sed distinctio hæc tolerari non potest 1. Quia nullum habet in iuramentum, nec ex prædictis legibus ullo modo deduci potest. 2. Quia cum iusiurandum in litem affectionis continet pœnam contumaciæ *l. 1. §. 1. ff. de in lit. iurand.* non prius ei locus est, quàm de dolo & contumacia constet, cum nulla decernatur & intelligatur pœna nisi reus convictus sit criminis.

Quapropter rectius, meo iudicio, distinguit Borcholt, ut si reus rem adhuc possideat eiusque restituendæ facultatem habeat, ex contumacia v. non restituat, liberum sit iudici iusiurandum deferre actori vel rem possidenti manu militari auferre: Sin vero desierit possidere dolo malo sic, ut non amplius in potestate eius sit domino rem restituere, tum demum

iudex ad iusiurandum affectionis deferendum compellatur: Cum hoc casu æstimatio præstanda sit actori, alia æstimatio, sine manifesta iniquitate & iniuria actoris præstati nequeat, nisi ea quam ipse dominus iureiurando in litem definierit *l. 8. ff. de in lit. iur. l. 9. ff. rer. amot. l. 68. §. si vero non potest. ff. de R. Vindicat. l. 25. §. 1. ff. solut. matrim.* Atque hac distinctione facile conciliantur & in cõcordiam rediguntur textus supra adducti Quibus n. ll. dicitur in potestate & arbitrio iudicis esse iusiurandum non deferre, illæ de eo casu, quo reus adhuc rei restituendæ facultatem habet intelligi debent: In quibus verò dicitur iudicem oportere iusiurandum deferre, ut in *l. 68. vers. si vero non potest. ff. de R. Vindicat. l. 4. §. 1. ff. de in lit. iur.* illæ omnes de eo casu sunt accipiendæ, quo amplius rei restituendæ facultatem reus non habet: Nec ullam iniuriam facit actori iudex, quando iusiurandam ei non defert, sed rem, quam reus non vult restituere manu militari auferit, eamque actori restituit; siquidem hoc casu suum recipit, nec illud vendere possessori cogitur: Nec obstat quod hac ratione contumacia maneret impunita; siquidem pœna iudicem est, an eam punire, an vero impunitam relinquere velit. Et sane hanc nostram distinctionem aperte confirmat *l. 68. ff. de R. Vindicat.* in qua Ulpianus.

Qui

Qui restituere iussus iudici non parer contendens non posse restituere siquidem habet rem, manu militari, officio iudicis, ab eo possessio transfertur.

Equidem non ignoro Antonium Fabrum 16. coniect. 17. istam legem 68. totam, ut spuriam, & à Tribonianò sub nomine Ulpiani suppositam, reicere: Verum quam inèptè & absurdè, quilibet iudicare potest. Quod enim negat manu militari posse rem possessori contumaci auferri, id sane pluribus legibus repugnat.

Sic enim Ulpian. in l. 3. pr. ff. *Ne vis fiat. Si quis missus fuerit in possessionem fideicommissi servandi causa & non admittatur, potestate eius inducendus est in possessionem, qui eum misit. aut si quis nolet uti interdicto, consequens erit dicere, interdictum locum habere. Sed melius erit dicere extra ordinem ipsos iure sua potestatis exequi oportere decretum suum nonnunquam etiam per manum militarem.* Et in l. 1. §. 2. ff. *si ventus nom.* idem Ulpian. *Necessariò prætor adiecit: ut qui per dolum venit in possessionem cogatur decedere: Coget a. eum decedere non prætoriam potestate vel manu ministrorum: sed melius & civilius faciet, si eum per interdictum ad ius ordinarium remiserit.* Et Papinianus in l. 36. de liberali causa. *Dominus qui obtinuit, si velit servum suum adducere litis æstimationem pro eo accipere non cogetur.*

Nec obstat quod, ut manu militari alicui res auferatur, id citra vim & impressionem, quam semper exoriam habet legislator, fieri nequeat. Respondeo: Et si enim vim exoriam habeant leges: Id tamen non de ea vi, quæ ad iuris executionem utitur magistratus sed de ea quam privatus privato intentat, intelligi debet. Hoc sane innumeris legibus confirmatur. Et quid obsecro ius sine executore? At exequi sententiam suam vix possit magistratus, si tali violenta impressione ipsi interdictum essent.

Rursus non impedit quod legibus aperte sit cautum ne unquam omnino in privatis negotiis privatorum vel tutio militaris, vel executio tribuatur l. 1. C. de offic. milit. iudic.

Respondeo: Nam per manum militatam in legibus supra adductis non significatur impressio violenta, quæ fiat per milites sed ea quæ fit manu ministrorum l. 1. §. 2. ff. *Ne vis fiat.*

Non refragatur præterea quod ab executione non sit incipiendum, nec executio præcedere debeat condemnationem l. 1. C. de Execution. rei iudicat. At præceptum illud iudicis, rem restituere iubentis, non sit condemnatio, sed arbitrium, quod præcedere debeat condemnationem. Igitur manus ista militaris, arbitrium inle-



insequens, condemnationem præcederet atque sic ab executione initium fieret.

Resp. Quod enim dicitur initium non debere fieri ab executione, nec executionem debere præcedere condemnationem, id de executione sententiæ accipiendum: At manus militaris non est executio sententiæ, sed arbitrii,

#### QUESTIO IV.

*An iudex iuriurando possit taxationem adicere?*

**P**orro sicut in arbitrio iudicis est iusiurandum deferre vel non; ita quoque in eiusdem potestate est, ne fortassis actor immoderate atque in immensum iuret, iuriurando certam taxationem adicere, ac summam certam præfinire ad quam usque iuretur. Id quod textibus satis dilucidis confirmat Ulpianus in l. 4. §. 2. ff. de in lit. iur. in qua iurare autem in infinitum licet. Sed an iudex modum iuriurando statueret possit ut in certam quantitatem iuretur ne arrepta occasione in immensum iuretur, quæro? Et quidem in arbitrio esse iudicis deferre iniurandum necne, constat. An igitur qui possit iniurandum non deferre & taxationem iuriurando adicere, queritur? Arbitrio tamen bona fidei iudicis etiam hoc congruit. Idemque Ulpianus in l. 3. §. 2. ff. ad exhib. præterea ait in hac actione notandum est, quod reus contumax per in litem iniurandum petitoris daminari possit.

*si ei, iudice quantitatem taxante. Et Marcianus in l. 5. §. 1. ff. eod. Sed iudex potest præfinire certam summam usque ad quam iuretur, licuit enim & a primo nec deferre. Uritur scilicet Jcti argumento à maiori ad minus: Cui enim conceditur id quod plus est, ei non denegatur quod minus est: Atqui iudici conceditur ab initio non deferre iusiurandum, quod plus est: Ergo taxationem eidem adicere multo magis concedendum erit. Quin & Paulus in l. 18. ff. de dolo malo idem confirmat: Ideo autem inquitens & hic & in metus causa actione, certa quantitas non adiicitur, ut possit per contumaciam suam tanti reus condemnari quanti actor in litem iuraverit: Sed officio iudicis debet in utraque actione taxatione iniurandum refrenari.*

Cæterum Antonius Faber textibus hisce minime motus, serio contendit, iudici fas non esse ab initio taxationem adicere iuriurando.

1. Quia innumeris in textibus dicitur reum tanti damnum esse, quanti adversarius in litem iuraverit l. 18. ff. de dolo l. 25. §. 1. ff. solut. matrim. l. 8. §. 1. ff. rer. amot. l. 3. ff. de in lit. iur. cum similibus. Unde sequitur taxationem non posse adici iuriurando.

2. Quia in l. 8. §. 2. ff. de in lit. iur. dicitur in infinitum iurari posse. At in infinitum non iuraretur, si taxatio ab initio adderetur.

3. Quia:

3. Quia in *l. 68. ff. de R. Vindicar.* Ulpianus diserte scribit: *Si is, qui rem domino restituere iussus est, non possit restituere, si quidem dolo fecerit, quominus possit, damnum eum esse, quantum adversarius in litem sine ulla taxatione in infinitum iuraverit.*

4. Quia in *l. 8. ff. de in lit. iur.* Marcellus scribit, æquum esse arbitrio domini precium statui. At non æstimeretur res arbitrio domini, si iudex posset taxationem adiacere.

Sed hæc tamen fundamenta, quantumvis ab initio speciosa appareant, non tanti sunt momenti, ut quenquam à priori sententia dimovere debeant: Quod enim hinc inde legitur in iure, reum tanti esse damnum, quanti adversarius in litem iuravit; Id sic accipiendum, ut tunc procedat, cum sine iudicis taxatione iuratum est; tum enim tanti damnandus est reus quantum iuraverit actor. Quod si autem iudex taxationem, ut potest, adiecerit, tum si quidem iuxta illam taxationem ad summam præfinitam iuraverit actor, condemnandus etiam est reus quanti iuratum est: At si taxationem istam & summam præscriptam ac præfinitam excefferit iureiurando, tum non quanti iuratum est, sed ad summam solum præscriptam condemnari debet reus. Hæc vero sententia haut obscure colligitur ex legibus ante adductis.

Sic etiam Secundum Fabri ar-

gumentum ex *d. l. 4. §. 2. de sumptum, parum sententiæ nostræ obstat*: Nam & ibi, quod dicitur *in infinitum iurari posse*, sic intelligendum, si nulla taxatio fuerit à iudice adiecta: Id quod ex verbis statim & in continenti lequentibus plus satis relucet, subiicit n. *sed an modum iuri iurando statueret possit index quæriur?* Ad quam quæstionem respondet J Ctus; Id per omnia congruere bonæ fidei iudicii.

Pari modo nihil detrahit opinionem nostram, *l. 68. ff. de R. Vindic.* Nam, ut bene Donellus monet, verba illa, *sine ulla taxatione* non ad iudicem damnantem, sed ad actorem iurantem referri debent, ut hoc velint, quod cum actor sine ulla taxatione iudicis, hoc est, nulla taxatione à iudice adiecta, iuraverit in litem, tanti reus sit damnandus quanti in litem iuratum est.

Postremo ad rem non facit *d. l. 8. ff. de in lit. iur.* Quandoquidem arbitrium illud, cuius meminit, non est arbitrium immoderatum, sed arbitrium boni viri, quod iusti iudicis iustum & æquum moderamen minimè excludit. *d. l. 4. & d. l. 5. ff. de in lit. iur.*

Hanc porro taxationem iudicis existimant Udalricus Zasius in *l. 5. ff. de in lit. & Andr. Alciatus in tr. de eo quod interest, n. 24.* Duplum veræ æstimationis excedere non posse propter novam Justiniani constitutionem in *l. unie. C. de sent. qua pro eo quod int.* à quo tamen pleriq.



neotericorum recedunt. Et recte: Quoniam ista Justiniani constitutio solum de taxatione & moderamine eius quod interest loquitur, quod certe cum æstimatione iurisiurandi in litem vel nihil, vel parum habet commune: Siquidem in iureiurando in litem non spectatur quanti interfuit actoris, sed quanti iuratum sit *l. 46. ff. de iudic. l. 2. §. 1. l. 8. ff. de in lit. iurand. l. 68. ff. de R. Vindic.*

### QUESTIO V.

*Cui deferatur iusiurandum in litem?*

**D**efertur hoc iusiurandum in litem soli actori: Non tamen invito illi, sed volenti: siquidem omne iusiurandum in litem pertinet ad favorem actoris; Maxime vero illud, quod affectionis dicitur quo ipsi permittitur pro suo arbitrio rem suam ultra verum etiam precium æstimare, *l. 1. l. 8. ff. de in lit. iur. l. 9. ff. rer. amitt. quare delatum licite atque impune recusare poterit actor, cum & alias cuivis licitum sit favori pro se introducto renunciare l. pen. C. de pact.* Unde quod in *l. 4. §. 1. ff. de in lit. iur.* scriptum est, adolescentem, si velit iurare in litem posse, non ita accipiendum est quasi conditio illa *si velit* sit conditio illius adolescentis, sed quod sit conditio iurisiurandi: Ut nempe adolescens iurare possit, si velit; Non quia adolescens sit: sed quia hæc est natura iurisiurandi in litem ut suscipiatur, si quis velit: prout

hæc recte & late Donellus explicat in *l. ult. ff. de in lit. iur.*

Non adversatur huic quod in *l. fin. ff. d. lit.* dicitur in litem ex iuris necessitate iurari. Primo enim loquitur *illa l. fin.* de iurejurando in litem veritatis, quod quoniam tum demum deferatur, cum res, quæ post moram amplius non extat, à Iudice æstimari nequit *l. 5. §. fin. ff. de in lit. iur.* ex necessitate quodammodo præstatur. Non quidem ex necessitate juris publici; quoniam id iuramentum præstandi necessitatem ius publicum actori minime imponit, sed solum ex necessitate iuris privati, hoc est, eâ quam non ius Civile, sed ratio privati iuris sui tuendi actori adfert, eò quod aliter ius suum salvum habere non possit. At in iuramento affectionis, nec ius publicum, nec privatum ullam necessitatem imponit actori rem suam per iusiurandum in litem ex affectione æstimare.

Alia certe ratio est iurisiurandi quod non est in litem sed ab adversario deferatur, quod, nisi referatur, sine iusta causa recusari nequit, *l. manifesta ff. de iureiurand.* quoniam etiam ad commodum pertinet deferentis, cuius interest maxime id suscipi ut citius & sine molestia atque sumptu à lite discedatur. Sed & necessarium iusiurandum, quod Iudex parti deferat, suscipi & iudicis & partis interest. Iudicis quidem, ut in dubia causa habeat quod sequatur: Adversarii vero, ne

ro, ne quid in dubia causa temerè aduersus eum à Iudice sine iureiurando statuatur.

Quare ex his relinquitur iusiurandum in litem affectionis, non nisi volenti, domino deferri: sed tamen nec cuius domino illud deferri ius permittit; sed illi duntaxat, qui dominus est litis, hoc est qui iudicio egerit & litem sit contestatus, *l. procuratorib. l. Nulla C. de procur.* Quin etiam nec omni, qui dominus sit litis, verum qui suo nomine litem sit contestatus *l. Vulgo 7. ff. de in lit. iur.*

Hinc igitur procurator, etsi litis contestatione Dominus litis, evadat *d. l. procuratoribus & d. l. Nulla*, quia tamen non suo, sed Domini sui nomine litem contestatur, ad iusiurandum in litem non admittitur. Huius autem porro ratio hæc est, quod si procurator iuraret in litem, deberet de domini sui affectione iurare, *l. 8 ff. de in lit. iur.* At hæc nō ipsi, sed soli domino potest esse cognita, Donell. *in d. l. 4. pr. ff. de in lit. iur.*

Quod si tamen procurator speciale à Domino mandatum haberet de in litem iurando simulque à Domino, quæ nam eius & quanta esset in rem illam, de qua iurandum est, affectio intellexisset; ratio profecto nulla esset, quæ talem procuratorem iurare impediret. Is n. si iuraret, intelligeretur ipse Dominus iurare, arg. *l. 13 ff. de iur. iur. in d. l. quod qui ff. de R. iur.* Jurare etiā de

affectione domini, quæ non minus atq; Domino ipsi, explorata foret.

Idem quod de procuratore dictū est, de matre quoq; quæ turtix non est asserendū videtur. Quod nempe liberorum nomine iurare non possit, nisi speciale ad hoc mandatū habeat & ipsi simul de affectione liberorum, quam in rem suam habeat exactè constet, quanta & qualis illa sit ob eam rationem, quam modo in persona procuratoris idem efficere diximus.

Diversa est ratio tutoris & curatoris: Hi enim, quoniam in reb. minorum administrandis dominorū sunt loco *l. 1. §. ult. l. tutor qui tutelam ff. de admin. tut. l. qui fundum §. si tutor ff. pro emptore l. Interdum §. qui tutelam ff. de furt.* idcirco, si voluerint, ipsis de reb. minorum iurare in litem permittitur *l. 4. in pr. ff. de in lit. iur.* Inviti tamen iurare non compelluntur ex ratione ab Ulpiano ibidem assignata; quod nempe grave & iniquum videatur invitos cogi, sub alieni compendii emolumento, petiurium anceps subire.

Permittit vero Ulpianus tutoribus & curatoribus iurare in causa tutelari in *l. 4. pr. ubi per tutelarem causam vulgo Interpp. Accursium secuti*, intelligunt causam, in qua de tutela agitur, sine qua pupillus adversus tutorem agit tutelæ.

Sed male uti his argumentis sane evidentissimis evincit Donellus 1. Quod constante tutela non possit cum tutore agi tutelæ iudicio;

sed

sed demum tutelâ finitâ *l. 4. l. 9. §. 2. ff. de tutela & rat. distr. 2.* Quia in ea actione tutor non est actor, cui deferatur iusiurandum in litem, sed est reus, adversus quem in litem iurari solet. Proinde rectius ipse Donellus tutelarem causam hoc loco interpretatur illam quæ quidem exercitatione sit tutoris, ad tutelam tamen, seu ad rationem & administrationem tutelarem pertineat, ut si causa pupilli quidem sit emolumento, sed quam tutor, ut tutor, id est pro ratione officii & tutelæ, exerceat iuxta *l. 1. §. final. Inst. de admin. tut.*

Sed quomodo tutori & curatori de affectione sui pupilli, aut adulti constare potest, ut de illa iurari possint? Equidem certi quid de affectione illorum vix poterunt habere exploratum; Maximè tutores, cum ut nunc subiiciemus, vel idcirco ipsi impuberes iurare impediantur, quod vel nulla sit illorum in rem petitam certa affectio, aut illa sit immoderata. Et quidem Udalricus Zasius in *l. 4. n. 6. ff. de in lit. iur.* existimat tutores & curatores nomine suorum pupillorum vel aduكتورum in litem iurantes, iurare debere rem illam, quæ petita est, talem, vel talem utilitatem potuisse afferre pupillo, si esset opportune restituta: Id quod possit tutor salva conscientia iurare, ut cui probe cognita sit conditio rerum pupillarium eiusdemque officium sit utilitatem pupilli curare.

Quæ sententia Zasii propterea recipienda non videtur, quia tale iuramentum non esset affectionis, nec ex affectione, sed ex veritate veraque utilitate, quam ex re petita pupillus percepturus fuisset rem æstimaret. Glossa putat tutores & curatores pupillum in hac vel illa summa nolle carere hac re, quæ non restituitur: sed reiecit Zasius in præcitato loco istam iurandi formam; quod eo modo iurare nil foret aliud, quam ex affectione pupilli rem eius æstimare: Cum tamen pupilli nulla sit affectio, aut certe non moderata affectio, *l. pupillus ff. de Acquir.* Bartolus hanc tutoribus iurandi formam præscribit, ut videlicet iurent, si ipsi essent eius conditionis cuius pupilli & si essent loco pupilli, nolle se pro tanto, vel tanto carere ista re.

Quæ & ipsa tamen iuramenti formula displicet Zasio: Tum quia si essent tutores in loco pupilli, carent affectione. Tum etiam quod textus *d. l. 4.* significet omnia esse æstimanda ad utilitatem pupilli, ergo non ad utilitatem tutoris.

Sed tamen his rationibus Zasii nihil obstantibus videtur mihi hæc ipsa formula omnium commodissima omninoque retinenda, si modo recte & ita, ut Bartolus eam intellexisset, accipiat.

Hoc autem proculdubio voluit ac sensit Bart. quod tutores nomine pupilli de re pupillari ex affectione iurantes debeant affectionem,



nem, quam pupillus habere deberet, aut habiturus esset in rem suam si qua eius foret affectio, meriti & æstimare ex affectione sua; sic, ut iurent tantam se putare pupillum habere debere aut habiturum esse in rem istam affectionem, quantam ipsimet tutores in eandem rem haberent, si essent loco pupilli hoc est si essent Domini rei illius sibi que res ea ex affectione æstimanda foret: Non verò, ut Zasius verba ista Bartoli male accepit, si tutores essent in ætate pupillari constituti. Atque hoc modo si iuret tutor, palam est iuramenti istius omnia ad solius pupilli utilitatem & commodum referri non vero ad tutoris, vel ullius alterius.

Ut porro Dominus litis, quiq; suo nomine litem contestatus est, de affectione sua iurare possit in litem, amplius requiritur ut is eo sit præditus iudicio, quod satis sit ad rem ex affectione moderata æstimandam.

Quapropter furiosis mente capitis & prodigis, quoniam omni iudicio & animi intellectu destituntur, hoc maxime iuramentum affectionis non committi, expeditum est. Itemque de impuberibus, qui & ipsi iudicii inopia & imbecillitate laborant asserit Ulpianus in *d. l. 4. pr.* Est quippe hoc iuramentum, de quo loquimur de re æstimanda, quam impuberes pro ætate rectè æstimare ignorant, quo-

niam nec veram æstimationem rerum suarum satis norunt: Et si de affectione illorum queritur, aut illorum nulla est affectio in rem petitam, aut immoderata nec sensu utilitatis aut commoditatis, quæ in de percipi potest, regitur Donell. in *d. l. 4. num. 3.* Addit tamen Ulp. in *d. l. 4.* expresse hanc conditionem, *si impuberes sint*: Quæ non ita intelligenda est, quasi Ulpianus velit quosdam pupillos esse, qui impuberes sint, quosdam vero qui puberes; atque illis iuramentum in litem denegari: His vero concedi: Omnes siquidem pupilli impuberes sunt *l. pupillus de V. sign.* Quare id videretur sensisse Jctus quod cum non solum pupillus dicatur qui revera est pupillus, sed etiam interdum ἀναφορεως is qui fuit pupillus sed pubertate desuit pupillus esse *l. si tutor. post. l. cum pupillus ff. de tut. & rat. distr.* non huc, sed illi, qui adhuc est impubes in litem iusiurandum denegatur. Donellus in *d. l. 4.* Sunt etiam qui particulam (si) hoc loco idem quod (quia) denotare & non conditionem sed rationem significare existiment, quare pupillus iurare in litem nequeat, qui scilicet impubes sit: uti hæc particula (si) in iure nostro pro (quia) interdum poni satis probat *l. qui Roma §. Aggerius ff. de V. O.*

Diversum in adolescente receptum esse Ulpianus dicit in *d. l. 4. pr.* Hunc enim si velit in litem iurare, posse



re, posse dicit; Idq; propterea quod plus iudicii sit in adolescente, quam in impubere tantumque iudicii is habere intelligatur, ut de re sua æstimanda rectè statuere possit,

### QVÆSTIO VI.

*An de lata culpa in litem iuretur?*

**Q**Uibus iurandum in litem deferatur, dictum fuit proxima quæstione; Sequitur nunc ut videamus adversus quosnam in litem iuretur? Quia in re hæc tenenda est regula: adversus eos in litem iurari, qui rem, quam detinent, iussi Domino suo restituere, vel exhibere, iudici non parent *l. 2. §. 1. ff. de in lit. iur.* Sed hoc ita, si dolo malo id faciant; Non etiam si culpa *l. 5. §. 3. eod. tit.* ubi Marcianus *sed & in his omnibus ob dolum solum in litem iuratur, non etiam ob culpam: Hac enim iudex æstimat.* Cæterum dolum est duplex, præsens & præteritus: Ille tum committitur, quando is, qui possidet, habetque rei restituendæ facultatem iussus à iudice restituere, non tamen restituit: Qui dolum propriè contumacia appellatur *l. 1. l. 2. §. 1. l. 8. ff. de in lit. iur.* Præteritus verò dolum committitur, cum reus tunc quidem, cum iubetur restituere, rem non possidet; adeoque dolo non facit, quod non restituit, ut qui restituere nequeat; sed tamen prius dolo fecit, quo minus iam restituere possit: Hic dolum, etsi propriè non sit con-

tumacia: Tamen pro contumacia habetur: Quamvis enim revera non possideat, qui possidere desit, iuris tamen interpretatione possidere censetur, *l. qui dolo l. Parem ff. de R. iur.* Quare & hic dolum, perinde ut vera contumacia, iureiurando affectionis punitur & coercetur, *l. 16. §. 3. ff. de pignor. l. 68. ff. de R. vindicat. l. 25. §. 8. ff. de petit. hered.* Ob culpam, ait Marcianus, in litem non iuratur *d. l. 5.* Id quod intelligendum de levi & levissima culpa: De lata enim culpa, non minus in litem iuretur atque de dolo.

1. Quoniam lata culpa etiam in delictis doli appellatione venit, & est dolum præsumptum, atque ut dolum vindicatur *l. 1. §. fin. iur. l. quod. Nova ff. deposit. l. 1. §. 1. ff. si mensor. fals. mod. dix. l. 11. §. 3. ff. de his qui not. infam.* Atqui ob dolum in litem iuratur *d. l. 5. §. 3.*

2. Quia Imperator Saverus citare atque perspicue testatur de lata etiam culpa in litem iurari, *l. 2. C. de in lit. iurand.* Is qui rationem tutelæ, seu caræ reposcit invitus in litem iurare compelli non potest, sed volens ita demum audiendus est, si heres per longam successionem tutoris instrumenta tutelaria dolo, vel circumveniendi pupilli gratia exhibere non vult. Sin vero neque dolum neque lata culpa neque fraus heredis convincitur, omnia iurisiurandi facultate iudex de veritate cognoscat; quæ etiam argu-

mentis

mentis liquidis investigari potest: Ex hoc Imperatoris scripto plus satis liquet adversus heredes tutoris in litem iurari, si vel dolus eorum vel lata culpa eorum convincatur. Nec audiendus hic est Julius Pacius, qui cent. 3. q. 90. asserit in favorem pupilli hoc specialiter receptum in actione tutelæ quæ adversus tutorem intentatur ut adversus heredes tutorum in litem iuret: Aliàs regulariter in litem non iurari ob solam culpam: Præterquam enim quod assertionis suæ fundamentum penitus nullum adducat adversantur ipsi textus superiores quibus tam in delictis quàm in contractibus latam culpam pro dolo accipi & vindicari admodum evidenter docetur.

Verum graviter huic adversatur l. 4. §. fin. ff. de in lit. iurand. in qua Ulpianus ex culpa autem non esse iusiurandum deferendum constat, sed æstimationem à iudice faciendam. Atqui culpa lata etià est culpa: Proinde quod illic de culpa in genere asseritur, idem quoque de lata culpa accipiendum est.

2. Eodem quoque facit quod Marcianus in leg. 5. §. 3. ff. de in lit. iurand. scribit: In bonæ fidei iudiciis ob solum dolum in litem iurari non etiam ob culpam. Dum enim particulâ solum exclusivæ utitur & insuper expressè addit non etiam ob culpam in litem iurari satis

aperte significat ob latam culpam in litem iurari.

3. Accedit his quod Paulus in l. 2. ff. eod. tit. scribit: Cum dolo aut contumacia non restituatur res possessa solere in litem iurari: Unde colligitur in litem non iurari quando non dolus nec contumacia, sed culpa solum in re non restituenda aut non exhibenda puniatur.

*Solutio contrariorum.*

Sed his non obstantibus, verior est contraria opinio, quod scilicet etiam ob latam culpam non minus atque ob dolum in litem iuratur, quæ sane luculenter fundamentis supra adductis confirmatur. Nec contrarium probant argumenta modo adducta: Quod enim in d. l. 4. §. fin. dicitur ex culpa iusiurandum in litem non deferri, id non de lata, sed de levi & levissima culpa accipiendum est: Tum quia culpæ nomine absolute posito, levis culpa significatur, arg. l. 5. ff. Commodati & communis est Interpp. opinio: Tum etiam quia & alias quoties in iure culpa opponitur dolo, prout in presenti quoque materia accidit, l. 5. pr. ff. de in lit. iurand. toties verbo culpæ, quantumvis generaliter posito non lata, sed levis solum & levissima culpa significatur; quandoquidem tunc lata culpa appellatione doli, non autem latæ culpæ comprehenditur per textum paulo supra adductos.

Pari modo non adversatur *d. l. 5. §. 3.* Quamvis enim particula taxativa solus addatur dolo, per eam tamen culpam latam non excludi satis comprobatur *l. 1. §. fin. iunct. l. 3. 2. ff. de positi. l. 1. §. 1. ff. si mensor falsum mod. dix.* Idem plane ad tertium ex *d. l. 2. §. 1.* desumptum respondendum est. Et hæc quidem ita de culpa lata; De levi & levissima constans & consentiens est Interpp. nostrorum opinio, de illis in litem non iurari. Excipiunt quidem nonnulli tutorem, adversus quem in actione tutelæ, etiam ob levem culpam in litem iurari soleat, *arg. l. 4. C. de in lit. iurand.* Sed male profecto & perquam imperite; quoniam contumaciam & dolum tutoris coerceri in litem iureiurando docet *lex. 8. ff. de in lit. iurand.* Atqui frustra & otiose lex mentionem faceret contumaciæ & doli, ac perperam levis culpæ mentionem supprimeret, si de levi culpa æque, atque de dolo adversus tutorem iuraretur.

Nec contra quicquam facit *d. l. 4.* ubi Gordianus Imperator sic alio iure vult esse tutorem & alio tutoris hæredes non ut adversus hos ob dolum & latam culpam in litem iuretur; adversus illum vero etiam ob levem culpam; sed ne adversus tutorem iuretur si non proferat inventarium cæteraque instrumenta, quoniam hoc ipsum dolo malo facere præsumitur: Adversus heredes vero ipsius, si aperte dolo malo in

hereditate inventa non exhibeant.

### QVÆSTIO VII.

*In quibus actionibus locum habeat iusiurandum in litem & in specie de actionibus in rem?*

Videamus nunc quibus in actionib. locum habeat iusiurandum in litem? Et ait Marcianus: In actionibus in rem & ad exhibendum & in bonæ fidei iudiciis in litem iuratur. Et Ulpianus hanc sententiam dicit generalem esse & ad omnia sive interdicta sive actiones in rem, sive in personam sint ex quibus arbitratu iudicis quid restituitur locum habet. *l. 68 ff. de Rei vindicat.* De his nunc singulis ordine dicemus, & primo quidem de in rem actionibus. Et quidem quod ad Rei Vindicationem attinet, dubium de ea nullum est quia iusiurandum hoc in litem admittat non solum propter textus expressos modo adductos, quibus id clarè significatur; sed etiam quia hac actione non agit nisi dominus rei, qui rem suam ab alio posseam sibi restitui petit, *§. 1. l. de act. l. 23. ff. de Rei vindicat. iunct. l. 36. eod. tit.* Cui si non permetteretur iureiurando in litem rei suæ pro suo arbitrio præcium statuere, cogeretur invitus re sua carere aut iusto precio illam vendere contra quam æquitas suadet *l. 8. ff. de in lit. iur. l. 9 ff. ver. amot.*

De Publiciana actione idem admittit Antonius Faber, quia etsi is qui illam exercet, non sit dominus tamen fingatur rem, quam persequi-



sequitur usucepisse eiusque dominus extitisse, §. *Namq.* 4. l. de *Act.*

At de ceteris in rem actionibus, quibus rem non nostram persequimur, & in specie de *hypothecaria* actione, qua pignora sua creditor persequitur, hoc idem diserte negat & purgat 16. *coniect.* 15. Et in *Error. pragm.* 18. *Err.* 1. Movetur autem in hanc sententiam hac potissimum ratione, quod iusiurandum in litem affectionis nemini nisi domino de re sua sibi restituenda competat l. 7. & l. 8. ff. de *in lit. iurand.* l. 9. ff. *Rer. amot.* Creditor autem qui hypothecaria agit non sit dominus rei oppignoratae; adeoque omnes illae rationes, quibus iusiurandum in litem affectionis nicitur, in hypothecaria manifeste deficiant.

Veruntamen huic opinioni Antonii Fabri claris & perspicuis verbis contradicit Marcianus in l. 16. §. 3. ff. de *pignor.* ita scribens: *In vindicatione pignoris, si possessor dolo quidem possidere desierit, summa vero openisus non possit rem ipsam restituere, tanti condemnabitur, quanti actor in litem iuraverit, sicut in cæteris in rem actionibus.*

2. Accedit quod & Ulpianus l. 68. ff. de *R. Vindic.* postquam dixisset in rei vindicatione in litem iurari, subiiciat in continenti: *Hoc generale esse & ad omnia sive interdicta, sive actiones in rem, sive in personam, ex quibus arbitrio iudicis quid restituatur, locum habere.*

3. Quia & Marcianus in l. 5. pr. generaliter definit in actionibus in rem in litem iurari.

Cui sententiae tot iuris testimoniis perspicuis munitæ & confirmatæ nihil adversatur contrarium Antonii Fabri fundamentum. Ut enim is, qui hypothecaria agit, quique cæteras ei similes in rem actiones exercet, non sit dominus rei ipsius, dominus tamen est iuris in re sibi constituti: sic creditor licet non sit dominus rei oppignoratae, dominus tamen est iuris in re sibi constituti; Idque ipsum ius etiam hypothecaria actione persequitur: Creditor quippe hac actione rem non simpliciter persequitur, sed tanquam sibi oppignoratam. Huius itaque iuris sui cum sit dominus creditor, æquum est ipsum quoque precium eius rei suo arbitrio statuere. Donellus in l. 5. pr. m. 2. & 3. ff. de *in lit. iur.*

### QVÆSTIO VIII.

*An in actione ad exhibendum in litem iuretur?*

Quod de in rem actionib. modo dictum fuit, idem quoque in actione ad exhibendum obtinere expediti est iuris: Sic enim Marcianus in l. 5. pr. ff. de *in lit. iur.* In actionibus in rem & in ad exhibendum & in bonæ fidei iudiciis in litem iuratur. Et Paulus in l. 2. ff. eod. Sive nostrum quid petamus, sive ad exhibendum agatur, in litem iuratur. Itemque Ulpianus in l. 3. §. *præterea* 2. ff. de *exhibendum*,



Præterea in hac actione notandum est, quod reus contumax per in litem iusiurandū petitoris damnari possit ei iudice quantitatē taxante.

Cæterum hoc plerique quibus etiam ad stipulantur Anton. Faber *16. Coniect. 15.* Johann. Corasius *in l. 5. n. 17.* & Duaten *n. 11. de in lit. iur.* sub distinctione hac intellectum volunt; Ut siquidem dominus, rem suam vindicaturus ad exhibend. agat, in litem iurari possit: quandoquidem hoc casu actio ad exhibendum sit pro vindicatione & vindicationi viam præparet: sin vero alius, quam dominus, alia actione acturus, experiatur prius actione ad exhibendum, iurari tum minime possit, cum hoc casu ratio æquitatis quæ de affectione in litem iurare permittit, *l. 8. ff. de in lit. iur. l. 9. ff. rer. amor.* aperte deficit.

Discedit tamen ab hac sententia Donellus, qui in actione ad Exhibendum in distincte in litem iurari permittit.

1. Quia omnes textus de iureiurando in litem præstando in actione ad exhibendum, sunt generales nullamque huiusmodi distinctionem præ se ferunt.

2. Quia cum Ulpianus in *l. 3. §. 1. ff. ad exhibend.* dixisset, eum qui ad exhibendum agit, non utique se dicere dominum nec debere probare se dominum esse, cum multæ sint causæ ad exhibendum agendi; statim subiicit in *§. sequent.* 2. In actione ad exhibendum reum

contumacem per iusiurandum in litem damnari posse, iudicem ei quantitatem taxante.

Nec est quod quis moveatur superiori Interpretum fundamento. Quandoquidem quavis actione ad exhibendum persequitur actor aliquid quod suum est, usum nempe & copiam rei, de qua quaeritur seu rei cognoscendæ & videndæ facultatem, quam & ipsam lex omnium, quorū interest, propriam esse vult; quanvis rei ipsius Domini non sint Donell. in *d. l. 5. n. 3.*

#### QVÆSTIO IX.

*Verum in Interdictis in litem iuretur?*

**I**Nsuper in interdictis quoque in litem de affectione iurari potest. Nam sic Ulpianus in *l. 68. ff. de R. Vindic.* Hæc sententia (quod scilicet reus actori damnandus sit quantum hic in litem iuravit) generalis est ad Omnia sive interdicta, sive actiones in rem sive in personam sunt, ex quibus arbitrato iudicis quid restituitur locū habet. Idemq; Ulpianus in *l. 15. §. 9. ff. quod vi aut clam.* de interdicto quod vi aut clam differens, *sed quod interfuit,* inquit *aut per iusiurandum, quod in litem actor iuraverit, aut si iurare nō possit in iudicis officio aestimandū est.*

Sed & hîc contra textus apertos statuit Antonius Faber *16. coniect. 20.* & in *Error. pragmat. decad. 18. Error. 7.* his rationibus motus. 1. Quia omnia interdicta sunt de possessione duntaxat, & non de dominio tot. *l. 1. §. ff. de Interd. iusiurandum*

dum autem in litem soli domino de re sua agenti committatur, ne videlicet cogatur, vel re sua carere aut eam suo præcio vendere *l. 8. ff. de in lit. iur. l. 9. ff. rer. amot.*

2. Quia nulla edicti prætorii de interdictis pars est, quæ non det actionem in id quod agentis interest: Atqui aliquem in id quod interest damnari & cõdemnari, quanti in litem iuratum est, non modo diversa, sed etiam contraria & pugnantia sunt.

Sed quominus huic Antonii Fabri opinioni subscribam faciunt textus iuris apertissimi, quos paulo supra adduxi; ad quos eludendos non sufficiunt argumenta ex Fabro modo adducta: Utenim concedatur, quod etiã verissimum est; Interdictis nõ dominium sed possessionem vindicari; exinde tamen minime sequitur, interdictis in litẽ minime iurari. Quis enim ignorat actione commodati, depositi & pleritq; aliis in personã actionibus rem non vindicari, nec peti dominium, sed rem solũ, ab alio possessam peti restitui? Et tamen quin ius iurandum in his quoq; locum habeat, dubium planẽ nullum est. *l. 3. ff. commod. l. 1. §. 1. in depositi ff. depositi.* Quapropter ut in aliqua actione in litem iurari possit, non requiritur, ut ea ad dominum vindicandum spectet utq; actor illã agens se dominum asserat: Alioquin in actione ad exhibendam nunquam in litem iurari posset: Ut nec in a-

ctionib. depositi, locati, commodati &c: quæ ad dominum vindicandum nequaquam spectant quibusque agens non se dominum esse rei petirẽ intendit; sed sufficit ut is, qui rem sibi restitui petit, dominus sit rei, licet se dominum esse non intendat: Id quod sane in interdictis recuperandæ possessionis, in quibus solis iurari posse contendimus, *d. l. 68. de R. Vind.* præsupponendum existimamus ex *l. 8. ff. de in lit. iur. & l. 9. ff. rer. amot.*

Potens Antonii Fabri argumentum satis superque refellit Ulpianus in *d. leg. 15. §. 9. ff. quod vi aut clam.* in qua manifestissime docet in interdicto recuperandæ possessionis, vel id, quod interest, vel quanti in litem iuratum est, obtineri. Ex quo liquet id quod interest esse diversa non vero contraria, quæ simul consistere nequeãt maxime cum hæc in interdicto quod vi aut clam non copulative, sed disiunctive & alternative præstanda veniant.

#### QVÆSTIO X.

*An in actionibus bonæ fidei in litem iuretur?*

Porro in litem iuratur in actionibus bonæ fidei; Id quod expressis verbis Marcianus in *d. l. 5. pr. ff. de in lit. iur. testatur*: Sed tamen non in quibus vis verum in illis duntaxat, quibus ad rei, quæ a nobis profecta est restitutionem agitur. Sic enim Marcianum Ulpian. in *l. 68. ff. de R. Vind.* interpretatur.

Proin-

Proinde in illis in quibus de re aliena nobis danda vel præstanda agitur diversum statuendum est, Quandoquidem in his deficit ratio, ob quam domino permittitur rem suam ex affectione æstimare *d. l. 8. ff. de in lit. iur. d. l. 9. ff. Rer. amot.*

Nec adversatur quod ipse Ulpianus in *l. 3. ff. commot.* scribit: In commodati actione, sicut in CÆTERIS bonæ fidei actionibus in litem iurari: Nam illic verba ista *Sicut in cæteris* exaudienda sunt non infinite de cæteris omnibus bonæ fidei actionibus; sed de cæteris bonæ fidei actionibus commodati actioni similibus, quibus scilicet perinde, ut illâ, de re sua sibi restituenda dominus agit; Id quod etiam hanc obscure significat vocula *similiter*, qua illic Ulpianus utitur.

Parri modo non obstat *l. pen. §. 1. ff. ne quis cum qui in ius voc.* In qua adversus eum, qui in ius vocatum vi exemerit, dicitur dari in factum actio, qua non id continetur, quod in veritate est, sed quæ ea res est ab actore æstimata, de qua controversia est. Cum a fieri possit ut quæ ea actione expeditur, de restitutione rei non contendat, sed pecuniam aut rem aliam sibi dari tradive postulet, concludendum videtur ex *d. l. pen.* iusiurandum in litem etiam in illis actionibus locum habere, quibus non agatur de restituendo, sed de dando.

Verum, ut dixi lex illa *pen. nihil*

nobis adversatur: Non enim concedendum est quod de ætimatione iurisiurandi in litem affectionis loquatur: Cum ut ibidem statim Ulpianus subiicit, pœnam illam (scilicet ætimationis illius quam ipse actor fecerit) etiam calumniatorem consequi: At vero iusiurandum in litem affectionis nunquam datur calumniatori, sed domino *l. 7. ff. de in lit. iur.* Et quidem ex ea ratione, quæ in calumniatore nunquam obtineat, ne ob adversarii contumaciam invitatus cogatur rem sua carere, neve iusto precio rem suam dominus vendere compellatur *d. l. 9. Rer. amot. l. 8. ff. de in lit. iur.* Anton. Fab. in *Rat. ad d. l. pen.* Rectius itaque post Fulgosium Duarenus & Corasius in *d. l. 5. præcitatam l. pen.* interpretantur de ea summa, quæ ab actore in libello petita est, licet vocatus forte illam non debuerit; quam summam præter in pœnam illius, qui alterum in ius ductum vi exemerit, actione in factum exigi permittit.

Quapropter his obstaculis remotis relinquitur verum, quod supra cum Ulpiano pro regula tradidimus; In illis demum personalibus bonæ fidei actionibus in litem iurari quibus de re non præstanda, sed restituenda agitur.

#### QVÆSTIO XI.

An in actione Empti in litem iuratur?

DE actione empti venditi, utrum in ea iusiurandum in litem

tem



rem locum obtineat, quæstio est subdificilis & utramque in partem à Doctoribus agitata: Mihi tamen, salvo aliorum iudicio, res expedita videtur, quod nempe in hac actione in litem non iuretur.

**1.** Quia in illis demum bonæ fidei actionibus in litem iuratur quibus agitur de re domino restituenda, *l. 68. ff. de R. Vind.* ut prolixè præcedenti quæstione docuimus: Actione autem empti non agi de re restituenda, sed de re danda certum & indubitatum est; quandoquidem emptor ante traditionem dominus non est, §. *vendita l. de R. drvis.* & rem sibi tradi hac actione postulat §. *2. l. de donat.*

**2.** Quia emptor actione empti agens ut dixi, non est dominus §. *3. l. de empr. vend.* At soli domino iusiurandum in litem competit. *l. 1. & 2. ff. de in lit. iur. l. 9 ff. Rer. amor.*

**3.** Quia ratio qua solâ nititur iusiurandum in litem in hac actione manifeste deficit *d. l. 8. de in lit. iur. & d. l. 9. Rer. amor.*

**4.** Hinc in *l. 4. C. de act. empr.* iudici iniungitur, ut si venditor ex procacia hoc est contumacia, nolit rem venditam præstare, ipsum auctori condemnet quanti interest eius rem venditam fuisse maturè traditam: Atqui id quod interest ab æstimatione iusiurandi in litem plurimum differre, manifestissimum est ex *l. 68. ff. de R. Vind. l. 64. ff. de iudic. l. 15. §. 9. ff. quod vi aut clam. l. 2. l. 8. ff. de in lit. iur.*

Nec huic sententiæ contrarium est quod actione empti agatur de fide rupta; cum venditor hoc ipso, quod rem, quam vendidit, dolo malo tradere recusat, ad quam tamen tradendam ex natura contractus obligatus erat, fidem rumpere videtur: In illis actionibus, quibus de fide rupta agitur, in litem ex affectione iuratur arg. *l. Ei apud quem 35. ff. de posit. Resp.* Siquidem fides rupta sola, non facit locum iuri iurando in litem; sed necesse est hoc etiam accedere, ut qui agit, sit dominus suamque rem sibi restitui petat *l. 7. l. 8. ff. de in lit. iur.* Id quod in actione empti deficere, modò ostensum est, ac satis per se patet. Contrarium verò, quod nempe in omnibus actionibus, in quibus de fide rupta agitur, iuretur in litem, non probat citata *l. 5.* Et si enim in illis actionibus, in quibus de fide rupta non agitur, in litem iurari nequeat: Non tamen in omnibus actionibus, quibus de fide rupta agitur, in litem iurari potest. Duarenus & Coras. in *d. l. 5. de in lit. iur.* Adde quod fidem rumpere non is dicatur in iure nostro, qui non præstat, quod promissit; Siquidem alias etiam in contrariis iudiciis de fide rupta ageretur; sed is demum, qui rem alienam, quam ex bonæ fidei contractu habet à domino, non vult ei restituere, & quidem dolo malo, cum possit, aut, si fecerit ne possit: Hoc autem in actione empti deficere expeditum



pedicum est Anton. Fab. *decad. 17. Error. 7.*

### QUESTIO XII.

*An in contrariis bonæ fidei iudiciis in litem iuretur?*

**Q**UOD hætenus in bonæ fidei iudiciis in litem iurari dictum est, id de actionibus directis facile largiuntur omnes; Sed an idem quoque in contrariis actionibus obtineat expeditum hauri videtur: Etenim Accursius in *l. si pignore. §. si post ff. de pign. act.* in his non minus atque in directis, in litem iurari statuit.

1. Quia actiones contrariæ directarum naturam sequuntur & imitantur; ita ut quod in directis à lege constitutum est, hoc in contrariis quoque obtineat.

2. In *l. si de pignore §. si post ff. de pign. act.* huius sententiæ optimum videtur fundamentum constitui: Nam ibi dicitur, contrario iudicio agi, si post distractum pignus debitor, qui precario rogavit vel conduxit, pignus non restituat. Atqui adversus rem non restituentem iurari in litem certum ac indubitatum videtur *l. 1. 2. ff. de in lit. sur. l. 68. ff. de R. Vindic.* Quare in contratio quoque iudicio in litem iurari dicendum est.

Cæterum quin hæc sententia falsa sit, dubium mihi planè nullum est:

Nam primò in illis demum actionibus in litem iuratur, quibus

de re sua sibi restituenda agit dominus *l. 8. ff. de in lit. iur. l. 9. ff. Rer. amot.* At qui agit actione contraria, non est dominus rei, quam persequitur, ut qui de expensis à se in rem alienam factis potissimum agit *l. 5. ff. depositi.* Vnde & fundamentum iurisiurandi in litem in hoc contrario iudicio deficit.

Secundo in illis demum iudiciis in litem iuratur, in quibus de fide rupta agitur, ut proxima questione dictum fuit: Atqui contrario iudicio non agitur de fide rupta sed de calculo solum. Et hoc distetè expressit Ulpianus in *l. 5. pr. ff. depositi* ubi ait: Ei, apud quem depositum esse dicitur, contrarium depositi iudicium datur; in quo iudicio meritò in litem non iuratur: Non enim de fide rupta agitur; sed de indemnitate eius qui depositum suscepit.

#### *Solutio contrariorum.*

Hic non obstant fundamenta Accursii: Nam quod primò dicebatur contrariorum iudiciorum eandem esse naturam quæ directorum, id verum est hætenus duntaxat, quatenus utrobique eadem est ratio, non ubi diversa: Nam nec contrario iudicio quis infamis redditur, cum directo iudicio damnatus infamia notetur *§. 1. l. de pæn. rem. litig. l. facti. §. fin. ff. de his qui not. infam.* Et quoad propositum ac præsentem questionem diversissimam esse rationem contrarii atq; directi iudicii, ex prædictis re-

lucet.

lucet ac evidenter probat *d. l. 5. pr. ff. depositi.*

*Ad secundum quoque non est difficilis responsio: Nam etsi contrario iudicio agatur de restituendo, non tamen protenus sequitur, quod in eo quoque in litem iuretur: Ut enim in litem de affectione iuretur, non sufficit agi de restituendo; sed requiritur etiam ut de fide rupta agatur: At hoc in contrariis iudiciis non accidit *d. l. 5. pr. ff. depositi.* Deinde requiritur ut quis de re sua sibi restituenda agat *d. l. 8. de in lit. iur. & d. l. 68. de R. indic.* At hoc ipsum quoque in contrariis iudiciis deficere, probat *ead. l. 5. pr.**

### QVÆSTIO XIII.

*An in arbitrariis iudiciis in litem iuretur; & in specie de actione doli & actione quod metus causa?*

**I**N arbitrariis quoque iudiciis in litem iurari testatur expresse Ulpianus in *l. 68. vers. Hac sententia ff. de R. indicat. hac sententia* (quod res æstimetur ex affectione iureiurando actoris) *esse generalem & ad omnia sive interdicta, sive in rem sive in personam sine, ex quibus arbitrari iudicis quid restituatur, locum habet.* Atque hoc quidem extra omnem dubitationis aleam positum esse videtur: De eo autem maxima suboritur dubitatio, an etiam in actione quod metus causa & in actione doli quas & ipsas arbitrarias esse constet, in litem iu-

rari possit? Antonius Faber, & qui eum ex neotericis sequuntur, contendunt in actionibus hisce in litem iurari non posse.

1. Quia si de eo quod metus causa gestum est, agatur, tum poena quadrupli edicto ipso prætoris sit constituta adversus contumacem possessorē rem domino restituere nolentem *l. 14. §. 1. ff. quod met. caus.* Nulpiam verò permittatur rem iureiurando actoris æstimare præterquam in *l. 18. ff. de dolo malo.* quæ à Triboniano scdē fuerit corrupta: Sin vero agatur de dolo actione doli, tum condemnatur reus, quanti res est hoc est quanti revera interest actoris *d. l. 18. Id a.* quod interest diversum sit ab eo quanti in litem iuratum est *l. 64. ff. de indic.*

2. Quod Marcianus in *l. 5. pr. ff. de in lit. iur.* frustra aliās scripserit; in actionibus arbitrariis in rem iurari in litem; si in actionibus arbitrariis personalibus idem obtineret.

3. Quia in illis demum actionibus in litem iuratur, quibus dominus rem suam repetit *d. l. 8. ff. de in lit. iur. l. 9. ff. rer. amot.* per actionem a doli & actionem quod metus causa dominus non repetat rem suam, quia traditio & venditio per metum aut dolum extorta, transfert dominium *l. 5. C. de rescind. vendit. l. 9. §. licet & §. Valenti ff. quod met. caus.*



4. Quia in his actionibus deficit ratio & fundamentum iurisiurandi in litem affectionis, quod est, ne dominus rem suam invitus cogatur suo precio vendere *d. l. 8. & d. l. 9. ff. rer. amot.*

Sed hic Ant. Fabri argumentis minime motus, omnino statuendum cenleo, in actione quoque doli & metus in litem iurari. 1. Quia in *d. l. 68. ff. de R. Vindicat.* generaliter definitur in omnibus actionibus, sive in rem sint, sive in personam, quibus arbitrato Iudicis quid restituitur, in litem iurari.

2. Confirmat hanc etiam sententiam *l. 18. ff. de dolo malo*. ibi Paulus *Arbitrio iudicis in hac quoque actione restitutio comprehenditur; & nisi fiat restitutio, sequitur condemnatio quanti ea res est*; Ideo autem & hic, & in metus causa actione certa quantitas non adiicitur, ut possit per contumaciam suam tanti reus condemnari, quanti actor in litem iuraverit; Quam legem frustra, tanquam absurdam reiicit Antonius Faber ex ea ratione, quod in principio illius *l. 18.* dicatur nullam certam quantitatem actione quod metus causa comprehensam esse; Cum tamē quantitas pœnæ, quadruplū scilicet, manifeste fuerit edicto definita *l. 14. ff. quod met. caus.* Resp. Nam quantitas, quam negat Paulus in *d. l. 18.* edicto fuisse definitam, non est

quantitas pœnæ; sed quantitas simpli, cuius quadruplum, pœnæ loco, edictum prætoris iubet præstari illi, qui metum est passus. Simplicum verò istud idcirco incertum est quia est id quod interest, cuius æstimatio incerta est.

#### *Solutio contrariorum.*

Nec quicquam movent Antonii Fabri argumenta: Non sane primum, quia etsi edicto prætoris pœna actionis quod metus causa sit quadruplum: Tamen istud quadruplum est simpli istius quadruplum, quod iureiurando actoris definitum est: prius enim simplicum definiendum est, quam quadruplum simpli istius constituatur: At simplicum hoc quoniam incertum est, nec edicto prætoris determinatum, definitur ac determinatur iureiurando actoris, ut Paulus ostendit in *d. l. 18.* Nec obstat quod dicitur quadruplari id quanti res est *d. leg. 14. paragraph. septimo ff. quod met. causa.* Id enim ex *d. leg. 18. ff. de dolo* sic omnino accipiendum est; quanti res est ex iureiurando actoris; seu quanti res est ex iureiurando actoris æstimata. Nec etiam impedit quod omne, quod actione quod metus causa restituitur, quadrupletur *d. l. 14. §. 1.* Atque sic etiam fructus, qui tamen cum petantur solum tanquam debiti, non etiam tanquam nostri, non æstimentur per iusiurandum in li-

in litem. Resp. Nam omne quod restituitur, id quadruplatur, adeoque fructus etiam, sed exinde non sequitur quod id quod quadruplatur, pariter etiam per iusiurandum in litem æstimetur. Quadruplatur res ipsa restituenda, prius iureiurando in litem æstimata: quadruplatur fructus, sed æstimati officio iudicis. Sic igitur, quoad actionem quod metus causa, sese res habet; Is qui rem metu extortam detinet, iubetur primo illam priori suo domino restituere: Si restituit, bene sese res habet: Sin minus, permittitur auctori adversus ipsum iureiurando rem suam æstimare, cuius rei sic æstimatæ quadruplum post præstare compellatur, qui arbitrio iudicis non paruit.

Quamvis non ignorem Hugonem Donellum *15. Comm. 38.* distinguere, ut intra annum quadrupletur simplex quanti res est, quæ restitui debet, hoc est, quanti verè est, & quanti interest auctoris metum non pati: At cum post annum ad simplex ventum est, in quo id agitur, ut quod per metum amissum est, restituatur; nisi id arbitrio iudicis restituitur, sequatur quidem condemnatio quanti ea res est; sed quanti ea est iureiurando auctoris æstimata: Atque sic accipit *l. 18 ff. de dolo.*

Quæ tamen distinctio propterea non videtur admittenda, quod textus *d. l. 18.* generalis sit & indistinctè velit simplex æstimari ar-

bitrio auctoris per iusiurandum in litem: Nec etiam ullus textus extet, qui hanc Donelli distinctionem confirmet. Quibus & illud accedit, quod quæ ratio suadet rem, quæ non restituitur ei cui erat metu extorta, post annu iureiurando in litem æstimari, eadem quoque idem fieri intra annum omnino compellat.

Quod porro Antonius Faber actionem doli saltem de eo competere quanti res verè est; seu quanti revera interest auctoris, id aperte à Paulo negatur: Et quod ille in *pr. d. l. 18.* dicit, si res non restituatur condemnari reum quanti res est, id, ipsomet Paulo interprete in *versic.* statim subiecto sic accipiendum est, ut supra illud intelligendum dixi, nempe quanti res est ex iureiurando in litem auctoris, seu quanti res iureiurando auctoris æstimata est. Postremo etsi edicto de dolo & edicto quod metus causa nil de iureiurando in litem reperitur cautum: id tamen ex sententia edicti admittendum esse, interpretes est ipse Paulus in *d. l. 18.* qui, ut inscriptio eius legis arguit, edictum de dolo & metu interpretatus est *lib. 11.* quem ad edictum perpetuum scripsit.

Non adversatur sententiæ nostræ secundum Antonii Fabri argumentum, quoniam in *d. l. 5. ff. de in lit. iur.* Iustus Marcianus reliquas in personam actiones similes istis, quas ibidem recensuit, minime excludere



cludere voluit: Alioquin si hoc hoc ipsi propositum fuisset, nec in actione rerum amotarum, quæ & ipsa in personam est, iuraretur in litem, contra quam dicitur in *l. 8. ff. rer. amot.* Nec etiam in Faviana & Calvisiana, quæ & ipsæ in personam sunt, *l. 1. §. hac actio. ff. si quid in fraud. patroni*: Nec tamen bonæ fidei sunt *§. 28. l. de act. in litem iurari posset*, cum tamen contrarium asserat J Crus in *l. Tenetur ff. d. tit.* Quapropter à similibus etiam hîc procedendum est ad similia & ubi eadem ratio est, ibi ius idem constituendum est, *l. 12. cum seq. ff. de legibus.*

Non obstat *Tertium* argumentum: Nam etsi alienatio dolo aut vi extorta dominium transferat stricto iure: Humanitate tamen & æquitate inspecta, quæ iusiurandum in litem sustinet, *l. 8. ff. hoc tit. §. l. 9. ff. Rer. amot.* locus est; Maxime cum restitutionis in integrum beneficium, quod ad infirmam alienationem istam competit, semper in parato habeat locus, & ideo rationem iurisiurandi in litem in hisce actionibus deficere, dicendum non est. Atque hanc solutionem meam egregie confirmat exemplum actionis Favianæ & Calvisianæ, quas & ipsas actiones competere de rebus alienatis in fraudem creditorum, aut patronorum, quas res alienatio in accipientes transtulerit, expeditum est. Et tamen in illis actioni-

bus, non obstante alienatione ista, in litem iurari liquido constat ex *l. Tenetur ff. de his quæ in fraud. patroni.*

Atque ita quoque quarto & posremo argumento satisfieri puto.

#### QVÆSTIO XIV.

An etiam in strictis iudiciis in litem iuretur?

**D**E strictis iudiciis ecquid dicendum? An & in illis in litem de affectione iurabitur? Negat hoc communis interpretum nostrorum Schola, cum primis *l. 5. in fine §. l. seq. ff. de in lit. iur. mota.* Veruntamen ab ea recte divortium facit Duarenus:

Quæ enim ratio in bonæ fidei iudiciis locum facit iuriurando in litem, eandem plane in strictis iudiciis obtinere manifeste deprehenditur, in illis, inquam strictis iudiciis, quibus de re sua restituenda Dominus agit: Cuiusmodi est condictio furtiva; Item actio rerum amotarum: Nam contumaciam detentoris domino nocere, ipsumque adigere ad rem suo precio vendendam, non modo durum & iniquum, sed rationi etiam iuris manifestæ contrarium est: At verò hanc esse rationem & hoc fundamentum iurisiurandi in litem, sæpe demonstratum est. Nec est quod quis hoc loco excipiat; Rationem istam ex æquitate desumptam locum sibi in strictis iuris iudiciis non vindicare: Nam æquitatem in omnibus iudiciis dominari,

nari, perspicue probant *l. 8. C. de iudic. l. 4. C. de obl. & act.* Et annon actio rerum amotarum stricti est iuris? Et tamen ex eadem æquitate ratione in illa iurari in litem, ius nostrum permittit, *l. 8. § l. 9. ff. Rer. amot.* Et quid de actionibus Favianæ & Calvisianæ dicemus, quas bonæ fidei fortassis nemo hominum dixerit, & nihilo tamen minus in illis in litem iurari asserit sæpe citata *lex Tenetur ff. qua in fraud. patroni.*

Accedit quod Ulpianus in *l. 68. ff. de R. Vindic.* cum dixisset, in rei vindicatione in litem iurari & reum tanti auctori condemnandum esse, quanti is iuravit in infinitum, subiicit post in fine illius *l. 68.* Hanc sententiam generalem esse, & ad omnia, siue interdicta, siue actiones in rem, siue in personam sint, ex quibus arbitrio iudicis quid restituitur pertinere.

Huic verò sententiæ non refragatur quod Marcianus in *d. l. 5. ff. de in lit. iurand.* unico illo casu, quo post moram commissam res amplius non exstat, ut à iudice æstimari possit, iusiurandum strictis in iudiciis admittat, & quidem iusiurandum duntaxat veritatis: Nam sequens *l. 6.* mentem Marciani declarare videtur, quod nempe de illis solum strictis iudiciis loquatur, quæ non sint de re domino restituenda, sed solum de re præstanda; quales sunt actiones ex stipulatu & testamento, in quibus in li-

tem iusiurandum non admitti ipsimet ultro fatemur.

Nec obstat quod in eadem *l. 5. pr.* Marcianus definiturus, in quibus iudiciis locum habeat iusiurandum in litem, nullam omnino mentionem faciat iudiciorum stricti iuris: Resp. Non enim unius inclusio est exclusio alterius, maxime ubi id ratio excludi non permittit.

### QVÆSTIO XV.

*An in conditione furtiva in litem iuretur?*

**S**ed de conditione furtiva communis est pragmaticorum opinio in ea quoque in litem iurari propter *l. Cum furti 9. ff. de in lit. iurand.* in qua Javolenus: *Cum furti agitur, iurare ita oportet quanti rem fuisse cum furtum factum sit non adici eo plurisve, quia quod res pluris est, utiq; tanti est.* Hanc sententiam etsi improbet Antonius Faber *17. Error. prag. 5.* proculdubio tamen verissima est; Non quidem propter *d. l. 9.* qua in confirmationem sententiæ huius abutuntur pragmatici, ut quæ non de affectionis, sed de veritatis iureiurando (quo solo æstimatur res quanti est) loquatur, Sed ideo potius, quod, definiente Ulpiano, in *leg. 68. ff. de R. Vindicat.* In omnibus actionibus in personam, quibus agitur de re domino restituenda, in litem iurari possit. Jam verò conditionem furtivam esse actionem in per-

in personam, qua agitur ad rem domino suo restituendam, expeditum est.

2. Accedit huic quod, ob quam rationem aliis in actionibus in litem iuratur, eadem in conditione quoque furtiva obtineat: Nam idcirco diximus permitti domino per iusiurandum in litem ex affectione rem suam æstimare quia non sit æquum cogi dominum rem suam suo & vero precio contumaci detentori vendere, *l. 8. ff. de in lit. iur. l. 9. ff. Rer. amot.* Atqui si in conditione furtiva non permetteretur in litem iurare, cogeretur dominus furi rem suam vero precio vendere, adeoque factum furis prodesset furi, & domino obesset contra *l. 15. de R. iur.*

3. Præterea perquam foret absurdum, furem melioris esse conditionis, quam ceteros detentores & contumaciam potius furi, quam aliorum facere, ut dominus aut re sua carere, aut precio vero eam vendere cogatur.

4. Quia, quoad rei æstimationem, quæ ratio est actionis rerum amotarum, eadem quoque est conditionis furtivæ & vice versa *l. 29. ff. Rerum amot.* Atqui in actione rerum amotarum rem æstimati iusiurando in litem, constat ex *d. l. 9. ff. eod. tit.* Quare idem quoque de conditione furtiva admittendum erit.

Nec movet quod obicit Antonius Faber, conditionem furti-

vam esse stricti iuris; & ideo in eo, nisi unico isto casu, quo res non extat, nec sine iureiurando æstimari potest, iurari in ea non permittatur. Resp. Jam enim probatum est in actionibus quoque stricti iuris in litem iurari; Et sane si Antonius Faber concedit in actione furti in litem iurari posse, quam tamen esse stricti iuris iudicatum est, miror ipsum hanc ob causam in conditione furtiva negare in litem iurari posse, quia sit stricti iuris.

Multò minus verò obstat, quod cum in conditione furtiva res æstimetur quanti plurimi unquam fuit *l. 8. §. 1. ff. de condit. furtiv.* fieri non possit ut iureiurando actoris æstimetur; Non solum quia inauditum sit iurari in litem quanti plurimi res sit, sed etiam quia hæc prorsus pugnancia sint, in conditione furtiva iurari in litem & fieri condemnationem quanti res fuerit plurimi:

Resp. Nullibi quippe dicitur, quod iureiurando in litem res furtiva æstimetur quanti plurimi; æstimatione enim quanti plurimi res unquam fuerit, cuius meminit *l. 8. ff. de condit. furtiva* non sit per iusiurandum in litem, sed officio Iudicis.

### QUESTIO XVI.

De quibus rebus in litem iureiuratur?

Iuratur in litem de illis solum rebus, quarum æstimatione incerta est & in quas domini petitoris probabilis aliqua cadit affectio quæq; certa



certa specie constant, nec ex quantitate æstimantur. Quandoquidem in his solis locum habet finis iurisiurandi in litem, ne scilicet dominus cogatur rem suam suo precio vendere; sed ex affectione & arbitrio, rei suæ precium statuere possit *l. 8. de in lit. iur. & l. 9. ff. Rer. amor.* Hinc de nummis depositis in litem non iurari, auctor est Ulpianus in *l. 3. ff. de in lit. iur.* ex ea ratione quod nummorum certa sit æstimatio &, ut Paulus dicit in *l. 1. ff. de contrab. emp. perpetua.*

Quod utrum etiam de cæteris rebus in quantitate consistentibus, ut in vino, oleo & frumento obtineat, ambigunt Interpp. iuris: Affirmat quidem Zasius in *l. 3. num. 9. de in lit. iur.* Verior tamen est Donelli opinio, qui de his non magis, quam de nummis in litem iurari contendit. Et si enim fortassis harum rerum æstimatio non pèrinde certa est atque nummorum, sed singulis ferè temporibus & locis mire variantur, eius tamen sunt naturæ & qualitatibus, ut in illas nulla cadat affectio singularis. Quid enim obsecro tuum interest utrum vinum tuum, apud alium depositum, in specie recipias, an aliud, eiusdem tamen qualitatibus & quantitatis? Certe nihil. Sed num in vinum certam poteris habere affectionem, iuxta quam illud iureiurando æstimes? Nullo modo. Sed & rerum illarum certa est æstima-

tio, non quidem omnium, sed singulorum temporum; ut proinde eadem plane ratio de his, quæ de illis in litem iurare prohibeat.

### QVÆSTIO XVII.

*Quinam sit effectus iurisiurandi in litem affectionis?*

**E**ffectus huius iurisiurandi in litem affectionis hic est, quod per illud possit dominus rem suam etiam ultra verum eius precium ex affectione sua, quam in rem illam habet, in infinitum, nullâ taxatione à iudice præfinita: Aut eâ præfinita ad modum statum æstimare *l. 1. l. 2. l. 8. ff. de in lit. iur. l. 9. ff. rer. amor. l. 25. ff. solut. matrim.* Sic ut etiam iudex eâ æstimatione stare & reum actori in id, quantum in litem iuratum est, condemnare cogatur *l. 18. ff. de dolo l. 25. §. 1. ff. solut. matrim. l. 8. §. 1. ff. rer. amor. l. 68. ff. de R. ind. l. 16. §. 3. ff. de pignor. l. 8. ff. h. tit.* Præterquam si magna causa diversum suadeat iubeatque reum vel absolvere in totum, vel minoris condemnare *l. 4. §. 3. ff. de in lit. iur.* Magna illa causa est, si doceatur instrumentis aliisque probationibus & documentis pòst repertis, vel possessorem non desuisse dolo malo possidere, iustamque habuisse possidendi causam; adeoque revera contumacem non fuisse: Aut verò petito rem non fuisse dominum.

Hæc causa, si incidat, poterit iudex



dex reum, adversus quem iuratum est, vel in totum absolvere, vel minoris condemnare: In totum, si rei totius dominum non fuisse petitorum, vel totam rem non desuisse possidere reum, vel non contumaciter retinuisse rem illam sed iustam retinendæ eius causam habuisse constet. Quoad partem vero absolvendus erit reus si eadem in parte rei petita occurrunt. Sed quid si horum nihil probationibus post repertis doceatur; annon etiam tum, quando iuravit in litem dominus, & recte quidem, iuravit adversus eum, qui verè contumax fuit, licebit iudici recedere ab æstimatione iurisjurandi actoris, si appareat ipsum in immensum iurasse remque etiam ultra eam, quam habere potuit affectionem æstimasse, adeoque peierasse? Equidem strenue id, negat Anton. Fab. in *Error. pragm. 18. Err. 9. eandemque opinionem fovet Donellus in l. fin. ff. de in lit. iur.*

Nobis tamen affirmativa magis arridet opinio, quod enim affectioni domini tantum indulgeri non debeat, ut is rem suam ex affectione in immensum æstimet, satis relucet ex *l. 4. §. 2. ff. de in lit. iur.* ubi Ulpianus propterea iuriurando ab initio taxationem adicere iubet, ne in immensum iuretur; nolunt igitur leges in immensum iurari, per magnam causam, ob quam Marcianus ait reum minoris quam iuratum est, condemnari posse,

non solum illam intelligo, quam supra ex Donello adduxi, cum scilicet pòst repertis probationibus, aut dominum non fuisse petitorum, aut possesorem non extitisse contumacem, nec dolo malo possidere desuisse, verum etiam hanc magnam esse causam à iureiurando isto discedendi iudico, cum appareret in immensum iuratum ac peieratum esse.

Cui sententiæ nostræ contrarium non est quod in *l. 68. ff. de R. Vindicat.* eum, qui dolo malo possidere desiit, damnandum esse, quantum adversarius in litē iuraverit in infinitum.

Respons. Nam diversa hæc sunt iurare in infinitum & iurare in immensum: Illud concessum est: hoc vero prohibitum *d. l. 4. §. 2.* Infinitum est, quod definitum & determinatum non est *arg. l. 9. ff. de servit.* Duatenus in *d. §. 2.* Anton. Fab. *d. Error. 9.* Quapropter condemnandus est reus quanti actor iuraverit in infinitum, non etiam quanti iuraverit in immensum.

Nec refragantur illa loca, in quibus dicitur tanti esse damnandum reum quanti actor iuraverit, nec ulla certa quantitas adiciitur *l. 18. ff. de dolo malo l. 8. ff. de in lit. iur. l. 25. §. 1. ff. solut. matrim. l. 8. §. 1. ff. rer. amot. l. 16. §. 3. ff. de pignor.*

Respons. Nam omnia illa loca revocari debent ad *l. 5. §. 2. ff. de in lit. & exinde cum hac exceptione*

ptione accipi, nisi magna causa sua-  
deat minoris condemnari reum,  
quam iuratum est: Magnam autem  
causam diximus etiam illam esse, si  
in immensum iuratum fuerit.  
Quin etiam probabiliter dici po-  
test, iudicem quidem debere con-  
demnare reum quanti in litem iu-  
ratum est; nisi iusiurandum actoris  
taxatione refrenandum existi-  
maret, tanquam immodicum &  
nimis iniquum: Hoc enim officio  
iudicis contineri ait Paulus in *l. 18. ff. de dolo*. quæ lex etiam sen-  
tentiam illam, quod tanti sit da-  
mnandus reus, quantia actor iura-  
verit, cum hac moderatione acci-  
piendam aperte ostendit. Nec de  
alia taxatione accipienda est, quam  
de illa, quæ de iureiurando iam  
præstito adhibeatur, uti ex eo re-  
lucet, quod regula precedens de  
damnando reo, quanti iuratum  
est, loquatur expressè de iureiuran-  
do iam præstito: Cui consequens,  
limitationem subiectam de taxa-  
tione adhibenda, de iureiurando  
non præstando, sed præstito acci-  
piendam esse.

Non obstat præterea *Novell. 82. c. 10.* ubi ita cautum est, si iudex  
victori iusiurandum de expensis  
deferat, ad quantitatem quæ illi  
moderata esse videbitur, ac victor  
iuret, ne iudici liceat in minorem,  
summam, quam iuratum est, con-  
demnare.

Respondeo præterquam enim

quod hæc Justiniani constitutio  
loquatur non de iuramento affe-  
ctionis, sed de iureiurando verita-  
tis, accipienda omnino est, si de  
iuramento affectionis agit, cum  
exceptione & limitatione *d. l. 4. §. 3. & l. 18. ff. de dolo* quod nempe  
non liceat minoris condemnare  
reum, quam iuratum est, nisi ma-  
gna causa sua deat. Hoc enim usi-  
ratum est in iure nostro, ut leges  
etiã posteriores trahantur ad prio-  
res atque ex illis interpretationem  
recipiant: Nisi aperte contrarij sint  
*l. 28 ff. de ll.*

Similiter non infringit opinio-  
nem nostram quod iusiurandum  
ne quidem sub periurii prætextu  
retractari debeat *l. Admonendi ff. de iureiur. l. 1. C. de Reb. credit.* Nec  
de periurio eius, qui in litem iura-  
verit, quæri debeat *l. fin. ff. de in  
lit. iur.*

Respons. Etenim de con-  
ventionali iureiurando accipien-  
dum est quod in citatis textibus di-  
citur, iusiurandum ob periurium  
non posse retractari: Conventio  
enim partium facit, ut hoc iureiur-  
ando præcise stati debeat *l. sed si  
servus l. qui iurasse §. fin. ff. de iure-  
iur.* At vero iusiurandum in litem  
non ex conventionem partium, sed à  
iudice deferri solet *leg. quarta, pa-  
ragraph. primo ff. iureiurand.* Lex  
autem *final. ff. de in lit. iurand.*  
huc non pertinet: Loquitur e-  
nim de iureiurando veritatis,

quod ex iuris necessitate deferatur, ut postea ostendemus: Nec etiam asserit *l. illa final.* quod de periurio in litem iuratis nunquam queratur; sed quod non facile, nec levi de causa. Igitur magnam & gravem ob causam de periurio actoris queritur non prohibet.

Insuper non convellit nostram sententiam, quod is, qui ex affectione iurat, non iuret de precio, sed de affectu suo & arbitrio *l. 8. ff. de in lit. iur.*

Resp: Ex eo enim hautquam inferri potest, quod ideo in immensum iurare possit, & affectionem etiam probabilem estimatione iurisiurandi excedere valeat. Nam licet quidem actori iurare de affectu suo & arbitrio; sed tamen de affectu & arbitrio vero ac probabili; alioquin certe si secus iurer, merito iuramentum taxationi & moderamini iudicis subiacet, cum leges in immensum iurari velint *d. l. 4. §. 2. ff. hoc iur.*

Adhuc nec illud nobis magnopere adversatur, quod actori fieret manifeste iniuria qui per dolum possessoris re sua invitus carere cogeretur, si rem suam pro arbitrio suo aestimare prohiberetur, aut dolo adversarii cogeretur rem suam vendere eo precio, quod à iudice constitutum fuerit: Resp: Nam quæ potest esse iniuria aut iniquitas in eo, quod iudex estimationem nimis iniquam, immensam, fallam

& absurdam moderatur eamque præstare iubet, quæ quidem veri precii quantitatem excedat iniuriamque à possessore contumaci acceptam abunde recompenset actori non tamen immensa sit? Et certe, si illam, quam iudex taxavit, consequitur estimationem reus, non cogitur rem suam suo precio vendere adeoque nihil omnino sit contra æquitatem, quæ in litem iuramentum sustinet. Et quidem permittitur ei arbitrio suo precium statuere in *l. 8. ff. de in lit. iur.* Verum intelligitur ibi arbitrium moderatum, non immensum arbitrium *d. l. 4. §. 2. ff. de in lit. iur.*

Denique non adversatur quod si taxationem ab initio non adiecerit iudex, si postea in immensum iuraverit actor, id iudici potius imputari debeat, quod ab initio modum iurando non statuerit: primo enim, cum in iudicis arbitrio sit taxationē adiacere, nulla ipsi culpa poterit imputari, si eam non adiecerit. Deinde si iudex nihil tale fuerit de actore suspicatus quod in immensum fuerit iuraturus, eò quod arbitratus fuerit affectionem eius esse moderatam, quid obsecro ipsi imputari potest quod summam non definierit, ad quam usque actor iuraret? Et ut iudex in eo peccarit, quod à principio taxationem omiserit, id tamen reo nocere non debet, ut is in immensum teneatur. Et tantum

de iur.

de iureiurando in litem affectionis; Restat ut de altero iureiurando in litem, quod vulgo veritatis, Anton. Faber, necessitatis, appellant, videamus.

### QVÆSTIO XVIII.

*Quinam deferat iniurandum in litem veritatis?*

Iusiurandum in litem veritatis iudex, ut iuramentum affectionis deferat Iudex, & quidem is solus, non etiam actor: Sic enim ea de re scribit Marcianus in *l. 5. §. fin. ff. hoc tit. Plane interdum in actione stricti iudicii in litem iurandum est, veluti si promissor Stichus moram fecerit & Stichus decesserit, quia iudex æstimare sine relatione iuri iurandi non potest rem, quæ non extat; Quæ verba satis manifeste indicant per iusiurandum Iudicem æstimare rem quæ non extat; Id autem aliâ ratione fieri non potest, quàm si is actori iuramentum deferat. Et certe nusquam proditum est in toto iure nostro veritatis iuramentum aliud deferre, quàm iudicem, nec ulla etiam ratio id suadet. Quod enim Hugo Donellus in *l. 4. §. de ferre ff. de in lit. iur.* ideo putat iusiurandum hoc veritatis a reo deferendum esse, quod in eo res Iudicis non agatur, ut in iureiurando affectionis quod ad contumaciam adversus Iudicem commissam puniendam sit comparatum; Id sane non per omnia admittendum videtur, tum quod contu-*

macia ista, quæ per iusiurandum affectionis coerceri dicitur in *l. 2. ff. de in lit. iur.* non tam spectet ad iniuriam Iudicis, quam actoris, cui possessor contumax rem restituere recusat: Tum etiam quod in iureiurando veritatis veritatur interesse iudicis, ut cuius omnino interest, aliquid certi habere quod sequatur in condemnando reo. Cæterum iudex hoc iusiurandum deferre etiam invitus cogitur, quandoquidem alias rem, quæ non extat, cuiusque æstimatio actori præstanda est, sine delatione iuri iurandi æstimare non potest. *d. l. 5. §. fin.* Ex quo differentia huius & affectionis iuri iurandi manifesta relucet, quoniam hoc deferre nec ne in merito sit arbitrio iudicis, *l. 4. §. 2. ff. de in lit. iur.* Cum etiam aliâ ratione, quàm eius iuramenti delatione actori consuli queat, ut supra dictum fuit.

### QVÆSTIO XIX.

*Quinam deferatur iniurandum veritatis?*

Defertur autem hoc iusiurandum veritatis actori, & quidem volenti, cum & hoc, ut illud affectionis ad favorem & commodum eius solius pertineat, cui renunciate liberè & impunè potest. Defertur autem actori, etiam si rei pethæ non sit dominus, quia & stipulatori de re promissa æstimanda defertur, *d. l. 5. paragraph. 1. & leg. 6. ff. de in lit. iurand.* qui ante traditionem



ditionem rei promissæ dominus non est.

Defertur adversus reum non solum illum, qui rem alienam detinuit, sed etiam adversus rei promissæ debitorem, *d. l. §. fin.* quæ tamen amplius non extat, ut præstari possit, sed extare desuit, sive dolo, sive culpâ & mora debitoris, *d. §. fin.* Si enim nihil ex his neque dolus, neque mora, aut culpa debitoris intervenerit, liberatur debitor *l. si ex legati ff. de V. obligat. l. quod te ff. de R. credit.* Et quidem ita, ut ne quidem ad æstimationem rei teneatur, *l. in ratione §. incerta ff. ad L. Falcid.* De mora quidem & culpa sola Marcianus respondit *in l. §. fin.* Sed idem quoque, & quidem multo magis, de dolo extra dubium intellectum voluit. Nec refragatur Marciano Ulpianus *in l. 4. §. 4. ff. eod. tit.* ubi negat ex culpa iusjurandum deferendum esse, sed à Judice æstimationem fieri oportere. Nec sibi contrarius est ipse Ulpianus *in ead. l. §. 3.* in qua culpâ à Judice æstimari ait. Loquitur quippe Marcianus de affectionis iureiurando, quod ob solum dolum & latam culpam, quæ doli appellatione continetur, deferendum existimat ex ratione, quam supra suo loco reddidimus. Quod autem uterque Jctus culpam officio iudicis æstimandam ait, id ita verum est, si æstimatio referenda sit ad tempus præteritum, quo res adhuc extitit, quæ iam perierit: Sin-

verò ad tempus præsens, quo res non amplius extat, æstimationem referri oporteat, non à Judice, sed ab actore per iusjurandum in litem fieri debeat. Et ratio huius hæc est, quod facile Judici constare possit, quanta fuerit æstimatio rei nunc peremptæ, illo tempore, quo adhuc extitit: At quanta sit tempore præsentis, quo agitur, neque bonus vir ullus, nec Judex, qui boni viri officio fungitur, æstimare potest. Merito itaque tempore præterito, quo res extitit inspecto, æstimatio a Judice facienda est: At tempore præsentis, quo res non amplius extat inspecto, fieri necessario debet per iusjurandum in litem actoris.

#### QVÆSTIO XX.

*In quibus iudiciis locus sit iurijurando veritatis?*

**D**Efertur hoc iusjurandum primo in strictis iudiciis, de quibus hoc nominatim atque in specie asseruit Marcianus *in l. §. fin. ff. de in lit. iur.* & Paulus *in l. seq. 6.* An idem in bonæ fidei iudiciis obtineat, quaeritur? Affirmat Anton. Fab. *17. Error. pragmat. ult.* Donellus *in l. §. n. 14. §. sequent. ff. de in lit. iur.* 1. Quia non minus in bonæ fidei, quam in stricti juris iudiciis mora à debitore contracta efficit, ne naturali interitu speciei tollatur obligatio, sed ut ea perpetuetur ac perinde habeatur ac si res, quæ interit, adhuc extaret; Hoc siqui-

siquidem ex æquitate, quæ in bonæ fidei judiciis maxime spectatur, *l. 5. C. de rescind. vend.* descendit, ne mora alii, quam ipsi moratori noceat; Cui consequens est ut post moram debitoris in bonæ fidei judiciis, & quidem præsens æstimator; quoniam si revera extaret Stichus, qui fictione juris propter moram pro extante habetur, talis dari deberet, qualis quantaque esset, cum peteretur *l. 2. ff. de usur.* æstimator illa non à Judice, qui rem quæ non extat, ex tempore scilicet præsentis æstimare nequit; sed per jusjurandum in litem actoris fiat.

2. Quia non debet esse meliori conditione, qui post moram & propter moram convenitur ex iudicio bonæ fidei, re perempta, quam qui ex stricto iudicio convenitur.

3. Quia in *l. 3. ff. de in lit. iurand.* iuratur in litem in actione depositi, quæ bonæ fidei est de interesse quod iuramentum non potest dici affectionis, sed veritatis, *leg. 2. ff. de in lit. iurand. l. sexagesima quarta ff. de iudic.*

Non obstat quod in *l. 5. §. finali* jusjurandum istud veritatis nominatim atque in specie ad stricti iuris iudicia referatur. Id enim idcirco factum esse probabiliter dici potest, quia de his magis, quam de bonæ fidei judiciis dubitari poterat, an in illis huic iurando locus esset; Non vero quia propo-

tum fuerit Jcto. excludere bonæ fidei iudicia.

### QVÆSTIO XXI.

*De quibus rebus sit insiurandum veritatis?*

**D**Eferitur veritatis jusjurandum de rebus quarum incerta est æstimator: quippe hoc jusjurandum ob id deferitur, quod de vera æstimatione rei constet, quæ alias ignoratur, nec alia ratione sciri potest, *l. 5. §. fin. ff. hoc tit.* Ac proinde in illis rebus, quarum certa est æstimator, hoc iuramentum sibi locum non vindicat; quoniam in iis manifestè deficit iurisiurandi huius finis. Hinc de nummis depositis in litem non iurari Ulpianus respondit in *l. 3. ff. hoc tit.* ex ea ratione, quod nummorum certa sit perpetuaque æstimator, *d. l. 3. & l. 1. ff. de contrah. empt.* Quod de nummis dictum, ad reliquas res, in quantitate, hoc est, pondere numero & mensura consistentes portigendum videtur: Tum quod & illarum æstimator, licet temporibus & locis varietur, tamen quæ quantaque sit singulis temporibus exactè sciri potest: Tum etiam quod hæ res universæ petire nequeant, *l. incendium C. si cert. petit.* veritatis autem iuramentum de rebus, quæ amplius non extant, sed perierunt, deferri Authores Marcianus in *d. l. 5. in fine.* Quod si tamen nummis depositis convenerit,

ut certo

ut certo die redderentur, nec redditi fuerint, ait Ulpianus in litem iurandum admitti, quo iuretur de eo, quod actoris revera interest, nummos sua die redditos esse: in quo & illud computandum existimat, si quid forsan damni, occasione nummorum ad præstitutum diem non soluturum passus est creditor, ut si forsan sub pœna pecuniam debuit, quam pœnam, quia solvere debitum suis creditoribus non potuit, dum nummos depositos non accepit, exsoluere coactus fuit: Aut si pignora, quæ dederat suis creditoribus, distracta sunt. Hic igitur iurabit actor se tantum pœnæ loco soluisse, si modo de eo aliunde constare non possit: Aut tanti fuisse pignus amissum. Hæc autem iureiurando ex veritate, non ex affectione æstimabit actor.

I. Quia iuramentum affectionis non præstatur, nisi adversus illum, qui rem, de cuius æstimatione agitur, possidet, nec ex contumacia restituit, aut vero dolo malo rem possidere desit: At vero is, adversus quem hic de pœna & pignore iuratur in litem, nec id, quod pœnæ loco solutum est, nec pignus possedit in eoque non restituendo contumax extitit, I. Quia in l. 3. Ulpianus expresse loquitur de iureiurando quo iuratur quanti interest actoris iurantis. At vero id quod interest ab æstimatione, quæ sit per iusiurandum affectionis,

nulquam non distinguitur, d. leg. 64. ff. de iud. l. 2. ff. hoc iur. & passim.

Quæ sententia etsi verissima sit & fundamentis iuris nostri quam optime conveniat; eam tamen impugnare non dubitavit Antonius Faber 17. Error. pragmat. 9. Ex eo fundamento quod cum iuramentum istud, de quo in d. l. 3. Ulpianus, seu, ut ipse existimat, Tribonianus loquitur, sit necessitatis, adeoque non prius interponi soleat, quam cum id necessitas postulat, ideo nulla ratione possit de pœna exsoluta de quæ pignore distracto præstari, cum per facile possit aliunde sciri, quanta fuerit pœna, quæ creditoribus fuit exsoluta, quanti quæ pignus à creditoribus distractum: Maxime cum æstimatio interesse non referatur ad præsens, sed ad præteritum tempus, atque ex sententia Triboniani iuretur, non quanti interest nunc, cum agitur, sed quanti interfuit tunc, cum nummi depositi restituendi fuissent. Hoc autem tempore inspecto, quo adhuc extitit res, per facile sciri possit quanti valuerit pignus ut ita hoc iureiurando in litem nil penitus opus videatur.

Cæterum quia hæc opinio Fabri textui iuris aperto expresse refragatur & ad eum everendum ac convellendum tota comparata est; optimo iure reiicitur. Maxime cum fundamentum eius admodum

dum sit lubricum : Quin enim casus existere possint, quibus probari nequeat dubitari nullo modo potest. Quid enim si debitor sine testibus & instrumentis pœnam promiserit promissamq; etiã soluerit? Hic certe, se decem, vel 20. pœnæ loco solvisse, omnibus deficientibus legitimis probationibus, demonstrare non potest.

Et quid si vel non adsit creditor, cui illa pœna fuit exsoluta, aut etiã mortuus sit, ut non ex illo de quantitate pœnæ constare possit, idem de pignore dici potest: Et fierietiam potest ut pignus interierit, sic, ut æstimatio illius fieri sine iuramento nequeat, nec verò concedendum est Fabro, quod tanquam fundamentum præsupponit, videlicet rei peremptæ æstimationem per facile fieri posse à iudice, factâ relatione ad tempus illud, quo adhuc res extitit. Quid enim si iudex rem nunc peremptam antea nunquam viderit, quid si nec alii sint, quibus rei qualitas fuerit exactè cognita, sic, ut soli domino de precio rei, quo valuit, cum adhuc superesset, constet, ut sanè per facile fieri potuit. Hoc casu cum alius nemo, nisi dominus rei suæ æstimationem sciat, illi, & non alii, ea commitenda videtur.

Sed nec illud magnopere adversatur dictæ leg. 3. quod Faber ait nummis depositis inepte eam adhiberi conventionem ut certo die redderentur, cum depositarius, in

quæ nec dominium, nec possessio nummorum transfertur, quovis tempore teneatur domino deponenti nummos depositos restituere.

Resp. Nam cuivis contractui, adeoque etiam de posito, adici posse diem & conditionem, explorati est iuris: Et certe nec frustra, nec supervacuè dies apponitur nummis depositis, cum ita depositi sunt, ut non iidem sed eiusdem qualitatis & quantitatis alii restituantur: Quæ conventio, etsi notissimos terminos depositi excedat; non tamen facit ut crediti sint & non depositi nummi, ut suo loco prolixius disseremus.

### QVÆSTIO XXII.

*Quinam sit effectus iurisiurandinecessarii seu veritatis?*

**E**ffectus iurisiurandi in litem veritatis hic est, ut iudex cogatur tanti demnare reum, quanti actor per hoc iusiurandum rem suam aut sibi debitam æstimavit; adeoque iuriiurando actoris stare omnino compellatur, nec possit facile de periurio eius, qui ex necessitate iuris in litem iuravit, quærere *l. fin. ff. hoc tit.* Non facile ait Paulus, quo ipso significat interdum tamen ex magna & gravi causa posse de periurio quæri. Magna autem causa & satis iusta est de periurio quærendi; si post iuramentum præstitum nova sint reperta instrumenta,



menta quibus rei precium designatum erat; ex quibus constet veram æstimationem rei petiti iureiurando excessisse actorem: Tunc enim meritò iuriurando non statur; sed quod amplius solutum est repetitur actione doli, *l. servus §. ult. & arg. l. quod si deferente ff. de dolo*. Non etiam conditione indebiti, quæ de eo quod ex causa iudicali solutum est, non competit *l. i. C. condit. indeb.* Donell. in *l. ff. fin. hoc tit.* Idem dicendum existimat Zasius, cum ex inspectione oculari deprehenditur rem ultra verum eius precium æstimatam esse per *d. l. final. hic.*

## SOLI DEO GLORIA.



Pag. 1. Column. 2. lin. 12. qui in arca p. 3. c. 2. l. 20. conentur p. 15. c. 2. l. 36. nec eius p. 14. c. 2. l. antep. obstrictamq. p. 25. c. 1. l. 12. qui non c. 2. l. 35. eius p. 27. c. 2. l. 11. Vlpianus c. l. 13. interpretandus p. 29. c. 2. l. ult. ab inclusione p. 45. c. 1. l. 22. frustratore l. 27. accommodatam p. 64. c. 2. l. 18. in iudicium est deducta.



